



প্রকাশক—শ্রীহরিশ চন্দ্র মজুমদার

২১৮, কর্ণওয়ালিস্ স্ট্রিট, কলিকাতা ।

প্রথম সংস্করণ ২০০০

আব্দিন—১৩৩৪

প্রিন্টার—শ্রীআণ্ডতোষ মজুমদার

বি, পি, এম্‌স প্রেস

২২।৫ বি, বামাপুকুর লেন, কলিকাতা ।

প্রীতি-উপহার

মন—
স্থান—

(স্বা)—

উৎসর্গ।

স্বর্গীয়

পিতৃদেবের

চরণ ধূলির

তলে—

রানী-বৌ



অক্সা রানী সাক্ষিয়া চিত্রাপিত্তেল মত দাঁড়াইল... পৃষ্ঠা—৩৭।

রানী-বৌ



এক

“সনৎ !”

“দাদা ।”

“আজ কি বার রে ?”

“শনিবার ।”

“উঃ মাগো ! আর কেন মা,—আর যে পারি না মা ।”

সত্যত ছোট ভাই সনৎ কুমারের নয়ন হইতে কয়েক ফোঁটা অশ্রু গড়াইয়া পড়িল । বারের নাম শুনিয়া কেন যে তাহার দাদা অমন করুণ আক্ষেপবাণী উচ্চারণ করিলেন, তাহা বুঝিতে তাহার ক্ষণকালও বিলম্ব হইল না ।

“তাহ’লে শরতের সঙ্গে আজ আর দেখা হ’ল না,—কি বল সনৎ ?” বলিয়া তিনি একটা ছোট নিশ্বাস ফেলিলেন ।

সনৎ কোন উত্তর দিল না । মাথা হেঁট করিয়া বসিয়া রহিল ।

বড়-বৌ কিসমিসের কাটিগুলি ছাড়াইতে ছাড়াইতে ধীরে ধীরে

রাণী-বৌ

বলিল, “ঠাকুরপো আসবে’খন—অত ভাবনা ক’রো কেন ? : এখন একটু ঘুমোও না।”

“ঘুমবার আগেই তাকে একবার দেখতে চাই বড়, ঘুমলে ত আর তার সঙ্গে দেখা হ’বে না! তখন ‘দাদা দাদা’ বলে হাঁজার চীৎকার করলেও আর সাড়া পাবে না—সে।” পরে দম টানিয়া বলিলেন, “আমার যে তাকে অনেক বলার ছিল বড়।”

কিছুক্ষণ সব নিশ্চক্ক ইইয়া রহিল।

“সনৎ, যা ত, তোর বৌদিকে একবার ডেকে আনতো, অনেক দিন রাণী মাকে দেখিনি। আজ একবার তাকে সাম্নাসামনি দেখবো। যা সনৎ—যানা। ভয় নেই, শরৎ কিছু মনে করবে না—বক্বে না। বলবি, দাদা মরবার আগে তোমাদের একবার দেখতে চেয়েছিল। যা ভাই লক্ষ্মীটি আমার।”

সনৎ কোন কথা না বলিয়া উঠিয়া গেল।

বড়বৌ লুকাইয়া চোখের জল মুছিলেন।

কিছুক্ষণ চুপ করিয়া থাকিয়া বড়কর্তা আবার বলিতে লাগিলেন, —“বড়, তোমার মনে আছে—ওকে আমি কেমন করে বড় করেছি ? আচ্ছা বড়, কেমন ক’রে ও আলাদা হ’ল বলত ? ভাই হ’য়ে ভায়ের প্রাণে কেমন ক’রে এমন বাণী দেয় বল ত ?”

বড়বৌ আস্তে আস্তে অগচ দৃঢ়বরে কহিল,—“আচ্ছা আজ অত বক্চো কেন বল ত ?”

রাণী-বৌ

“বড়, আর কোন দিন বকবো না বলেই বোধ হয় আজ এত বক্টি।”

“তুমি যেন কি রকম হ’য়েছ; আজ তিনদিন ধ’রে ঐ এককথাই তোমার হ’য়েছে।”

“কি করবো বড়, মন ক’দিন থেকে ঐ একপালাই গাইছে দে!” বলিয়া আপন মনেই তিনি একটু হাসিলেন।

তারপর বহুক্ষণ কাটিয়া গেল, আর তেমন কোন কথা হইল না।

তিনি আচ্ছন্নের মত নীরবে পাড়িয়া রহিলেন। আকাশ-পাতাল কত কি যে ভাবিতে লাগিলেন, তাহা তিনিই জানেন।

“বড়, সনৎ এসেছে রে?”

“এসেছে।”

বৌমা আসিয়াছে কিনা তাহা তিনি আর জিজ্ঞাসা করিতে সাহস করিলেন না। কারণ, যদি কেহ ইহার উত্তরে “না” বলিয়া বসে, তাহা হইলে, তাঁহার প্রাণ বোধ হয় নিমেষেই শূন্যে মিলাইয়া যাইবে।

সুতরাং তিনি কোন কিছু জিজ্ঞাসা না করিয়া কেবল বাঞ্চিত নয়নে একবার স্বীয় দিকে চাহিলেন। বড়বৌ এ চাহনির অর্থ বুঝিল। বলিল,—“তোমার রাণী-বৌমাও এসেছে।—নিরে আসি?”

তিনি আশ্চর্য্যে বলিয়া উঠিলেন, “এসেছে? দেখলে বড়, আসবে

রাণী-বৌ

না, আমি যে তাকে কোলে পিঠে করে মালুস করেছি! নিয়ে এসো আমার রাণী-বৌমাকে এখানে।” আনন্দে তাঁহার ম্লান মুখ উজ্জল হইয়া উঠিল।

বড়বৌ কোন কথা না বলিয়া চলিয়া গেল। কেবল সে-ই জানিত যে কত চেষ্টা করিয়া তবে সে এখানে আসিয়াছে।

নিরাভরণা রাণী-বৌমাকে দেখিয়া বড়কর্তা বিকট হাসি হাসিয়া বলিলেন, “বড়, দেখ দেখ, চেয়ে দেখ, আমার সোনার প্রতিমাকে, রাণীমাকে কেমন ক’রে সাজিয়েছে।”

তারপর বড়কর্তা একটু আবেগের সহিত বলিলেন,—“বড়, আমি না থাকলে তুমি বিধবা সাজবে, কিন্তু আজ বাঙ্গালীর ঘরে স্বামী বর্তমানে কেমন বিধবা সেজেছে দেখ একবার! যাকে সোনা দিয়ে মুড়ে আমি সকলকে দেখিয়ে বারবার বলেছি—ওগো দেখ, আমাদের রাণী-বৌ দেখ তোমরা!—আর আজ!—সনৎ, তোরা আজ-কাল-কার ছেলে, এমন ক’রে আর ঘরের লক্ষ্মীকে সাজাসনি, বাঙ্গালীর সব গেছে, কেবল এই ঘরের লক্ষ্মীই তো.....”

তিনি আর বলিতে পারিলেন না। উত্তেজনায়, কান্নায়, অভি-
মানে, হৃৎ-কণ্ঠে তাঁহার কণ্ঠস্বর রুদ্ধ হইয়া আসিল। তিনি যেন হাঁপাইয়া উঠিলেন।

সনৎ তাড়াতাড়ি বাতাস করিতে লাগিল। বড়বৌ মুখে একটু জল দিল। মিনিট পাঁচেক পরে তিনি একটু সুস্থ হইলেন। সনৎ

কাণের কাছে মুখ লইয়া বলিল,—“বেশীক্ষণ আজ আর কথা বলনা দাদা—তোমার আবার কষ্ট হবে।”

“আমার কিছু কষ্ট হবে না রে, কিছু কষ্ট হবে না। যে কষ্ট সহ করে এসেছি এ জীবনে, তাতেও যদি-না আজও কষ্ট সহ হ’য়ে থাকে ত, সে প্রাণ যাক।” বলিয়া রাগে তিনি চুপ করিলেন।

বহুক্ষণ অলঙ্কারশূন্য ধুতিপরিহিতা বোমার কমনীয় দেহখানির দিকে ফিরিয়া রহিলেন। কত কি যেন ভাবিতে লাগিলেন। তারপর একটা অশ্রুট বেদনার ধ্বনি উচ্চারণ করিয়া বলিলেন,—“শরৎ সব গহনা খুইয়েছে,—বেশ। ও-শাঁখাটা আর কেন রাণীমা? না-না, ওটার যে দাম নেই। সনৎ! ঐ এক বোড়ার খুরের চাপে ও ভেঙ্গে যাবে একদিন। ধুতি প’রেছ কেন মা? না-না আর বলতে হবে না, বুঝেছি সাড়ীর দাম যে বেশী। মা, হবিষ্টি করত,—একবেলা থাও! আলু ভাতে আর ভাত! দেখ বড়, শেখ, শেখ,—তোমাদের পূর্বপুরুষের মা লক্ষ্মীরা এত কঠোর সাধনা করতো? বিধবা হবার আগে থেকেই বিধবার নিয়ম পালন!” বলিয়া নিজের মনেই তিনি একটু হাসিলেন, একটু নিশ্বাস ফেলিলেন। আবার বলিতে লাগিলেন,—“জুয়াড়ীর সহধর্মিণীর কি সুন্দর সহধর্ম পালন!”

পাগলের মত কি যে বকিলেন, কেহ ঠিক করিতে পারিল না।

রাণী-বো

“তারপর তাঁহার কণ্ঠস্বর সম্পূর্ণ পরিবর্তিত হইয়া গেল। তিনি সজলকণ্ঠে বলিতে লাগিলেন, “রাণীবোমা, তোমায় আর কি আশীর্বাদ করবো মা! ‘চিরস্থায়ী হও’, এ বলে ফল নেই আর! ‘জন্ম এয়োস্বামী হও’ তাতে তোমার লাভ!—তবে একটা কথা বলি, যে সভ্যতা আজ আমাদের ভায়ে ভায়ে বোয়ে বোয়ে এমন করে বিচ্ছেদ ঘটিয়ে দিয়েছে, আনার বাঙ্গালার সংসারকে ছারখারে দিতে বসেছে, তাকে যেনন করে পারো দূর করে পায়ে ঠেলে দাও। ভায়ে ভায়ে বোয়ে বোয়ে আবার এক হ’য়ো। সনৎ! শরৎ এলে আজ তাকে বলতাম—‘রেস ছেড়ে দে ভাই, আর ভায়ে ভায়ে বিনয় নিয়ে গোল করিস নি; কিন্তু, বোধ হয় ঈশ্বরের তা ইচ্ছা নয়—তানা হ’লে আজই শনিবার পড়বে কেন? শনির ফের ভাই, শনির ফের।”

উত্তেজিতভাবে এতগুলি কথা বলিয়া কর্তা থানিলেন, হাঁপাইতে লাগিলেন।

বোমা চক্ষু মুছিতে লাগিল। সনৎ প্রাণপণে নিজের অশ্রু রোধ করিতে লাগিল। কর্তা উদাসভাবে কড়িকাঠের দিকে তাকাইয়া রহিলেন। যেন তিনি কোন একটি অদৃশ্য দেবতার পায়ে তাঁহার অব্যক্ত বেদনা জানাইতে লাগিলেন।

ছই

শবকে এতক্ষণ রাখা উচিত নয় বিবেচনা করিয়া, পাড়ার লোক শরতের অপেক্ষা না করিয়া বড় কৰ্ত্তাকে শ্মশানে লইয়া গেল।

শরৎ রেস হইতে ফিরিয়া আসিয়া বিয়ের নিকট হইতে সব শুনিয়া সে ভায়ের সঙ্গে জোর করিয়া পৃথক হইয়াছিল। অতএব ভ্রাতৃবৎ মৃত্যুতে সে না যাইলেও অপর লোকের তেমন কিছু বলিবার ছিল না, তবুও এ সংবাদে তাহার ছোট মন আরো ছোট হইয়া গেল। সে ওবাড়ী ঘাইয়া আর কোন সংবাদ পর্য্যন্ত লইতে সাহস করিল না। কোথা হইতে একটা বিষম লজ্জা তাহাকে তাহার অন্ধকার ঘরের কোণে টানিয়া ধরিয়া রাখিল। যে কাপড় চোপড় পরিয়া সে রেস খেলিতে গিয়াছিল, সেই কাপড়-চোপড়েই সে শুইয়া পড়িল। হাত ধুইল না, মুখ ধুইল না, বালিসে মুখ গুঁজিয়া পড়িয়া রহিল।

গভীর রাত্রে স্ত্রী ওবাড়ী হইতে আসিল। শরৎ তাহা বুঝিতে পারিল। স্ত্রী নিজের শয্যার পার্শ্বে আসিয়া দাঁড়াইল, আলো জালিল, তাহাও তাহার বুঝিতে বেশী বাকী রহিল না; তথাপি, সে নিদ্রার

রাণী-বো

ভাগ করিয়া পড়িয়া রহিল। কারণ, এ ছাড়া জগতে জীবী সম্মুখে মুখ দেখাইবার যেন আর তাহার দ্বিতীয় কোন পন্থাই ছিল না।

জী অরুণা শয্যার এক অংশে বসিয়া কাঁদিতে লাগিল। ঘণ্টা খানেক এমনভাবেই কাটিল। ভোর হইয়া আসিল। পূর্বাভিকের জানালা দিয়া ভোরের আলো নিঃশব্দে প্রবেশ করিল। সঙ্গে সঙ্গে ওবাড়ীর কর্তার শবদেহের সংকার করিয়া ফিরিয়া-আসার হরিধ্বনি তাহাদের হৃৎস্পন্দনই কর্ণে আসিয়া আঘাত করিল। অরুণা—“বাবা গো” বলিয়া করুণস্বরে নিস্তব্ধ ঘরে চীৎকার করিয়া উঠিল।

শরৎ আর চুপ করিয়া থাকিতে পারিল না। শয্যার উপর উঠিয়া বসিল। তাহার বিনদ্র শোকাভূত নয়ন হৃৎটা মুছিতে মুছিতে বলিল, “অরু কখন ফিরে এলে?” কি কথা বলিবে কিছুই যেন ঠিক করিতে না পারিয়াই শরৎ ইহা বলিয়া উঠিল।

অরুণা কোন কথা কহিল না, কাঁদিতে লাগিল। শরতেরও চক্ষু হৃৎটা আবার ছল ছল করিয়া আসিল। তাই তাহার যে কি ছিল, তাহা সে জানিত। কিন্তু.....

তাহার বয়স যখন খুবই কাঁচা, যখন সে সবেমাত্র চার-কি-পাঁচ বৎসরের হইবে, তখন তাহার পিতা মারা যান; তখন হইতেই তাহার জ্যেষ্ঠভ্রাতা তাহাকে এবং তাহার কনিষ্ঠভ্রাতাকে কোলে-পিঠে করিয়া মানুষ করিয়াছেন। আর আজ?...ইত্যাদি ইত্যাদি। * * *

“অরু, দাদার শেষ সময় কে কে কাছে ছিল?” জী উত্তর দিল না

রাণী-বোঁ

দেখিয়া শরৎ গভীর ছাথে বলিল,—“ছিঃ অরু অভিমান করেছ—
বলনা ।—তুমি জাননা অরু আমি ভাইকে কত ভালবাসি ! আমি,
আমি • আলাদা হ’য়েছি—আমি কটু কথা বলেছি ; আমি ভায়ের
অস্থখের ঈশ্বাদ শুনেও রেস খেলতে গেছি ; আমি সব করেছি : কিন্তু,
কিন্তু তুমি বিশ্বাস কর অরু, তবুও আমি আমার ভাইকে ভালবাসতুম,
আজও ভালবাসি । কি করবো এই রেসের নেশাই আমার ভাই থেকে
আমায় অনেক দূরে নিয়ে গেছে...” বলিতে বলিতে সত্যই সে তাহার
চক্ষু মুছিতে লাগিল । স্বামীকে এত কাতর হইতে অরুণা কোন
দিনই দেখে নাই ।

অরুণা স্বামীর এ কাতরতায় সত্যই বিচলিতা হইয়া পড়িল এবং
সজল অথচ সংযতকণ্ঠে বলিল,—“তুমি থাকলে ভাল হ’তো । যাবার
সময় ছোট্ট ঠাকুরপোকে কত কথা তিনি বল্লেন । আমি দরজার
পাশে নীরব হ’য়ে শুন্ছিলাম !”

শরৎ একটু আগ্রহের সহিত কহিল—“কি বল্লেন তা’কে ?”

অরু বলিল—“আগে জানি না কত কি বলেছেন, কিন্তু আমি
যখন গেলুম তখন বলছিলেন—তোমার নাম করে—‘সে যদি
আজ থাকতো ত তোদের ছ’হাত এককরে আমি আমার এই
যাবার সময় বলে যেতুম—ওরে তোরা ছ’জনে দুজনকে এমন করে
ভুল বুঝিস্নি,—তাকে তোরা অমন করে শোনাশ্নি, ভাল ক’রে
বোঝাস্নি । সংসারে সত্য পালন করতে গিয়ে অত কঠোর হ’লে

রাণী-বো

চলে না।—তাই'লে ক্ষমা ধৰ্ম্ম থাক্তো না সনং! সে একটা বিষয় ভুল করেছে, তুইও একটা বিষয় হয়ত ভুল করবি, তা ব'লে কি কারকে ফেলে দেওয়া চলে?—আমার শেব কথা মনে রাখিস্ আর দাদার যাবার সময়ের অনুরোধ বলে পালন করিস্—সে যত দোষই ক'বে থাক, তা'র বিপদের সময় কখন কঠোর হুন্নি, ভাইকে ঠেলিস্ নি।—আর নিজের বিপদেও সাহায্য নিতে লজ্জা করিস্নি—বুঝি? সে যে নিজের ভাই তা যেন বরাবর মনে থাকে।—ভাস্করের কথাগুলি পুনরায় তাহারই ভাষায় আবৃত্তি করিতে করিতে তাহার ক্রন্দন তাহার কোমল বুকের ভিতর জ্বালা দিয়া উঠিল।

শরৎ খুটিয়া খুটিয়া সকল কথাই জিজ্ঞাসা করিয়া লইল। বহুদিন পরে জ্যেষ্ঠভ্রাতার জন্ত, বড় বৌদিদির জন্ত, ভ্রাতৃপুত্রের জন্ত, তাহার প্রাণ কাঁদিতে লাগিল! সে বসিয়া কাঁদিল। অকাশ-পাতাল কত কি ভাবিল। রেস খেলার উপর বিরক্তি আসিল। মনে মনে মনকে দিক্কার দিতে লাগিল। আর রেসে যাঠিবে না। আর মেক্ আপের (Make up) চেষ্টা করিবে না। যাহা গিয়াছে, গিয়াছে। মনে মনে সত্যই সে সেদিন দৃঢ় প্রতিজ্ঞাই করিয়া পসিল। আজ সে প্রতিজ্ঞা করিয়া মনে যেন একটু শান্তি পাইল।

পরদিন সকালবেলা শরৎ ওষাড়ীতে গেল। সে জানিত, এমন সময় সনং নিশ্চয়ই ছেলে পড়াতে গেছে। সে নীচের তলায় কাহাকে দেখিতে পাইল না। সব নিবৃত্ত, খাঁ খাঁ করিতেছে। বুক-ভরা

বেদনা লইয়া ধীরে ধীরে উপরে উঠিল। সম্মুখে বড় হল ঘর—বড় বৌ চূপ করিয়া বসিয়া ছিল। জিতু তখনও পার্শ্বে অদোষে ঘুমাইতেছিল। বড়বৌ তাহাকে দেখিয়া মাথার কাপড়টা একটু ঠিক করিয়া লইল, একটি দীর্ঘনিশ্বাস ফেলিয়া বলিল, “এস, ব'স ঠাকুরপো।”

শরৎ লজ্জায় সেন এতটুকু হইয়া গেল। চৌকাঠের পাশেই সে বসিয়া পড়িল এবং কি যে বলিবে তাহা ভাবিয়াই পাইল না। অনেকক্ষণ নীরবেই কাটিল। কিছুক্ষণ বসিয়া থাকার পর বড়বৌ একটি দীর্ঘনিশ্বাস ত্যাগ করিল। শরৎ লজ্জায় এবং নিজে এতক্ষণ কথা না বলায় মনে মনে ভারী একটা অসোয়াস্তি বোধ করিতে লাগিল। শেষে বলিল, “মনঃ বুদ্ধি পড়াতে গেছে?”

আজ পাঁচ বৎসর পরে তারের ঘরে আসিয়া শরৎ এই কথা উচ্চারণ করিল! এমনটি কেন হইল! কে করিল!—কাহার অভিশপ্ত কদম্পর্শ আজ তাহার পৃথক! এমন সোনার সংসার, এমন নায়ের দত্ত বড়-বৌদিদি—সেখানে তাহার সাথে কথা কহিবার—বলিবার—দুঃখ জানাইবার তাহার প্রাণ নাই, মাথা তুলিবার এতটুকু ক্ষমতা নেই! এমন করিয়া নিজের বাড়ীকে পর করিল কোন্ দস্যতা? কোন্ দিক্ষা? কোন্ নেশা?

তাহার বড় বৌদিদি বর বর করিয়া কাদিয়া ফেলিল। শাস্তকণ্ঠে বলিল—“না ঠাকুরপো, সে পাশের ঘরে শুয়ে আছে। কাল থেকে এক রকম মুখে জল দেয়নি। তোমরা ব্যাটা ছেলে তোমরাই

রাণী-বো

যদি এত অধীর হ'য়ে প'ড়বে,—তবে আর কা'ন মুখ চেয়ে থাকি বল ?”

শরৎ একটা কথা বলিল না—অপরোধীর মত নীরবে বসিয়া রহিল। তাহার বুকের ভিতর জ্বালা দিয়া উঠিল।

তাহার বড়বোদিদি আবার বলিল,—“যাও না ঠাকুরপো, তুমি একবার ওঘরে—একবার বুজিয়ে শুজিয়ে বলগে না। এমন ক'রে ছুংথ করলে কি আর তিনি ফিরবেন! ও যখন শ্রমশান থেকে ফিরে এলো, ভেবেছিলুম—ওর মুখ চেয়ে আমি বেশ বুক বেঁধে থাকবো; কিন্তু।”—আবার বড়বো ঝর ঝর করিয়া কাঁদিয়া ফেলিল।

শরৎ ছুংথ করিতে পারে। সে ছুংথ সহিতে পারে। জগতের মধ্যে অনেক কঠিন কাজ সে করিতে পারে। কিন্তু, ওঘরে আজ সে যাইবে! কেমন করিয়া যাইবে! কোন্ মুখ লইয়া যাইবে!

কিন্তু, না যাইয়া ত আর উপায় নাই। নিজের সকল লজ্জা, দ্বিধা মনে চাপিয়া সে ওঘরে গেল। দেখিল, সনৎ উপুড় হইয়া পড়িয়া আছে। হাতের উপর তাহার মাথা—বোধ হয় সে কাঁদিতেছে! শরৎ ডাকিল—“সনৎ!”

সনৎ তাড়াতাড়ি চোখ মুছিয়া লইয়া বলিল—“কে মেজ্‌দা?”

শরৎ কাছে আসিয়া বসিল। ছ'ভায়ে—পাঁচ বৎসর পরে—অনেক সুখ-ছুংথের কথা কহিল। ছ'ভায়ে কাঁদিল। ছ'ভায়ে অশ্রুতাপ করিল। ছ'ভায়ে ছুংথের আবর্তে পড়িয়া এক হইবার সংকল্প করিল।

রাণী-বো

সনৎ বলিল—“মেজবোদি’কে কালথেকে এখানে পাঠিয়ে দিও, মাও কাল আসবেন জানিয়েছেন, আমি হাব্‌ড়া ষ্টেশনে কাল যাব, তুমি এখানের সব গুছিয়ে রাখবে।—”

শরৎ আজ কোন কথায়ই ‘না’ করিতে পারিল না। দুঃখের টানে, রক্তের টানে, তাহাকে আজ এক বহুদিনের চিরপরিচিত বাটের ধারে আনিয়া ফেলিল। এতদিন সে যেন ভাসিয়া বেড়াইতেছিল। আজ যেন সে কূল পাইল—আশ্রয় পাইল। এমনিই তাহার মনে হইতে লাগিল।

নিজের বাড়ীতে ফিরিয়া আসিয়া স্ত্রীকে বলিল “অরু, আজ তোমাকে ওবাড়ী যেতে হবে।” এই কয়েকটি কথা—অরুণা এত দুঃখের মাঝেও এক অপূৰ্ণ সুখের পরশ অনুভব করিল।

“কিন্তু রান্না-বার্না—যে এখনও.....!”

“থাক্ তোমার রান্না, ওবাড়ীর সবাই গুকিয়ে থাক্‌লো, আর আমি থেক্সে আফিস যাব, না অরু, তা হয় না। আজ আর আমি আফিস যাব না; তোমার ওবাড়ীতে—আজ হ’তে বরাবরের থাকবার বন্দোবস্ত করে তবে আমি জলম্পর্শ করবো—”

“আর তুমি যাবে না?” বলিয়া অরুণা শঙ্কিত মুখে তাহার মুখের দিকে একবার চাহিল।

“আমি যাব বৈ কি অরু, আমি না গেলে তুমি একলা যাবে কেন?”

রাণী-বৌ

অরুণা অবাক হইয়া গেল। একি সত্য! সে বহুদিন পূর্বের মত আজ নিজে সত্যই রাণী-বৌ বলিয়া অনুভব করিল। সংসারে পাঁচ জনকে লইয়া সে রাণীর মত থাকিবে এই ত তাহার বাসনা! কোন কথা কহিল না।

“অবাক হবারই কথা অরু, ভায়ের কাছে ভাই বাবে, হিন্দুর সংসারে তাইতে অবাক হ’তে হ’চ্ছে। অরু, আজ কি হ’য়ে গেছি বল দেখি।”

অরুণা অনেকদিনই তাহা দেখিয়াছিল। কেবল সে-ই দেখিতে পার নাই। তাহারই দেখিবার অবসর হয় নাই। আজ ছুংখের কুঁড়ে ঘরে কেমন করিয়া বেদনার ফাটল দিয়া সুখের জ্যোৎস্না সবার অলক্ষ্যে ঝাঁচল বিছাইয়া দিল। বিদ্যাতার এক অদৃশ্য পরশে কেমন করিয়া এক হিন্দুর পরিবারকে এক খোঁটে বাধিয়া দিল। বাঙ্গালীর দীনা ঘরের লক্ষী আবার কিছুদিন বড় ভাজের হেঁচের রাণী-বৌ হইয়া বসিল।

তিন

“ওহে জিতু আজ ব্যাপারটা কি বল দেখি?”

“কেন, হ'য়েছে কি?”

“শরৎ যে বলে আজ যাবে না রেসে; তা হ'লে আজ দেখানে খবর বলবে কে?”

“তুই আচ্ছা ছেলে ত, তাকে বুঝি আজ আবার জিজ্ঞেস করতে গেছলি।”

“কেন, কি হয়েছে তা!”

“‘তার বড়দা’ মারা গেছে তা বুঝি জানিস্ না—তুনিষ্ নি?”

“সে ত জানি, তাতে রেস যাওয়া বাধ্বে কেন? বাবা—কাচা গলায় দিয়ে তার উপর আবার গ্যাণ্ডে ঢোকবার জন্তে প্যান্টকোট পর্তে দেখেছি, তা আবার দাদা!”

“সবাই ত আর সমান নয়?”

“বরাবর ভাইয়ে ভাইয়ে ঠাঁই ঠাঁই, আজ মারা যাবার পর আবার কি ভ্রাতৃশ্রম উৎলে উঠলো নাকি?”

রাণী-বোঁ

বিধু ওপাশের টেবিলে কাজ করিতে করিতে এসব শুনিতেছিল। সে হাসিয়া বলিল,—“শুধু উৎলোয়নি রে হীরে, শুধু উৎলোয়নি, শুন্ছি—একদম উলুনময় হ’য়েছে।”

হীরালাল এ রহস্য উপলব্ধি করিতে না পারিয়া বলিল,—“তার মানে?”

বিধু হাসিয়া উত্তর করিল—“তার মানে,—দাদা মারা যাবার পর—শরৎ নিজের স্ত্রীকে অবধি তার বাড়ীতে পাঠিয়ে দিয়েছে। আর সেই থেকে তারা একান্নবর্তি হ’য়েছে। সে-ই ছোট ভাইয়ের সঙ্গে একসঙ্গে আছে, খায় দায়ও এক সঙ্গে।”

“বল কি বিধু, অমন বিষয় ভাগ হ’য়ে গেল;—এই সেদিন নিজের মাকে পর্য্যন্ত দেশে পাঠিয়ে দিলে—”

“শুনেছি ভাগের মা গঙ্গা পায় না—এ ত তবু দেশ পেয়েছে বাবা।”

“আর আজ সে-ই এক সঙ্গে খায়? কালে কালে কত দেখবো?”

বিধু হাসিয়া উত্তর করিল—“বাবা, too much familiarity breeds contempt—বেশী ঘনিষ্ঠতায় ডিম পাড়ে; হুদিন সবুর কর না—আজ সবাই একসঙ্গে খায় শুনে আশ্চর্য্য হ’চ্ছ; আবার শরৎ ছ’এক বছর রেস খেলুক, তখন শুনবে সবাই একসঙ্গে উপোস করে! বাবা, রেস ঠাকুর আর যে সে ঠাকুর নয়,—এ ঠাকুর কাঁচাও খায়, পাকাও খায়।—এ শনিবারের দেবতা বাবা, শনি ঠাকুরের চেয়েও

রাণী-বৌ

যাহারা আজ রেসের মাঠে যাইবে তাহাদের শেষের এ কথা কয়টা ভাল লাগিল না। তথাপি তাহারা সকলেই গুঁক হাসি হাসিল। কারণ, রেসে যাইবার পূর্বে ঠাকুর-দেবতার নামে হাসি-ঠাট্টা করিলে তাহারা মনে মনে শঙ্কিত হইয়া পড়ে; ভয়,—বেশী হার হইবে। সেইজন্ত রেসের দিন আফিসে আসিবার সময় তাহারা ঠাকুর-দেবতাকে খুব ভক্তির সহিত প্রণাম করিয়া তবে বাড়ীর বাহির হয়। কেহবা দেবতার নিকট হইতে বর প্রার্থনাও করে। কেহবা কত কি মানতও করিয়া বসে। কেহবা গত-রেসের হারের উল্লেখ করিয়া দেবতাকে হুঃখ জানায়। এমন আর কত কি! এসব দেখিয়া শুনিয়া দেবতা মনে মনে হাসেন এবং তাহাদের অধঃপতনের জন্ত কাঁদেনও হয়ত।

মানুষ যখন ছোট হয়, নীচ হয়, তখন সে তাহারই উপাস্ত দেবতাকে তাঁহার আসন হইতে ধীরে ধীরে নিজের অজ্ঞাতে নামাইয়া আনে। তাহা না হইলে এমন ত প্রায়ই, সৰ্ব্বত্রই, দেখা যায় যে, যখন মানুষ ঘোরতর পাপ-কার্য্যও করিতে যাইতেছে, তখনও সেই কার্য্যেই সে তাহার দেবতারই সাহায্য চাহিতেছে এবং সেই পাপকার্য্যে সাময়িক সফলতা লাভ করিলে, দেবতার ষোড়শোপচারে পূজা দিতেছে। আবার তারই ব্যবস্থা দিতেছে তাহাদের কুলপুরোহিত—ব্রাহ্মণ!

কথাটা চাপা দিবার জন্ত জিতু তাড়াতাড়ি বলিয়া উঠিল—
“থাক ওসব কথা, এখন পরের কথায় সময় কাটান আর চলে না। দেখ না হীরে, সাহেব ম’শায় বেরুলেন কি না। আমি ততক্ষণ

রাণী-বো

Balance sheetটা ঠিক করে নি,—এটার যে আবার তাড়া!—বড়-বাবুর আর কি, তাঁকে ত আর রেসে যেতে হয় না! তা শনিবারের মর্শ্ব বুঝবেন কি।”

বিধু বলিল,—“বুড়ো দ্বিতীয় পক্ষ নিয়েই ব্যস্ত, আবার রেস!”

হীরালাল সাহেবের কাছে গেল না। সে তাহার চাপরাসীর কাছে গেল। জিতেন নিজের ব্যালেন্স সীটে মন দিল। বিধু শরতের কথা ভাবিতে লাগিল।

শরৎ ক্যাস্ ডিপার্টমেন্টে কাজ করে। সে তখনও কাজ করিতে ছিল। একজন সহকর্মী তাহার নিকট আসিয়া বলিল,—“কি শরৎ, এখনও আজ কাজ করছো যে বড়? ঘড়ীর কাঁটা যে তোমার Not-much-এর চেয়েও দৌড়ছে হে?”

শরৎ তাহার মুখের দিকে একবার চাহিল এবং সরলভাবে একবার হাসিবার চেষ্টা করিল। কোন উত্তর করিল না। একমনে কাজ করিবার চেষ্টা করিতে লাগিল।

জিতেন, হীরালাল, বিধু প্রভৃতি কয়েকজন কেরানী শরতের সীটের একটু দূরে থাকিয়া নিজেরা নিজেদের মুখ চাওয়া-চাহি করিতে লাগিল। ভাবটা এই যে, কে তাহার নিকটে গিয়া আজিকার রেসের টিপের কথা বলিবে! একটা চঞ্চলজ্ঞা আছে ত! ভ্রাতার মৃত্যুশোককে উপলক্ষ্য করিয়া যে ব্যক্তি অত জুয়াড়ী বা রেসাড়ী হইয়াও আজ এমন রেসের দিনে রেস-কোর্সে বাইতেছে না; তাহাকে কেমন করিয়া টিপের

রাণী-বো

সংবাদ জিজ্ঞাসা করা যায়! কিন্তু রেসের কাছে চক্কুলজ্জা, সব লজ্জাই হার মানিয়া যায়! জুয়ার নেশার কাছে সবই টলিয়া যায়!—তাই দর-জার কাছে—যা কিছু গুঁতোগুঁতি, যা কিছু ‘তুই বা-না-তাই’ ‘আমি পারবো না’.....ইত্যাদি, সবই ভাঙ্গিয়া ধ্বসিয়া গেল। এখানে দেরী হইয়া যাইতেছে—একতরফা, ছোট সাহেব দেরী করিয়া দিয়াছে,—আবার একবার এখানে দেরী! তাহাদের অনেকেই আর সহ্য হইতে ছিল না। কাজেই, যা কিছু চক্কুলজ্জা, তা কাটাইয়া হীরালাল একাই সদর্পে শরতের টেবিলের নিকট গিয়া ধীরে ধীরে নম্রস্বরে বলিল,—“আপনি কি আজ যাবেন না সেখানে,—বেড়ার ধারে কি আমরা দাঁড়িয়ে থাকবো?”

শরৎ ব্যথিত স্বরে কহিল—“না, আমি আজ যাব না—আপনারা যান।” বলিয়া সে কাজে মন দিল।

হীরালাল একটু ইতস্ততঃ করিয়া পুনরায় জিজ্ঞাসা করিল,—“কোন—খবর—?”

শরৎ পূর্ববৎ ব্যথিত স্বরে কহিল,—“কেমন করে খবর নেব বলুন; বাড়ীতে যে বিপদ.....”

হীরালাল চক্কুলজ্জা কাটাইয়া আসিলেও তাহার যে চক্কুলজ্জা মোটেই ছিল না—এমন বলা খুব সত্য কথা নয়। তাই, সে কথা শেষ করিতে না দিয়াই কথার মাঝে বলিয়া বসিল,—“হাঁ, হাঁ, সে ত ঠিকই—সে ত ঠিকই—না এই জিতুই ব্যস্ত হ’য়ে উঠেছে আমিও

রাগী-বো

বলছিলুম।—আচ্ছা—”বলিয়া হঠাৎ নমস্কার করিয়া সে চলিয়া গেল।
অথচ, সে শরতকে কোন দিনই নমস্কার করে না।

শরৎ তাহার এই অভূতপূর্ব ব্যবহারে সামান্য আশ্চর্য্য হইল ;
কিন্তু এধারে বেশীক্ষণ সে মন দিতে পারিল না। আজ তাহার মন
অন্তধারের সংবাদের জন্ত যেন ঝুঁকিয়া পড়িতেছে। অথচ, সেই মনকে
সে টানিয়া লইয়া কাজ করিতেছে। আজ যাইবেই না সে রেসে!
—ইহা ঠিক করিয়া ফেলিয়াছে এবং প্রতিজ্ঞাও করিয়াছে যে, এই
জুয়ার বদ নেশা সে ছাড়িবেই। তথাপি, তাহাকে কে যেন প্রতি-
বারেই মনে মনে বলাইতেছে যে,—আজ সে রেস যাইবেই না—আজ
সে রেস যাইবেই না।—ওঃ, তারি রেস!—এই কথাটা-ই দুশ’বার
সে কাজের মধ্যে তাবিতোছে।

জিভেন, হীরালাল প্রভৃতি এদের সঙ্গে শরতের কেবল এই রেসের
সংবাদ দেনা-পাওনার জন্ত যা একটু বনিষ্ঠতা রহিয়াছে, তাহা নহে ;
তাই চক্ষুলজ্জাও আছে। কিন্তু যাহারা মাঝে মাঝে কেবল টিপ লস এবং
এমনি মুখের আলাপ, তাহারা ত আর এত লজ্জাও পাইবে না ;
শরতের এই বিপদের কথা এত গ্রাহ্যও করিবে না। এখন
তাহাদের আসিবার সময় হইয়াছে।

হীরালালের দল চলিয়া গেল। আজ তাহাদের রেস খেলার
উৎসাহ তেমন জোর রহিল না। কারণ, শরৎ নিজে হৃদয়ঙ্গম হারিলেও
সে নাকি টিপ দেয় খুব ভাল ; এ মুখ্যাতি তাহার ছিল। এমন

রাণী-বো

কি—অন্ত সাহেবেরাও নাকি তাহার নিকট হইতে টিপ লইতে আসিত। সে খুব খবর রাখে। এমন লোকের নিকট হইতে টিপ পাইল না। তাহাদের মন-ত ক্ষুণ্ণ হইবারই কথা। যদিও তাহারই টিপে তাহারই মত, তাহাদের মধ্যে অনেকেই সৰ্ব্বস্বান্ত হইয়াছে এবং হইতে চলিয়াছে, কিন্তু তাহাতে কি!

যা হোক, এরা ত চলিয়া গেল। এবার ওদের পালা—তাদের মধ্যে একজন বাবু অসিয়া জিজ্ঞাসা করিল,—“শরৎ বাবু, এখনও যান-নি,—যাক্, আমিই ইঁপাতে ইঁপাতে আস্চি,—কেলো-ত বলে ছিল—‘তঁার আর দেখা পেয়েছ,’—আমি বল্লুম, তিনি না থাকলেও তঁার Assistantকে কি বলে যান-নি—নিশ্চয়ই.....”

শরৎ ব্যথিত অথচ বিরক্তির স্বরে কহিল,—“এ সপ্তাহটা আমি কোন খবর নিতে পারিনি—বাড়ীতে যে বিপদ-আপদ গেল।”

“আরে মশায়—সংসারে অমন বিপদ-আপদ থাকে সকলেরই—তা বলে কি খবর নিতে দোষ।”

বাবুটি শরতের কথা গ্রাহ্যের মধ্যে না আনিয়া এই কথাগুলি বলিল। সে জানিত—শরতের দাদা মারা গেছেন। সে জানিত, দাদার সঙ্গে তাহার বনি-বনা কোন দিনই ছিল না। তজ্জন্ত সে পৃথক হইয়া বাস করিতেছিল। আর তাহারই দুঃখে দুঃখিত হইয়া সে শরৎ আজ রেসের সংবাদ রাখিবে না বা রেসে যাইবে না। একরূপ অসম্ভব চিন্তা করা তাহাদের কুটীতে লিখে নাই।

রাণী-বো

“সত্যি, আমি কোন খবরই রাখিনি,—আর আজ আমি যাবও না।”

“তা কি হয় ! আপনি বলুন না—আপনার মুখের কথায়ই যথেষ্ট।”

বাবুটি সত্যি শরৎ যে রেসে যাইবে না—এ কথা বিশ্বাস করিতে পারিতে ছিল না।

শরৎ দৃঢ় স্বরে ইহাই প্রতিপন্ন করিতে চেষ্টা করিল যে, সে আজ যাইবেই না !

তথাপি বাবুটি শরৎকে রেহাই দিল না। বলিল,—“কিন্তু Dal-kester-এর খবরটা আপনিই বহুদিন আগে বলে এসেছিলেন যে এ রেসে ঠেসে ধরবেনই—তা’তে এমন কি নিজেকেও যদি বাঁধা দিতে হয় তাও স্বীকার,—মনে আছে আপনার ?”

শরতের মনটা ছাঁচাং করিয়া উঠিল। মনটা ছুলিতে লাগিল। বাবুটি পুনরায় বলিল,—“লিন্টন সাহেব কি বলেছিলেন—Dal-kester win—any amount—কেমন ? আর আপনিই বলেছেন, আজ যাবেন না, আশ্চর্য্য !—আমি বাড়ী থেকে বেরবার সময় সিদ্ধেশ্বরী-তলায় জোড়া পাঁঠা মেনে এলুম—আর আপনিই পথে বসালেন শেষে।”

তাই ত ! লিন্টন সাহেব ! শরতের মনের মধ্যে ঝড় তুলিয়া দিল। সে তাড়াতাড়ি বলিল,—“না—না—আমি যাব না, আমায় আর বিরক্ত করবেন না।—বড় কাজ আছে ! আমায় মাপ করুন।”

রাণী-বো

এমন ব্যবহারে সতাই বাবুটি সুখী হইল না। বাবুটি আরো কিছুক্ষণ শরৎকে বিরক্ত করিয়া, নিজেও বিরক্ত হইয়া, ক্ষুণ্ণ এবং রাগান্বিত হইয়া চলিয়া গেল। এইরূপ পরে আরো দুইচারজন অসিয়া তাহাকে বিরক্ত করিয়া চলিয়া গেল।

শরৎ কাজে আর মন দিতে পারিল না। যে শনিবারটা আজ সে সম্পূর্ণরূপে ভুলিয়া থাকিবে বলিয়া কাজে মন দিয়াছিল, সেই বারটাই আজ তাহাকে সকলে মনে করাইয়া দিতে লাগিল। সে তৎক্ষণাৎ কাজ ছাড়িয়া উঠিয়া পড়িল। ট্রামে করিয়া বাড়ী ফিরিল। পাঁচ ছয় বৎসরের মধ্যে এই সর্ব প্রথম রেসের শনিবারে সে তাড়া-তাড়ি বাড়ী ফিরিল। অরুণা আসিয়া তাহাকে মুখ-হাত-পা ধুইবার জল দিল এবং তাহাকে এমন সময় দেখিয়া পরম তৃপ্তিবোধ করিল। স্বামীর মুখের পানে চাহিয়া বলিল,—“আজ আফিসে বড় বুঝি খাটুনি হ'য়েছে—মুখটা অত শুকনো-শুকনো?”

শরৎ জলযোগ করিতে করিতে বলিল,—“হঁ। নিতু কোথা গেল?”

“সে ঘুমুচ্ছে,—ওগো তাকে ডাকা পরে হবে, তুমি একটু শোও, একটু জিরোও। আমি ততক্ষণ মাথায় বাতাস করি।”—বলিয়া জোর করিয়া অরুণা শরৎকে বিছানায় শয়ন করাইল এবং নিজে মাথার কাছে বসিয়া পাখার বাতাস করিতে লাগিল।

শরৎ চোক বুজিয়া পড়িয়া থাকিয়া ঘুরিয়া-ফিরিয়া রেসের কথাই ভাবিতে লাগিল। বাবুটির কথাও তাহার প্রাণে ঘুরিয়া-ফিরিয়া জ্বাল

রাণী-বো

বুনিতে লাগিল। আজ বাজিটা ধরিতে পারিলে নিশ্চয়ই কাল কিছু সে করিতে পারিত। কিন্তু কেমন করিয়া সে যাইত! কেমন করিয়া সে তাহা হইলে সন্ধ্যার সময় তাহার ছোট ভাইকে, বড় বৌদিদিকে, নিজের স্ত্রীকে মুখ দেখাইত।—মা সব দেশ হইতে আসিয়াছেন; তিনিই বা কি মনে করিতেন। না—না—সে যায় নাই—ভালই করিয়াছে।

শরৎ শব্যায় শুইয়া যেমন রেসে না-বাওয়ার দরুণ ভিতরে ভিতরে অস্থির হইয়া পড়িল, তেমন বাড়ীতে সকলে তাহার এই ব্যবহারে সুখী হইয়াছে ভাবিয়াও কিছু তৃপ্তি অনুভব করিল। সকলই তাহার ভাল হইত যদি-না আজ Governor কাপ্টা থাকিত এবং ‘Dalkester’ যদি-না তাহাতে আজ দৌড়াইত। প্রধান এই দুঃখটি তাহার প্রাণে আঘাত করিল যে, ঐ সংবাদ সে লিন্টন্ সাহেবের নিজের মুখ হইতে বহুদিন পূর্বে কেন পাইল।

কিছুক্ষণ শরৎ শয়িত থাকিয়া স্ত্রীকে হঠাৎ বলিয়া উঠিল—“স্বক, নিতুকে ডেকে দাও, আর যদি সে ঘুমোয়-ত উঠিয়ে দাও।”

অরুণা জিজ্ঞাসা করিল, “কেন?”

“বল তা’কে যে, কাকাবাবু আজ বায়স্কোপে যাবে তোমায় নিয়ে—শীগগির করে এস।”

স্ত্রীর মনে এ কথাটা পরম তৃপ্তির পরশ দিল। বৈকালে কিছু পূর্বেই সে নিতুকে লইয়া বায়স্কোপে বেড়াইতে গেল। এমন সাত-

পাঁচে সে সে-শনিবারটা কাটাইয়া দিল। রেসের নেশাকে প্রাপণ চেষ্টায় ঠেলিয়া রাখিল।

নিতুকে লইয়া শরৎ যে বেড়াইতে বাহির হইয়াছে ইহা শুনিয়া সকলেই যেমন আশ্চর্য্য বোধ করিল, তেমন সুখীও হইল।

শনিবার কাটিল। রবিবার আসিল। ভোর হইয়া গিয়াছে। তখনও শরৎ উঠে নাই। আজ আফিসের ভাতের তাগিদ নাই। তাই সে নিশ্চিন্তে ভোরের দিক্টায় রেসের স্বপ্ন দেখিতেছে। যেন গভার্ণর কাপটা ডেলকেস্টার মারিতেছে। সে নিজের সিটে আপনা আপনিই উত্তেজিত হইয়া দাঁড়াইয়া উঠিয়াছে এবং আবেগভরে চীৎকার করিয়া উঠিতেছে। সে ঘোড়াটা সত্যিই যেন বাজী জিতিল। লিন্টন্ সাহেব ধম্কাইতেছেন—কেন সে উইনে এত কম টাকা ধরিয়াছে! বাস্তবিকই, এত কম ধরার দরুণ তাহার প্রাণে এত বাজী জিতিয়াও কিছু ভাল লাগিতেছে না। এমন সময় নিতু আসিয়া ডাকিল,—“কাকাবাবু! কাকাবাবু! পড়াটা বলে দেবে এস না। অনেকক্ষণ যে সকাল হ’য়ে গেছে।”

কাকাবাবু শয্যায় উঠিয়া বসিল এবং স্বপ্নের কথা ভাবিতে ভাবিতে বলিল—“তুমি যাও নিতু, পড়তে বস, আমি যাচ্ছি।”

নিতু বাহিরের ঘরে বসিয়া পড়িতে লাগিল। কাকাবাবু পড়া বলিয়া দিতে লাগিল এবং খবরের কাগজ পড়িতে লাগিল। যে পড়ার জন্ত পড়িতে লাগিল, তাহার পড়ায় যত না মন বসিল, যে

রাশা-বো

রেসের জুতা পড়িতেছিল, তাহার মন সে-পার্শ্বে খুবই বসিয়া গেল। “অই যে সত্যই Dalkester win করেছে।”—সে পড়িতে পড়িতেই আপন মনে এ কথা বলিয়া ফেলিল এবং ছুঃখে ক্ষোভে আক্ষেপে তাহার মনটা নিমেষে ভারী হইয়া উঠিল। তাহার মনটা বলিল—‘কেন সে গেল না।’ এই আক্ষেপের বেদনায় বুকের ভিতরটা টান ধরিল।

নিতু তইবার তিনবার জিজ্ঞাসা করিল—“কাকাবাবু—অ—কাকাবাবু
Lame মানে কি? বল না—বল না।”

ইহাঃ শরৎ বলিয়া উঠিল—“Lame মানে—Lame মানে,—
খোঁড়া।”—বলিয়া আবার সে খবরের কাগজে চোখ রাখিয়া ভাবিতে
লাগিল। আজ তাহার কিছু না হয় পাঁচ-শ টাকা আদিত! তাহার এই
টানাটানির দিনে—এ টাকার কথা সত্যই তাহার প্রাণে আঘাত করিল।

থাইবার সময় স্বীকে বলিল—“জান অরু, কাল ভারী একটা
লোকসান করে ফেলেছি।—অন্ততঃ পাঁচ পাঁচ-শ টাকা।”

অরুণা নিমেষে বুঝিয়া গইল তাহার স্বামীর লোকসানটার
কথা! মনে মনে সে কষ্টে পাইল। পাঁচ-শ টাকার জুতা নয়! কষ্ট
এই যে, তাহার স্বামী রেসের কথা ভুলিতে পারেন নাই বলিয়া
এবং সেই কথায়ই কাছে-কর্মে অহর্নিশ ভাবিতেছেন বলিয়া। অরুণার
কাছে এ সব আক্ষেপের কথা আজ নোতুন নয়। সে বহুবার বহু-
দিন এমন শুনিরাছে, তবুও সহজভাবে আজও জিজ্ঞাসা করিল—“কি
করে লোকসান করলে?”

“কাল রেসে গেলুম না—আর অগ্নি বরাং গেল!—অরু, বরাং যখন মন্দ হয়—তখন এমন করেই যায়।”

স্বী কোন কথা কহিল না। চুপ করিয়া পাতে বাতাস কবিত্তে লাগিল। শরৎ বলিয়া যাইতে লাগিল—“জান অরু, আমার যেন সে রকম হ’য়েছে! একজন সমস্ত দিন ভিক্ষার জন্তে ঘুরে ঘুরে হারবাণ হ’ল, কিছু পেলে না। তাই দেখে, স্বর্গ থেকে মা দুর্গা শিবকে বল্লেন কিছু তাকে দিতে। শিব বল্লেন—ওর বরাতে নেই, পাবে কোথেকে? ব’লে তিনি তাদের চলা-পথের ধারে একটা থলি-ভরা টাকা রেখে দিলেন। কিন্তু, এদিকে ভিখারীর ইচ্ছা হ’ল কাণ সাজতে—এতক্ষণ ভিক্ষা পেলে না বলে। তাই সে করলে। চোখ বুজে ‘একটা পয়সা দাও—একটা পয়সা দাও’ বলতে বলতে সে-পথ সে পার হ’য়ে গেল। পায়ের তলায় তা’র টাকার থলি পড়ে রইল। এ যেন আমার তাই হ’লো। বরাং—বরাং—সব!”

স্বী কোন কথা বলিল না। কেবল ভাবিতে লাগিল যে তাহার স্বামী আবার রেসে যাইবেই। কিন্তু তাহার বলিবারই বা কি আছে? সে বাঙ্গালীর ঘরে কাঙ্গালী বধু! স্বামীর ভালবাসা ভিক্ষা করিতেই সে আজীবন শিখিয়াছে! স্বামীর কাজে ভাল-মন্দ বিচার করিতে সে শিখে নাই। স্বামীর জন্ত সে সব করিতে পারে। ইহার জন্ত সে দুঃখ পাইলেও, দুঃখ সহ করিতে শিখিয়াছে।

চার

সোমবার দিন শরৎ আফিস গেল। প্রত্যেক সপ্তাহের রেসের সংবাদ নিয়ে আফিসে যেমন নরক গুল্জার হয়,—আজও তেমন গত শনিবারের রেসের ব্যাপার লইয়া ঘোঁট চলিল। কে কোন ঘোড়াটা ধরিবার ঠিক করিয়াছিল, কে কোন ঘোড়াটা ধরিয়া বাজী জিতিয়াছে, কেবা হারিয়াছে,—কেহ বলিল, ভাগের লোক পায় না? বলিয়া ধরিতে পারে নাই। কেহ বলিল যে, সে ঠিক ধরিত; কিন্তু, টিকিট কিনিবার সময় তাহারই পশ্চাতের এক ব্যক্তি সেই সময় ইঁচিয়া গরিল! তাহা না হইলে সেদিনও সে কিছু দাঁও পিটিত—ওসপ্তাহের হারটা ‘মেক্ আপ’ করিত। কেহ জানাইল, সে অমুককে কিনিতে দিয়াছিল, সে নাকি চার নম্বরের বদলে পাঁচ নম্বরের টিকিট ভুল করিয়া কিনিয়াছিল। কেহ কহিল, সে পাইয়াছে বটে, কিন্তু টিকিটটা পাঁচজনে কেনা, এই যা তা’র আক্ষেপ। যে খুব সৌভাগ্যবান, সে বলিল যে, আগের রেসের payment নিতেই তা’র দেবী হ’ল ত সে করিবে কি?... ইত্যাদি ইত্যাদি তাহাদের আক্ষেপের,

রাণী-বো

—ও অনুতাপের অনুযোগের কত ছবি তাহারা তাহাদের কথায় কথায় আঁকিয়া তুলিল তাহার ঠিক ঠিকানা রহিল না।

এই প্রকারের নানান কথা আফিসের সকল ডিপার্টমেন্টে চলিতে লাগিল। শরতের বিভাগেও হইতেছিল। এ সকল কথার কিছু কিছু তাহারও যে কাণে যাইতেছিল না—তাহা নহে। সে শুনিয়াও শুনিতেছে না; আপন মনে কাজ করিয়া যাইতেছে। অতদিন হইলে সে নিজেরই তাহাদের সঙ্গে কথা কহিয়া আসর আরো মাতাইয়া তুলিত। তাহার বিভাগের লোকরাও তাহাকে গত-পরশু শনিবারের রেসের কথা জিজ্ঞাসা করিয়া তৃপ্তি লাভ করিতে পারিতেছে না। কারণ, একদিনের ব্যবহারে তাহাদের সত্যই মনে ধারণা জন্মিয়াছে যে শরৎবাবুকে এ সকল রেসের ব্যাপার জিজ্ঞাসা করা ঠিক নয়! তাই নিজেরা কথা কহিতেছে, তাহাকে ডাকে নাই, কোন কিছু জিজ্ঞাসাও করে নাই।

• আফিসের কাজকর্ম গল্প-গুজাব সমান ভাবেই চলিতেছে, এমন সময় কোথা হইতে নিশীথ আসিয়া শরতের টেবিলের সামনে বলিল,
—“কি শরৎ কখন খাওয়াচ্ছ হে?”

শরৎ আশ্চর্য হইয়া তাহার মুখের দিকে তাকাইয়া রহিল। নিশীথ পুনরায় বলিল,—“ভয় নেই, তোমার অশৌচ জানি, কেবল খাবার খাব, মিষ্টি খাব, হোটেলের মাছমাংস একদম খাব না।”

রাণী-বো

“শরৎ তথাপি বুঝিতে পারিল না। কেবল সে আশ্চর্য্য হইয়া বলিল,—“কিসের খাওয়া ? আমি ত.....”

নিশীথ একগাল হাসিয়া কহিল,—“অগ্নি ভুলে যাওয়া হ’চ্ছে ? বাবা, বলা হ’য়েছিল Dalkester win করলে খাওয়াব ! এইত পরন্তু Governor cup এ win করলে,—আর ভুলে গেলে চলবে কেন বল ?—তারপর কতটাকা হ’ল তোমার—শ’ছয়েক হ’বে ?”

শরৎ স্তানমুখে কহিল,—“না নিশীথ, আমি যায়নি সেদিন।” সে বিশ্বাসই করিল না। বরঞ্চ, জোর করিয়া কহিল,—“ওসব বাজে কথা শুন্ছি না,—একজনকে খাওয়ার ভয়ে এত বড় মিথ্যা কথা !”

শরৎ পূর্ব্বের মতই বলিল,—“মিথ্যা নয় নিশীথ, সব সত্যি, আমি সত্যিই সেদিন যাইনি, আর বোধ হয় যাবওনা কোন দিন।”

নিশীথ এ বৈরাগ্যের কারণ ঠিক বুঝিতে পারিল না। কারণ ভায়ের মৃত্যুতে যে সে এমন জুয়ার নেশা ত্যাগ করিতে পারে ইহা চাহার কাছে সম্পূর্ণ অবিশ্বাস। এরূপ অবিশ্বাস করিতে ‘সে’ এই আফিসেই বসিয়া শিখিয়াছে। তাই-বোন-জ্যেষ্ঠা-খুড়ো-বাপ-মাক্তী মারা গিয়াছে বা মরিতে বসিয়াছে, তথাপি জুয়ার নেশায় দয়া-মায়ী-স্নেহ-ভালবাসা কোথায় ভাসিয়া গিয়াছে, তাহাদেরই মাঠে দৌড় করাইয়াছে ! তাই সে বৈরাগ্যের কারণ জিজ্ঞাসা করিয়া মনে মনে হাসিতে হাসিতে চলিয়া গেল।

তারপর দ্বিত্ব বিধুকে কহিল,—“শুনছ হে, আমাদের শরৎ রেস

রাণী-বৌ

ছেড়ে দিলে। আর আমরাই শালা পচে মরবো—লোকে জুয়াড়ী বলবে।”

বিধু সিগারেট ধরাইয়া বলিল,—“আক্ষেপ কেন? ও যে বাই বলুক, আর বাই বৈরাগ্যই দেখাক্—ও বাবা মদ-মেয়েমানুষ-জুয়া এ তিন নেশায়ই সমান, এ ছাড়া দায় হ’য়ে উঠে—একবার পেয়ে বসলে।”

পান্নালাল গম্ভীর ভাবে বলিল—“তার উপর এ হ’চ্ছে ঘোড়া রোগ।”

বিধু কথাটা কাড়িয়া লইয়া বলিল,—“ঘোড়ার রোগ হ’লে,—ভেটেকারী সারজন দেখালে সারতেও পারে। কিন্তু এঘোড়ারোগ রোজায়-ডাক্তারে-হাকিম-বদ্বিতে কিছুতেই সারতে পারবে না,—এক নিঃস্বল হওয়া ছাড়া।”

পান্নালাল কহিল—“ঘোড়ার খুর নাকি ইংরাজদের ভারি পায়; তারা ঘোড়ার খুর নিয়ে ঘরে সাজিয়ে রাখে।—তারা রাজার জাত তাদের সবই সাজে। ও ঘোড়ার খুর বাবা বাঙ্গালীর ধাতে সওয়া, দায়! ও বাবা ঘোড়া ঠাকুরের পায়ের খুরের তলায় আমাদের কত মা লক্ষ্মীর বরাং গহনা,—টাকা-কড়ি, মান-ইজ্জৎ যে গুড়িয়ে গেছে তার ঠিক নেই। তাই জন্তেই বোধ হয় লোকে বলে তোমার খুরে খুরে প্রণাম।”

বিধু নিজের বাহাদুরী বাঁচাইবার জন্ত বলিল—“ও আর এমন নূতন কি বলা হ’ল, ও কথা ত সকলেই জানে।”

রাণী-বো

পান্নালাল একটু ঠেস্ দিয়া বলিল, “নতুন আর কে ক’টা :বলে, আর কে কটা বলতে পারে। সবই ত পুরাতন,—কেবল নতুন করে বলতে পারলেই নতুন হলো।”

“এখন ওসব কথা কাটাকাটি রেখে দাও, এখন শরৎ যদি সত্যি আর না যায় রেসে, তখন টিপের কি করছো বল?”

“ও বাবা, বোড়া হলে চাবুকে আসে যায় না; আগে টাকার জোগাড় কর তারপর সব হবে। সামনে মাস কাবার মনে আছে যাহ্?”

“ওবে শনিবার Dalkesterটা মেরেছে কি না—তাই গোটা চাল্লিশেক্ টাকা হাতে মজুত আছে—তাই ধরাকে মধুপক্কের বাটি দেখ্চে আর কি?”

“ভয় নেই, শরতের বৈরাগ্য বেশীদিন থাক্বে না তা’ বলে দিলুম।—হুদ, এই অশোচটা পর্য্যন্ত।—তাও ট্যাকে কি না সন্দেহ!”

বিধু বলিল,—“দেখ চক্কলজ্জা ত একটা আছে! তাই তুদিন অমন গায়্য কান্না কাঁদছেন; তারপর আবার যেমন, তেমন হবে। ভেতরে ভেতরে প্রাণটা বোড়ার মতই দোড়াদোড়ি করছে, বুঝলি?—ও আমার ঢের জ্ঞান আছে।”

কথায় কথায় তাহাদের বাজী রাখারাপি পর্য্যন্ত হইল। একজন বলিল—শরৎ ১০ তারিখের মধ্যে রেসে যাইবে। অপরজন বলিল,—না, ও আর যাইবে না।

রাণী-বৌ

অতএব সকলেই কিম্ব বলিল, শরৎ রেসে যাইবে। তাহার এই বৈরাগ্য ধোপে টিকিবে না।

শরৎ নিজের কাজ করিতে করিতে এইসকল আলোচনার মোটামুটি কথাগুলি শুনিতে পাইল। কিম্ব কাহাকে কিছু বলিল না। আর বলিবারই বা কি ছিল! কারণ, সে নিজে রেসে যাওয়াব বিপক্ষে যতই প্রতিজ্ঞা করাইয়া মনকে বসে আনিতে চেষ্টা করুক না কেন; তবুও তাহার মন যে ছুঁর্বল, সে-বিষয় সে খুব ভাল রকমেই জানিত।

মন যতই ছুঁর্বল হোক, তথাপি শরৎ তা না-না-না করিয়া হুপ্তা চারেক কাটাইয়া দিল, রেসে গেল না! এজন্ত অনেকে বাজি হারিল। অনেকে আশ্চর্য্য হইয়া গেল। অনেকে বিশ্বাস করিল না। কেহ কেহ বলিতে লাগিল—সে নিশ্চয়ই কারুর-না-কারুর হাত দিয়ে টাকা পাঠিয়ে দেয়। কিন্তু কেহই জানাইল না যে, কাহার হাত দিয়া পাঠাইয়া দেয়।—

ছোট ভাই সনৎ দাদার এই অপ্রত্যাশিত ব্যবহারে যেমন আশ্চর্য্য হইল, তেমন সুখীও হইল। সকলের চাহিতে বেশী সুখী হইল—অরুণা। সে লুকাইয়া লুকাইয়া সিন্ধেশ্বরীর তলায় পূজা পাঠাইতে লাগিল এবং কত-কি মানৎ করিয়াও বসিল।

এরূপে শরতের আরো কিছু দিন কাটিল।

পাঁচ

শ্রদ্ধ-শাস্তি শেষ হইয়া গেল। মা স্বামীর ভিত্তি ছাড়িয়া আর থাকিতে পারিলেন না—দেশে চলিয়া গেলেন। সনৎ কলেজ ছাড়িয়া দিয়া একটা সামান্ত-কাজের চাকুরীতে ঢুকিয়া পড়িল। বড়বো ছোট-ঠাকুরপোটিকে এমন কাজ করিতে মানা করিল। কারণ, বড় ভায়ের লাইফ ইন্সিওরের এবং অফিসের প্রভিডেণ্ড-ফাণ্ডের টাকা যা কিছু পাওয়া যাইবে তাহাতে তাহাদের কিছু দিন বেশ চলিয়া যাইবে, বড়বো সনৎকে সে-আশা দিল। কিন্তু সনৎ স্পষ্ট বলিয়া বসিল, “দেখ বোদি’, পড়ে তেমন কি হাতী-ঘোড়া হ’ব। তোমার ছোট-ঠাকুরপো কোনদিন জঙ্গ ও হবে না,—ব্যারেষ্টার ও হবে না; যা কেরানী তা’ই হবে। তবু, এই বেলা দাদার সাহেবকে ধরে চাকরী হ’য়ে গেল—সেই ভাল না?—না হ’লে বাঙ্গালীর ভাগ্যে চাকরী জোটা ত আর কম সাধনার কথা নয়?”

এ কথার সত্যতা বাঙ্গালীর ছেলে-মেয়েকে বুঝিতে হয় না। তাহা না হইলে, বাঙ্গালীর ছেলে একটা চাকরী পাইলে ঘরে-বাহিরে

রাণী-বৌ

যেন আনন্দের সীমা থাকে না। ঠাকুরকে পূজা দেওয়া হয়; বন্ধুদের খাওয়ান হয়।, সাহেবদের ভেট পাঠান হয়। পরাধীন বাঙ্গালীর পরাধীনতায় এত আনন্দ হইবে না ত হইবে কিসে!

তাই, বড়বৌ মানা করিলেও মনে মনে খুব বেশী দুঃখিত হইল না। তবুও বলিল, “টাকা ত ক’ মাস বাদে পাওয়া যাবে তবে এই পাশটা দিয়ে নাও না ঠাকুরপো।”

অরুণাও একথার সমর্থন করিল। কিন্তু সনৎ গভীর দুঃখে বলিল, “দাদা নিজের জীবন পাত ক’রে যে টাকা জমিয়ে দিয়ে গেলেন, সে টাকা আমি পড়াতে খরচ করবো?—আর নিতু কি করবে বড় হ’লে।—না বৌদি’, আমি মরে গেলেও ওটাকার এক পয়সাও আমার জন্তে খরচ করবো না।”

বড়-বৌ অঞ্চল দিয়া নিজের নয়ন মুছিল। অরুণা মলিন মুখে বসিয়া রহিল। কারণ তাহাদের ছ’জনাই ইহার উত্তরে কিছুই তেমন বলিবার ছিল না। সনৎ পুনরায় বলিতে লাগিল—“জান বৌদি’, একটা ছেলেকে মানুষ করতে তোমার ঐ অত ক’টা টাকা হুদিনে জল হ’য়ে যাবে?”

বড়বৌ হাসিয়া বলিল, “কেন ঠাকুরপো, তোমরা ছ’ভায়েতে মানুষ হ’লে, তাতেই বা এমন কি টাকা লেগেছিল—বল ত?—তাঁর একার চাকুরীতেই ত তখন সংসার চলে যেত?”

সনৎ হাসিয়া বলিল, “হুএকটা পাশ করলেই লোকে বাঙ্গালীর

রাণী-বো

ছেলেকে বলে 'মানুষ হ'য়েছে।' কিন্তু বৌদি', তাকে শেষে সেই পরের দাস্ত্র্য বৃত্তি করতে হয়, গাধার খাটুনিই খাটতে হয়।—বান্দালীর মানুষ হওয়া ত এমনই মানুষ হওয়া!"

এ সব কথা যখন হইতেছিল, এমন সময় শরৎ তথায় আসিয়া উপস্থিত হইল। বলিল—“হ্যারে সনৎ, তুই নাকি চাকরী খুটিয়েছিস। পড়াটা অমনি টপ করে ছেড়ে দিলি,—আমাকেও একবার জানানি না।—সকলেই বলচে পড়াটা ছাড়া তোর উচিত হয় নি।”

“দাদা ওকথা সকলে তোমায়ও বলচে, আমায়ও বলচে; কিন্তু অসময়ে তাঁ'রা কি কেউ উচিত দেখবে? কা'র কখন কি হয় কে জানে! বলবার সময় ঢের লোক ঢের কথা বলবে, কিন্তু কাজের সময় কাউকে পাওয়া যাবে না।—আমাদের সংসার ত আর স্বচ্ছল নয় তেমন!”

একথার তেমন উত্তর নাই। তথাপি শরৎ বলিল,—“তবুও এ একটা বছর ত যেমন-তেমন ক'রে চলে যেত।”

অরুণা স্বামীর এসব কথাতে বেশ প্রীতি অনুভব করিতেছিল। ছ'ভায়ে ররাবরই খুব বেশী সংভাব ছিল না। কারণ, এই রেস খেলা নিয়ে সব সময়ই তাহাদের খিটনিটি চলিত। এমন কি, শরৎ সনৎ দুই সহোদর হইলেও সনৎ শরতের জুয়া খেলার জালায় অস্থির হইয়া তাহার দেবতুল্য সত্যত বড়ভায়ের সঙ্গেই থাকিত। নিজের ভায়ের সঙ্গে সে ত্যাগ করিয়াছিল। কিন্তু আজ ভায়ের

রাণী-বৌ

মৃত্যুর স্বপ্ন পরিয়া তাহারা এক হইয়াছে বটে, কিন্তু তাহারা ত মনে
প্রাণে আজও এক হইয়া যাইতে পারে নাই!

অতএব সনৎ সিন্ধেশ্বরীর পূজা দিয়া, কালীতলার সিন্ধুরের ফোঁটা
কাটিয়া, বিহপত্র লইয়া কৰ্মক্ষেত্রে প্রবেশ করিল। এই কৰ্ম পাওয়ার
জন্ত বিদাতা হাসিলেন, কি কাদিলেন তাহা তিনিই জানেন।

সে দিন রাতে অরুণা রাণী সাজিয়া চিত্রার্পিতের মত দাঁড়াইল।

শরৎ বলিল—“এসব কি করেছ বল দেখি! এতদিন পরে তুমি
আবার নতুন বৌ হ’লে দেখচি।—তোড়াটা পরতে আর বাকি রাখলে
কেন?”

অরুণা শ্রান-হাসি হাসিয়া উত্তর দিল—বৌয়েরা কি আবার স্বামীকে
ফাছে পুরোতন হয় নাকি! কৈ তুমি ত আমার কাছে আজও
পুরোতন হওনি৷

শরৎ বলিল—“সে কথা থাক, এমন বেশে হঠাৎ সাজা হ’লে
কেন বলত আমায়?” এই বলিয়া শরৎ আবেগভরে স্ত্রীকে চুম্বন
করিল। অরুণা স্বামীর এমন সোহাগ বহুদিন পায় নাই; তাই
খলিয়া গেল, সহজে কোন উত্তর দিতে পারিল না।

শরৎ পুনরায় সে কথা জিজ্ঞাসা করিল। অরুণা আস্তে আস্তে
উত্তর দিল,—“বড়দি’ সাজিয়ে দিলে।”

“হঠাৎ?”

কিন্তু স্বামীর এ কথার উত্তর দিতে অরুণা ইতস্ততঃ করিতে

রাণী-বৌ

লাগিল। কারণ, কি সে বলিবে! এ বলার ভিতর স্বামীর আজ আনন্দ হইবে কি না, তা সে বুঝে না; কিন্তু ইহার ভিতর যে স্বামীর একটা প্রচ্ছন্ন ব্যথা লুকান আছে, তা সে বুঝিত!

শরৎ তাহাকে আরো কাছে টানিয়া আনিয়া বলিল—“কি, লজ্জা হ’চ্ছে বলতে?—সত্যিই আজ তোমাকে ভারী অল্প রকম দেখাচ্ছে। বড়দা যে তোমাকে রাণী-বৌ কেন বলতেন, তা আজ বুঝতে পারছি। সেই প্রথম যখন তুমি রাতিরে এমনি গহনা পরে লজ্জায় আস্তে আস্তে ঘরে ঢুকতে—আর আমি.....”

অরুণা হাসিয়া ফেলিল। বলিল, “পাম, তুমি পাম। আজ এত আদর হ’চ্ছে, আবার যখন রেসে হেরে আম্বে তখন এই আমিই তোমার চোখে বিষ হ’য়ে উঠবো, কেমন? তখন লাগি-ঝাঁটা আর গাল—এইত!”

শরৎ ভিতরে ভিতরে চমকিয়া উঠিল। এ কথাটা তার ত মনে ছিল না। স্ত্রীকে নববধূর সাজে দেখিয়া সত্যিই সে জুয়ার • কথা ভুলিয়া গিয়াছিল। শরৎ ম্লান হইয়া গিয়া বলিল, “তা বটে, তা বটে, তখন যেন আমি অল্প মানুষ হ’য়ে যাই, না? সত্যিই তোমাকে বড় কষ্ট দি।”

স্বামীর প্রদুল্ল মুখশশী সহসা মেঘে ডাকা পড়িয়া যাইতে দেখিয়া অরুণা বলিল,—“না-না, আমি এগ্নি ঠাট্টা করছিলাম! দিদি বললে, ‘আমার ত আর গহনাগুলো পরা হ’বে না, তা তুই পর।’ আমি

রাগী-বোঁ

কিছুতেই পরবো না। দিদি কাঁদতে লাগল। কিছুতেই না পরিয়ে ছাড়লে না। আমার হাত ধরে দিদি দিয়ে পরিয়ে দিলে।—আমি কি করবো বল।” বলিয়া অপরাধীর মত চুপ করিয়া খাটের ধারে সে দাঁড়াইয়া রহিল।

শরৎ একটু রাগিয়া শ্লেষের স্বরে বলিল—“না—না, আদং কথা হ’চ্ছে মেয়েদের গহনা পরবার সখ?”

অরুণা কাঁদিয়া ফেলিল। কারণ, তাহার পিতা বড় লোক—বিবাহের সময় তাহাকে তাঁহারা গহনায় মুড়িয়া দিয়াছিলেন। তাহার স্বামী, আজ পর্য্যন্ত তাহাকে গহনা দেওয়া দূরে থাক, সেই গহনাই একটি একটি করিয়া ঘোড়ার খুরের তলায় গুড়া হইতে দিয়াছে। তাহাতে সে কিছুই প্রতিবাদ করে নাই; যেদিন শরৎ চাহিয়াছে সেদিনই সে অঙ্গ হইতে খুলিয়া দিয়াছে! তাহার জীবনের যত কিছু সখ, সে সেই স্নেহের তলায় নির্ঝিবাদে বিসর্জন দিয়াছে। আর আজ কিনা তাহাকেই তাহার স্বামী এতবড় দোষী সাব্যস্ত করিল। ইহাতে তাহার দুঃখ আসে না কি? ইহাতে কি তাহার প্রশ্ন ফাটিয়া যায় না! ইহাতে কি গহনার উপর তাহার ধিকার আসে না!

সে দ্বিতীয় কথা না বলিয়া ঘরের বাহির হইয়া গেল। সম্মুখের বারাণ্ডায় দাঁড়াইয়া নীরবে অনেকক্ষণ কাঁদিল। অতীত বর্তমানের অনেক সুখ-দুঃখের কথা মনে পড়িল। তারপর বড়দিদির ঘরের দরজায় গিয়া আঘাত করিল। বড়বোঁ ঘুমায় নাই, রামায়ণ পড়িতেছিল,

রাণী-বৌ

বাহিরে আসিয়া দেখিল—অরুণা। অরুণাকে তাহার স্বামী যখন ঘরে আনিয়াছিলেন তখন সে ছোট। তাই বড়বৌ তাকে ‘নজের’ ছোট বোনের মতই তাহাকে ভালবাসিত এবং নাম ধরিয়া ডাকিত।

বড়বৌ বলিল—“কঁদছি কন! আবার কি হ’ল?”

অরুণা কোন কথার জবাব না দিয়া গহনা খুলিতে লাগিল। তাহার নয়ন দিয়া অবিরল ধারায় অশ্রু পড়িতে লাগিল। বড়বৌ ব্যস্ত হইয়া বলিল,—“কি হয়েছে বল না আমায়, ঠাকুরপো বুঝি কিছু বলেছে।”

অরুণা বাড় নাড়িয়া বলিল,—“না।”

বড়বৌ শরতের কাছে যাইতে উদ্বৃত্ত হইলে অরুণা পথ রোধ করিয়া দাঁড়াইয়া গহনা খুলিতে লাগিল। বড়বৌ বলিল,—“গহনা খুলছি কন বল না ; কোন কথা ক’ম না কেন?”

বড়বৌ জোর করিয়া শরতের কক্ষে গেল। শরতের কক্ষে তখনও আলো জলিতেছিল। সেও জাগিয়া কত কি ভাবিতেছিল। বড়বৌ কক্ষে প্রবেশ করিয়াই বলিল,—“ঠাকুরপো, বৌ’কে কি বলেছ গহনার জন্তে! সে ছেলেমানুষ তার কি দোষ। আমি তাকে দিয়েছি, তাই সে পরেছে। সে ত চেয়ে পরেনি, সে-ত কিছু-তেই পারবে না—আমিই জোর করে পরিয়ে দিয়েছি।”

এই সামান্য কথায় এতটা অরুণার লাগিবে তাহা সে ধারণা করিতে পারে নাই ; তাই শরৎ অপ্রস্তুত হইয়া বলিল,—“কই বৌদি’ আমি ত তেমন কিছুই বলিনি?”

রাণী-বৌ

বড়বৌ 'এ কথায় কাণ দিল না—বলিয়া যাইতে লাগিল,—
 তিনি যাবার আগে অরুকে দেখে বড় চুখু করেছিলেন। আমার
 বলেছিলেন,—‘আমার মরণের পর তোমার ত আর গহনার দরকার
 হবে না; তা তোমার গহনাগুলো সব মেজবৌমাকে পরিয়ে আবার
 তাকে আমার সাধের রাণী-বৌ সাজিও। তুমি নিজে মেয়েমানুষ
 তুমিই রাণী-বৌয়ের কষ্ট ভাল করে বুঝবে, ও বুঝতে পারবে না কোন
 দিন।’ তাই আমি ওসব পরিয়ে দিয়েছি। আমার এখন আর গহনা
 কি হবে ঠাকুরপো?’

শরৎ ছুঃখের সহিত কহিল,—“কি হবে বৌদি’! তোমার নিতুর
 বৌ হবে, সনতের বে আছে।”

“দেখ ঠাকুরপো, তুমি যেমন আমাদের পর ভাব আমি তেমন
 ভাবি না, নিতু সনৎ তুমি অরু কেউ-ই আমার পর নও। ঘরের
 একটা বৌ, লক্ষ্মী-বৌ, এয়োদ্রী, সে অমন বেশে থাকবে। তাহ’লে
 বাড়ীর কি লক্ষ্মী-শ্রী ফেরে? তুমি কি যে বল! অরু আমার জন্মজন্ম
 এয়োদ্রী হ’য়ে থাক। জন্মজন্ম সোণাদানা পরুক? ও আমার রাণী-বৌ
 হ’য়ে রাজরাণীর মত সংসারে থাকে! ঠাকুরপো, তোমরা ব্যাটাছেলে
 তোমরা জুয়াখেলে, রেস খেলে উড়িয়ে পুড়িয়ে দিতে পার—তোমাদের
 বুকে বাজে না—ঘরের লক্ষ্মীদের এ বেশ দেখে।”

শরৎ কোন কথাই বলিল না। আর বলিবারই বা তার কি
 ছিল। বড়বৌ যাবার সময় বলিল,—“আমার সকল গহনা আজ

রাণী-বৌ

থেকে অরুকে দিলুম, দেখি ও কেমন খুলে রাখে—আমার কথা
ঠেলে! সনৎ নিতুর ভাবনা পরে ভাববো।” বলিতে বলিতে তাহার
চোখ ছল ছল করিয়া আসিল। বড়বৌ তথাপি বলিতে লাগিল—
“তোমার দাদা, তোমার নাম করে বলেছিল—আমার লক্ষ্মী বৌমাকে
আমার রাণী-বৌমাকে ও কি করেছে দেখ বড়। আমার সময় নেই, না
হ’লে তাকে আমার সব খুইয়ে লক্ষ্মী সাজাতাম, রাণী সাজাতাম। তাঁর
কথা রাখবার জন্তই আমি দিয়েছি, আমার যতটুকু ক্ষমতা ছিল
আমি করেছি—তাতে তুমি যদি বাদ সাদ তাহ’লে আমার মরবারও
স্থান থাকবে না—আমি মাথা খুড়ে মরবো বলছি।”

শরৎ কোন কথায়ই বলিল না কেবল নীরবে মৃত জ্যেষ্ঠভ্রাতার
কথাই ভাবিতে লাগিল। অরুণা এতক্ষণ তাহার কক্ষের দ্বারের পাশে
আসিয়া দাঁড়াইয়াছিল। ঢুকিতে সাহস করে নাই। বাহিরে দাঁড়াইয়া
ভামুরের কথা শুনিয়া কাঁদিতে ছিল।

এমনই ছিল শরতের বড় ভাই! এমনই ভালবাসিত সে! এমন
ভায়ের সঙ্গেই সে পৃথক হইয়াছিল! কেমন করিয়া কোন গ্রহের
ফেরে! সে কাঁদিল না। এক ফোঁটা অশ্রু তাহার নয়ন হইতে
পড়িল না। এ স্বপ্নরাজ্যে সে অনেকদিন বাস করিতে পায় নাই!
তাই বসিয়া বসিয়া সেই ভ্রাতৃপ্রেমের অদৃশ্য করস্পর্শে সে যেন তন্ময়
হইয়া রহিল। জুয়ার নেশা এ রাজ্য হইতে তাকে কোণায় কোন
রাজ্যে লইয়া গিয়াছিল এতদিন—তাই সে ভাবিল।

ছয়

অখিলবাবুদের বাড়ীতে একরকম রোজই তাসের আড্ডা বসে। তাহারা ধনী লোক। তাই, এখানে পাঁচরকম লোকের যাতায়াতও আছে। অখিলবাবু সর্ব বিষয়ে পারদর্শী। তাহার মনের নেশা করবার অভ্যাস আছে। মেয়েমানুষও আছে। রেস খেলার ঝোকও তাহার কম নহে। এদিকে তিনি বড় এটর্নীও বটে। অতএব, নেশা জুয়া প্রভৃতি লইয়া কেহ যদি তাহাকে বলে যে, তিনি সর্বগুণকর,—তাহা হইলে তাহাকে কেহ বোধ হয়, দোষ দিতে পারে না।

কি একটা উপলক্ষে অখিলবাবুর বাড়ীতে আজ শরতের নিমন্ত্রণ। শরৎ সন্ধ্যার পরে তাহার বাড়ীতে গেল। উপস্থিত সকলেই সমাদর করিয়া তাহাকে বসাইল। তারপর তাহার সহিত সংসারের পাঁচ রকমের কথা হইতে লাগিল। এমন সময় কান্ত আসিয়াই বলিয়া উঠিল—“আরে প্রাইম্মিনিষ্টার যে! হ্যালো, কেমন আছ? আরে তোমার জন্তে আমাদের পারলামেন্টের সভা তেমন জোর জমায়েত আর হয় না। এবার দেখছি অন্তজনকে তোমার পোষ্টে ভর্তি করতে হবে।”

রাণী-বো

শরৎ ম্লান হাসি হাসিয়া কহিল,—“তাই কর কান্ত।” ৷

অখিলবাবুর বৈঠকখানায় পাঁচ সাতজন মিলিয়া রোজুই রেসের সময় টিপের পরামর্শের যেন একটা সভা বসে। কান্ত, তাইজু তাহার নাম করণ করিয়াছিল পারলিয়ামেন্টের সভা এবং অখিলবাবুকে সে ডাকিত রাজা, আর শরতকে প্রাইমমিনিষ্টার।

কান্ত কিন্তু, একথাতে তেমন আমোদ পাইল না। তাই একটু বিরক্ত হইয়া বলিল,—“ওসব বাজে খবর ছেড়ে দাও। এখন আসল খবর বল দেখি—এই আসছে রেসে কোন Stable-এর খবর আছে কিনা? হারি ত বলছিল...” বলিয়া তাহার কাণে কাণে সে একটি ঘোড়ার নাম করিল। ভয়, যেন পাছে অত্ৰ কেহ শুনিয়া তাহার বরাং কাড়িয়া লয়। এ সংবাদে শরৎ তেমন কোন আগ্রহ প্রকাশ করিল না। অপর সকলে রান্ এণ্ড ফ্ল্যাস খেলিতেছিল, এদিকে তাহাদের তেমন মন দিবার অবকাশ ছিল না। একটা দান শেষ হইলে রাজা বলিলেন,—“কিহে শরৎ খেলবে নাকি, এস না।”

শরৎ এতক্ষণ খেলা দেখিতেছিল। মনটা খেলার জন্তেও বিশেষ নারাজ ছিল না। তবে কেমন একটা লজ্জা আসিতেছিল। বোধ হয়, অনেক দিন না খেলারই দক্ষ হইবে। অপর একজনও খেলিবার জন্ত অনুরোধ করিল। বলিল—“কিরে তুই যে একে-বারে সতী হ'লি দেখ্‌চি! আর কখন খেলবি না নাকি,—দেখবো দেখবো।”

রাণী-বো

শরৎ রাজায় কুণ্ঠিত হইয়া পড়িল। তেমন কিছু বলিল না। কেবল বলিল,—“না—না—কিছু ত সঙ্গে নিয়ে আসিনি তাই?”

রাজা বলিলেন,—“আরে ওর জগ্গে ভাবনা কেন?”

কাজেই শরৎকে খেলিতে বসিতে হইল। বহুদিন পরে খেলিতেছে, স্মতরাং সে সাধারণতঃই একটু সতর্ক হইয়াই খেলিতে লাগিল। যাহারা তাহাকে পূর্বের মত খেলিতেছে ভাবিল, তাহারাও হাসিল। খেলিতে খেলিতে খেলা জমিয়া উঠিল। রাতও বাড়িয়া চলিল। শরতের জিতও বাড়িয়া চলিল। কাজেই, ইচ্ছা থাকিলেও সে তাড়াতাড়ি উঠিতে পারিল না। অনেক রাত হইলে অনেক কষ্টে সে উঠিয়া, আহালাদি সারিয়া অনেক টাকা জিত লইয়া বাড়ী ফিরিল। ফিরিবার সময় সকলের নিকট হইতেই আবার কাল আসিবার খুব অমুরোধ আসিল। জিতিয়াছে,—স্মতরাং সে অমুরোধ এড়াইতে পারিল না। অতএব কাল আসিবার প্রতিশ্রুতি তাহাকে দিয়া ঘাইতে হইল। আজ জিতিয়াও তাহার মন খুঁত খুঁত করিতে লাগিল। সে মনে প্রশংসা আনিতে পারিল না।

অরুণা জাগিয়া বসিয়াছিল। স্বামী আসিলে সে দ্বার খুলিয়া দিল। এবং ঘড়ির দিকে তাকাইয়া হাসিয়া বলিল—“এত রাত হল যে?”

শরৎ এ কথাই উত্তর দিল না বা দিতে পারিল না। জামাটি খুলিয়া সে আনন্দে রাখিল। রাখিবার সময় টাকার শব্দ হইল। অরুণার মুখে হাসি মুখে মিলাইয়া গেল। বলিল—“এতক্ষণ তাস খেলছিলে বুঝি?”

রাণী-বো

শরৎ টাকাগুলি বাক্সের মধ্যে রাখিল। নীরবে কাপড়-গামা ছাড়িয়া হাত মুখ ধুইয়া বিছানায় শুইয়া পড়িল। অরুণা “দাঁড়ইয়া” রহিল। কিছুক্ষণ কাটিলে শরৎ বলিল,—“হাঁ, তাস খেলতে দেবী হ’য়ে গেল।”

অরুণার মন নরম হইল। বলিল,—“আবার খেলা আরম্ভ হলত?”

“না, কাল খালি একবার যাব।”

কাল যাইবার প্রস্তাবে অরুণার অত্যন্ত রাগ হইল। আর কোন কথা না বলিয়া সে পাশ ফিরিয়া শুইয়া পড়িল। কেবল মনে মনে বলিল,—“ঐ কাল কাল করেই কালে থাকে।”

সে সতীসাক্ষী হইয়াও এ ভাবনা ভাবিয়া ফেলিল।

কাল আসিল। শরৎ অখিলবাপুর বাড়ী গেল। ঘণ্টা কয়েক ক্যাস খেলিল। রাত্রি একটার সময় বাড়ী ফিরিল। এমন দু’চার দিন কাটিল। শনিবার আসিল। আজ বাবুদের রেসের টিপের আলোচনা হইতে লাগিল। শরৎ তাহার মতামত—‘সাজেস্‌ম্যান’ দিল। সকলে তাহাকে যাইতে অনুরোধ করিল, কিন্তু সে গেল না।

শরৎ সারা সকালটা যাইবে কিনা ভাবিল। দুইচারদিন রান্ এণ্ড ক্যাসে জিতিয়াছে, আফিসের মাহিনাটাও বাড়িয়াছে, অতএব সে ভাবিল—তাহার বরাহুটাও এখন ভাল আছে। তাই যাইবার জন্ত তাহার মন টলিল। আফিসে যাইবার সময়, অনিচ্ছাসত্ত্বেও সে গোটা কয়েক টাকা বেশী করিয়াই নিল। টাকা লইবার সময় অরুণা জিজ্ঞাসা করিল,—“অত টাকা কি হবে?”

রাণী-বো

শরৎ তাঁড়াতাড়ি বলিল,—“একজন আফিসে ধার চেয়েছে।”

অরুণা হাসিয়া বলিল,—“তবু ভাল আমি মনে ক’রে ছিলাম বুঝি তুমি আজ রেস্ থেলতে যাবে। যে রকম ক’দিন জুয়ো থেল্‌চো।”

শরৎ ভিতরে ভিতরে কিন্তু-মিস্ত্র হইয়া পড়িল। ভাবিল—একবার সে টাকাগুলো রাগ করিয়া রাখিয়া যায়। কিন্তু সে রাখিতে পারিল না। কে যেন রাখিতে দিল না।

অরুণা জামা পরাইতে পরাইতে বলিল,—“তোমার ধারই শোধে কে, তুমি আবার ধার দিতে যাচ্ছ। আচ্ছা নীরুর মার ধারটা দিয়ে দাও না, ও বিধবা মানুষ।”

শরৎ বলিল,—“দেব, দেব, এইবার দেব।” বলিয়া সে আফিসে গেল।

আফিসে ছ’চার জন টিপ জানিতে আসিল। তবে পূর্বের মত অত লোক আসিল না। যদিও শরৎ কিছু খবর লয় নাই, তথাপি তাহাদের সাজেস্‌সানের উপর তাহার একটু সাজেস্‌সান দিল। বাহারা টিপ লইতে আসিয়াছিল শরতের আজিকার ব্যবহারে তাহারা সন্তুষ্ট হইল। এতদিন তাহারা তাহাকে অভদ্র ভারিয়াছিল।

প্রায় একটার সময় অখিলবাবুর মোটার আসিয়া শরতের আফিসে দাঁড়াইল। অখিলবাবু নিজে শরতের সিটের কাছে আসিয়া জিজ্ঞাসা করিলেন যে, আজ সে যাইবে কিনা। শরতের ইচ্ছা থাকিলেও সে যাইতে পারিল না। কারণ, তাহার স্ত্রীর কথাগুলি মনে পড়িল এবং তাহাকে যাইতে বাধা দিল। সঙ্গে সে টাকা আনিয়াছিল বটে,

রাগী-বো

কিন্তু যাইতে পারিল না। অখিলবাবু আরো ত্র'একরার ধরাধরি করিলেন। সে কিছুতেই যাইতে রাজী হইল না। অবশেষে, অখিলবাবুর হাতে গোটাকতক টাকা দিয়া বলিল—“Bidesia win-এ ধরবেন।” সূতরাং রাজাকে মজীর পরামর্শে ফিরিতে হইল।

শরৎ ছুটি হইলে বাড়ী ফিরিল। অরুণা একগাল হাসি হাসিয়া বলিল,—“ভাগ্যে তুমি এলে নইলে ত আমার মূখ দেখান ভার হ'ত। দিদি ঠাকুরপো সবাই বলছিল যে তুমি রেসে গেছ।—আজ এত দেরী হল কেন গা।”

শরৎ মুখভার করিয়া জামা ছাড়িল, কাপড় ছাড়িল।

অরুণা শঙ্কিতমুখে জিজ্ঞাসা করিল—“তোমার কি হয়েছে গা, আজ কথা ক'চ্ছ না যে বড়?”

“কি কথা ক'ব। কেবল রেসের কথা, কেবল জুয়ার কথা;—ঘরে-বাহিরে আমি অস্থির হ'য়ে পড়লাম।”

অরুণা নারীমূলভ কোমল কণ্ঠে বলিল—“কি করবো, ওরা যে সমস্তক্ষণ তোমায় জুয়াড়ী.....আরো কত কি বলে—আমার কি ও সব কথা শুনতে ভাল লাগে? তাই ত রাগ করে তোমায় বলি।”

শরৎ তথাপি রাগিয়া বলিল,—“ভাল লাগে না ত চুপ করে থেক আমার কাছে খালি গজর গজর কর না।” তারপর আপন মনে বলিল—“আমি রেসে নাই—কারণ কি?—সবাই বলবার কে?”

অরুণা কোন কথা বলিল না। এ যেন তাহার আলা হয়েছে।

স্বামীর কাছে সে বকুনি খাইবে। আবার আর পাঁচ জনের নিকট হইতে সে কণা গুনিবে। অথচ, তাহার দোষ কিছুই নাই। কিন্তু, এ সব সহ করা ছাড়া বাঙ্গালী-বধূর উপায়ান্তরই বা কি! কাজেই, চোখের জল চোখে মুছিতে হয়।

সন্ধ্যা না হইতেই শরতকে অখিলবাবুর বাড়ীতে ছুটিতে হইল—
রেসের সংবাদ জানিবার জন্ত।

অখিলবাবুর সহিত সাক্ষাৎ হইলে তিনি বলিলেন,—“ওহে শরৎ, তোমার লাক্টা খারাপ, Bidesia ধরতে পারলুম না। সময় পেলাম না। আর—তুনি গেলে না Dobie চাপ্লে—নিজে না গেলে কি হয়?—ধরবো কিনা—তাই-ই ভাবতে লাগলুম।”

শরৎ প্রথম সংবাদ শুনিয়াই দমিয়া গেল। কোন কথা বলিল না। আর বাকি কথাগুলি কেবল শুনিয়া গেল। তাহার কথা শেষ হইলে সে কেবল জিজ্ঞাসা করিল—“Bidesia—কত দিয়েছিলো।”

“তা খুব দিয়েছিলো—” বলিয়া টাকাটা তিনি ইসারায় দেখাইলেন।

শরতের মুখ আরো চূণ হইয়া গেল। অখিলবাবু বলিলেন,—
“তখন বললুম—চল চল—তা নয়! তাহ’লে আমারও আজ কিছু হতো।”

এতগুলি কথাবার্তার ভিতর শরৎ কেবল ইহাই ঠিক করিল যে তাহার যাওয়াই উচিত ছিল। এবং যদি সে কখন আর খেলে ত

রাণী-বো

নিজে গিয়া খেলিবে, পরের হাতে আর কখন সে টাকা দিবে না.....ইত্যাদি।

সে দিন আর তাহার ফ্র্যাস খেলা হইল না।

বুধবার সকালে উঠিয়া সে একটি সাহেবের বাড়ী গেল—আস্টে শনিবারের খবর জানিতে। তারপর ফারপোর একটি লোকের সহিত তাহার আলাপ ছিল—তাহার কাছে গেল। দু'একটি ওনার ট্রেনারের কাছেও এই কদিন সে দেখা করিল। অনেক করিয়া শনিবারের টিপের জোগাড় হইল।

শনিবার আসিল। অখিলবাবু তেমনি মোটর লইয়া আসিলেন এবং অনুরোধও করিলেন। শরৎ আফিসের কাজ রাখিয়া রেস খেলিতে চলিল। ছোট সাহেব হইতে কেরাণীকুল জানিল আজ অখিলবাবুর খুবই অনুরোধে পড়িয়া শরৎ রেস খেলিতে গেল—না হইলে সে নিশ্চয়ই যাইত না।

পান্নালাল, বিধু, জিতু সকলই মুখ টিপিয়া হাসিল,—তাহাদের মধ্যে একজন বলিল,—“দেখলি বলেছিলুম কিনা—আমার কথা মিললো কিনা।”

আর একজন বলিল—“ভারী ত কথা—তা আবার মিললো কিনা।”

এমনি করিয়া শরৎ আবার জুয়াড়ীর খাতায় নিজের হাজারী সই করিল।

তারপর কত দিন কাটিয়া গিয়াছে। শরতের রেসও চলিতেছে,

রাগী-বো

তাসও চলিতেছে। যেন তাহার রেস খেলার নব-গৌবন আবার ফিরিয়া আসিয়াছে। বাড়ীতে ছোট ভায়ে বড়-বৌদিতে কত কথা এ বিষয় হইয়া গিয়াছে। এমন কি ছ'একটা সংসারের খরচপাতি লইয়াও থিটিমিটি, আভাস-ইঙ্গিত হইয়া গিয়াছে। তথাপি শরৎ টলে নাই। তবুও তাহার জুয়ার নেশা পুরা দমে চলিয়াছে।

সাত

প্রায় তিনটা বাজিয়া গিয়াছে।

অমল আপনার বাহিরের কক্ষে বসিয়া দত্তপ্রাপ্ত একখানি মাসিক-পত্র পাঠ করিতেছিল, এমন সময় শরৎের মা আসিয়া সেই কক্ষে প্রবেশ করিয়াই পুনরায় ফিরিয়া যাইতেছিলেন। কিন্তু যাইবার সময় তাঁহার দেহের পরশে দরজার কড়াটার শব্দ হইয়া গেল। অমল ফিরিয়া তাকাইল এবং বলিল,—“কি জ্যোতিমা ফিরে যাচ্ছেন যে?”

জ্যোতিমা একটু হাসিয়া বলিলেন,—“না—তুমি পড়ছিলে তাই,—একটু না হয় পরেই আস্তাম—এই একখানা চিঠি পড়াবার জন্যে এসেছিলুম।—না—না এখন থাক না—তুমি এখন পড়।”

অমল হাসিয়া হাত বাড়াইল। বলিল,—“দিন্ দিন্ আমার পড়ার একটুও ক্ষতি হবে না, ভয় নেই।—আশ্চর্য্য, আমার পড়ার একটু ক্ষতি হ'বে বলে আপনি চিঠিটা পড়াবেন না,—আপনি আচ্ছা মা-ত! ছেলেরা বিদেশে থাকে, তা বলে আপনার একটুও আগ্রহ নেই—তাদের সংবাদ জানবার?”

রাণী-বৌ

মা ম্লান হাসি হাসিয়া পত্রখানি অমলের হাতে দিল। অমল পানখানি ছিঁড়িতে ছিঁড়িতে বলিল,—“এতে যদি সনতের বের কথা না থাকে ত আর পড়বোই না,—কি বলেন জ্যোতিমা?”

তিনি কোন উত্তর দিলেন না, পড়া শুনিবার জন্ত উৎসাহী হইয়া রহিলেন। পত্রখানি বড়-বৌ লিখিয়াছে। অমল পত্রখানি একবার মনে মনে পড়িয়া লইল। তারপর বলিল,—“নিতুর মা লিখছেন—সংসারে আর সুখ নেই!—এখন হাড়ের জ্বালা তাহার ভয়ানক হয়েছে।—”

“না—না—অমল কি লিখেছে বল—আর-পত্রে ত জান না—বড়-বৌ-মা কি সব লিখেছিল—তুমি ত হেথা ছিলে না—কি সব রেস-ফেস্ লিখেছিল। ওদের হরিচরণ কত কি সব বলে—আমি ত সেই অবধি ভেবে সারা হয়ে আছি। আমি চারকাল পাড়াগোঁয়ে মানুষ—ও সব খেলা কিছু বুঝিও না, সুজিও না। তাতে বড়-বৌমা আবার লিখে-ছিলেন আপনি একটা বিহিত করুন!—দেখ দিখি দাদা,—এখন ভালো ফরে বুঝিয়ে বল দেখি আর সব কি লিখেছে।”

কথা বলিতে বলিতে তিনি প্রায় কাঁদিয়া ফেলিয়াছিলেন,—ভয়ও তাঁহার যথেষ্ট হইয়াছিল। অমল তাঁহার অবস্থা বুঝিয়া আর কোনরূপ ঠাট্টা না করিয়া ভাল ভাবেই বলিতে লাগিল,—“সেই কথাই এ চিঠিতেও লিখেছে। লিখেছে যে মেজ্‌দা (শরৎ) আবার রেস্ খেলা শুরু করেছেন;—এবং খুব বেশী ভাবেই তিনি খেলছেন।—সংসারে টানা-

রাণী-বৌ

তিনি আরম্ভ হইয়াছে। কি করে যে তিনি সংসার চালাছেন তা তিনিই জানেন। এই খেলা নিয়ে ছ'ভায়ে মাঝে মাঝে সংসারে বেশ অশান্তির সৃষ্টি হয়। তিনি আর সংসার চালাইতে চাহেন না। আপনার কাছে চলে আস্তে চান।”

মাঝে মাঝে চিঠি পড়িয়া, মাঝে মাঝে নিজের মুখে বলিয়া অমল তাহার জ্যেষ্ঠীমাকে পত্রের সার মশ্বটুকু বুঝাইয়া দিল।

জ্যেষ্ঠীমা নীরবে সব শুনিলেন এবং সর্ব শেষে একটি দীর্ঘ নিঃশ্বাস অ-দীর্ঘ করিয়া ছাড়িলেন।

অমলের মা বহুক্ষণ পূর্বেই সেই বরে আসিয়াছিলেন। কিন্তু তাহা কেহ জানিত না। অমল পড়ায়, এবং তাহার জ্যেষ্ঠীমা নিজের ভাবনায় ব্যস্ত ছিলেন, তাহারা লক্ষ্য করিবার অবকাশ পায় নাই। অমলের কথা শেষ হইলে অমলের মা বলিলেন, “তুমি দিদি, বড়-বৌমাকে এখানে নিয়ে এস।”

“নিয়ে এলেই কি বৌ-মা আসবে, তাহ'লে ভাবনা কি?—স্নাতকের জন্তে কি তার এ দেশে আসবার যো আছে?—আর সেখানের সব দেখবে শুন্বে কে?”

“তা বলে তোমার বৌ.....”

“মা তুমি থাম—এ এখানে-ওখানে থাকা-থাকির কথা নয়—যা হচ্ছে তা তারাই জানে।”

অমলের মা চুপ করিয়া গেলেন। শরতের মা আরো শঙ্কিত হইয়া

রাণী-বো

উঠিলেন এবং ভয়ে ভয়ে বলিলেন,—“তবে কি করি অমল, তোরা ত লেখাপড়া জানিস, একটা বুদ্ধি করে আমায় উপায় দেখে দে—আমি আর ভাবতে পারি না। যতদিন আমার অজু ছিল, ততদিন আমার আর এ ঝক্কি পোহাতে হয় নি।”

অমল এ কথার উত্তর করিল,—“জ্যোতিমা, এর উপায় আমি কি করবো,—আমার চেয়েও খারাপের বেশী লেখা-পড়া জানেন তাঁরাই এই রেস খেলা সৃষ্টি করেছেন,—আবার খারাপ খেলেন তাঁরাও খুব কম লেখা-পড়া জানা লোক নন।—তাঁরাই আবার রাজার কাছে দরবার করে, আইনে পাশ করে নিয়েছেন যে,—এটা জুয়া নয়। তাঁরাই যে সব উপায় কে নিরুপায় করে রেখেছেন। আমাদের মত চুনো-পুঁটির এতে কি কোন হাত আছে জ্যোতিমা?”

এতগুলি কথার কোনরূপ অর্থই উপস্থিত নারী হৃদির হৃদয়ে ছাপ ফেলিতে পারিল না।—তাঁহাদের বোধগম্য হইল না—হইবার কথাও নয়।—তাঁহারা কেবল এইটুকুই বুঝিলেন—এ খেলার বোধ হয় কোন প্রতীকারই নেই।

তারপর অনেক কথা হইল। অমল তাহার জ্যোতিমাকে কাল হুপুর বেলা আসিতে বলিয়া দিল। তাঁহাকে আশা দিল যে কাল একখানি পত্র সে শরতের নামে কড়া করিয়া লিখিয়া পাঠাইয়া দিবে। শরতের মা উঠিয়া গেলেন।

অমল আহ্বানাদি করিয়া ভাবিতে লাগিল। সে সহরে থাকিয়া

রাগী-বো

রেস-খেলা দেখিয়াছে এবং বাজী হারিবার হৃদশার কথাও শুনিয়াছে, কিন্তু আজ পর্য্যন্ত সে বুঝিতে পারে নাই যে, কেন মানুষ এই বাজীর লোভে পড়িয়া সর্বস্বান্ত হইতে বসে! কেনই বা সে খেলার নেশায় অভিভূত হইয়া যায়। আর নেশা বলিবারই বা ইহাতে কি আছে?—জুয়া হারার উত্তেজনা, উন্মাদনা যে কত তাহা জুয়া খেলা খেলিয়া খেলোয়াড়ের সাধ্যাতীত হারিয়া না দেখিলে বুঝিবার ক্ষমতা থাকে না। তবে সে বিদ্বান্ বুদ্ধিমান—তাই এটা সে উপলব্ধি করিতে পারে যে, একটা মানুষ যে কোন প্রকারেই হউক, যদি সে তাহার সর্বনাশের পথ খুলিয়া বসে, তবে তাহার সাথের তাহার পরিবারস্থ আরো কতকগুলি নিরীহ অবলা সরলা কেমন করিয়া নীরবে ধীরে ধীরে সেই সর্বনাশা পথের ধূলায় বেদনা-রথের চাকার নিষ্পীড়নে নিজেকে মগ্নিত করিয়া ফেলে। খুব কম লোকই তার খোঁজ রাখে। সে ভাবিল যে রেস খেলার সেইটাই বোধ হয় সব চেয়ে বড় শাস্তি। এমনি আরো কত কি?

পরদিন অমল শরৎকে চিঠি লিখিতে বসিল। জ্যেষ্ঠিমা টেবিলের একটু দূরে রসিয়া রহিলেন। অমল লিখিল।—

যাহা লিখিল তাহা সংক্ষেপে এইরূপ :—

শরৎ, তোমাকে আমি কত কষ্টে যে মানুষ করিয়াছি তাহা তুমি আজ এত বড় হইয়া বুঝিবে কিনা বলিতে পারি না। তুমি যখন খুবই ছোট, তখন হইতে তোমার বড় ভাই তোমাদের দুজনাকে তাহার নিজের রোজগারের যা-কিছু টাকা দিয়া লেখাপড়া শিখা-

ইয়াছে। সে যে কত কষ্টে মানুষ করিয়াছে, তখনকার সংসার চালাইয়াছে, তা আমিই জানি। তুমি সে কষ্ট বুঝ নাই, বুঝবার মত জ্ঞানও তোমার তখন ছিল না। আজ তুমি কোথা তাহাদের লালন-পালন করিবে, তাহাদের দেখা-শুনা করিবে; তাহা না হইয়া তুমি তাহাদের যথাসর্বস্ব নষ্ট করিতেছ, কষ্ট দিতেছ! তোমার বড় ভাইকে আমি পেটে ধরিনি, তবুও সে-ই আমার মায়ের রক্ত-সিংহাসনে বসাইয়া গিয়াছে; কিন্তু তাহার সেই স্নেহের ভালবাসার পরিবর্তে তুমি বড়-বৌমাকে কষ্ট দিতেছ! সত্যত ভাইয়েরই মত ব্যবহার করিতেছ! ছিঃ—ছিঃ! আমার রাণী-বৌ অরুণা, সে আজও তেমন বড় নয়! সে ছুধের বৌ, তার যে চুর্দশা তুমি করিয়াছ, তাহাতে তোমায় আমার ছেলে বলিতেও ঘৃণা বোধ হয়, কষ্ট বোধ হয়! ছ-বৌমাকে অত কষ্ট দিওনা। মেয়েদের কষ্ট—নীরবে সম্পূর্ণ অজানিতভাবে এক নীরব দেবতার কাছে গিয়ে জমা হয়। তারা কারুর নামে নালিশ করে না। তাই, তাদের বেদনায় মাঝে মাঝে তাঁর আসন টলে। এতে তোমার ভাল হইবে না। সেবার আসিবার সময় আমি সব জানিয়া আসিয়াছি। আমার রাণী-বৌমাকে তুমি ভিখারী করিয়াছ! এবার কি পথে বার করিয়া ভিখারপাত্র হাতে দিবে গনে করিয়াছ! তাহা হইলে তোমার পিতার বংশের নাম অক্ষয় হইয়া থাকিবে!—কেমন?

আসিবার সময় আমার পা ছুঁইয়া দিয়া করিলে যে, আর

রাণী-বো

ও সর্বনাশা পাপ জুয়া খেলিবে না ! সে কি মায়ের সঙ্গে ছলনা করিবার জন্ত ! যাক,—যা হইয়াছে এখন তুমি ও পাপ খেলা পরিত্যাগ করিয়া আমার হতভাগিনী বোমা রাণী-মাকে নিয়ে চলে এস—এখানে। আমার খণ্ডরের, স্বামীর ভিটায় আজও যা দেবতার আশীর্বাদী আছে, তাহাতে তোমাদের দুজনার সচ্ছন্দে চলিয়া যাইবে ! সেখানে চাকরীর প্রয়োজন নাই ! তোমরা দু'জন চলিয়া আসিলে, বড়বোমা, নিতু, সনৎ এরা সকলে সুখে থাকিবে ! তাহাদের কষ্ট দিবার তোমার অধিকার নাই। দেশে তদিন থাকার কষ্ট হইবে, কিন্তু সে-কষ্ট তোমার ঐ জুয়ার জ্বালার চেয়েও কম কষ্ট ! এই পাড়ার্গায়েরই মাটিতে তোমার পূর্বপুরুষেরা মানুষ হইয়াছেন। এই মাটিতে আজও তোমাদের সহর বাসীদের অন্ন প্রস্তুত হয় ! আজ যদি না এখানে ফিরিয়া এস ত একদিন এই আমার কথা না-শোনবার দরুণ, এই ফিথে না-আসার দরুণ—তোমার চুঃখের কষ্টের সীমা থাকিবে না। মায়ের চোখের জল আর ফেলিও না !...ইত্যাদি ইত্যাদি এমনি আরো কত কি অমল নিজের মনে লিখিয়া গেল। আরো কত কি তীব্র ভৎসনা করিল।

শেষে তাহাদের সকলকে আশীর্বাদ করিয়া ইতি,—তোমার মা বলিয়া পত্রখানি শেষ করিয়া অমল ডাকে সেখানি ফেলিয়া দিল।

মায়ের কোমল প্রাণ, মা ভাবিলেন এমন ভাবের খেলায় নিশ্চয়ই তাহারা এখানে ফিরিয়া আসিবে। শরৎ খেলা ছাড়িয়া দিবে ! মা

রাগী-বৌ

মার প্রাণ দিয়া বুঝিল। কিন্তু সম্ভানের প্রাণ যে কত কঠিন হইয়া গিয়াছে, কত 'আঘাতে' যে তাহার সে-চেতনা হইবে সে শিক্ষা মায়ের ছিল না।

সেই পত্র শরতের কাছে আসিতে বিলম্ব হইল না। শরৎ তখন সবে জলযোগ করিয়া উঠিয়া বড়-বৌদির সহিত সংসারের খরচের কত কি একটা গোলমাল লইয়া ব্যস্ত ছিল। সনৎ সংসারের খিটিখিটির ভিতরে থাকে না, বড়-বৌই তাহাকে থাকিতে দেয় নাই। কারণ তাহার ভয়—কোন দিন হয়ত দুইভাইয়ে কিছু কাণ্ড বাধাইয়া দিবে!

সে দিন কি কথা র পর বড়-বৌ বলিল,—“তুমি যেন দিন দিন কি হয়েছ ঠাকুরপো—বড় টাকা কড়ি নিয়ে গোলমাল কর। সনৎ তাই রাগ করে। বড় ভাই কিছু বলতে পারে না আমিও কিছু বলতে দিই না। এরকম করলে ক'দিন চলবে?” এমাসে আটান্ন টাকা কোথা গেল তার হিসেব নেই! একি আবার একটা কথা হ'ল! না এমন করলে আর চলবে না।” বলিয়া বড়-বৌ রাগ করিয়া চলিয়া গেল।

শরৎ চিঠিখানি না-খুলিয়া সব কথা শুনিয়া গেল একটি কথারও প্রতিবাদ করিল না। সাধারণতঃ, সে প্রতিবাদও বেশী করে না। কারণ এমন কথা সে বহুবার শুনিয়াছে! এসব তাহার সহ্য হইয়া গিয়াছে। পাওনাদার, সে ত আর তাহার আপনার লোক নয়, ইহার অপেক্ষা আরো কত শত কড়া এবং কটু কথা শুনাইয়া

রাগী-বো

দেয়, তথাপি সে তেমন প্রতিবাদ করে না। এ স্বভাব তাহার দোষের কি গুণের, তা ঈশ্বরই জানেন। তবে, ইহাতে বিপক্ষের কিছুই সুবিধা হয় না, বরঞ্চ অসুবিধাই যথেষ্ট থাকে, তা বিপক্ষ দল বুঝিতে পারে।

শরৎ চিঠি খুলিল। আপন মনে চিঠি পাঠ করিল। তারপরে ধীরে ধীরে স্ত্রীর হাতে দিয়া বলিল,—“চিঠিটা পড়ে দেখ, মা লিখেছেন।”

স্ত্রী স্বামীকে বলিল,—“আমি কি পড়বো, তুমি পড়ে শুনাও না।”

শরৎ দ্বিতীয় বাক্যব্যয় না করিয়া চিঠিখানি পড়িল। অরুণার নয়ন হইতে কয়েক ফোটা অশ্রু পড়িল। সে নীরবে তাহা মুছিয়া লইল। সে ভাবিতে লাগিল—এমন দিদি পাইয়াছে, এমন দেবর, এমন স্বাস্থ্যভী, এমন ভাস্কর পাইয়াও তাহার বরাতে সুখ মিলিল না। সে একটা গভীর নিশ্বাস ছাড়িল মাত্র।

শরৎও এতক্ষণ কি সব ভাবিতেছিল। বলিল,—“দেখলে ত অরু, তোমার বড়দি মাকে পর্য্যন্ত লাগায় কিনা? সেদিন আমি বললুম, তোমার তাতে বিশ্বাস হ'লো না। এষে স্বামীর কথা—এতে বিশ্বাস হবে কেন? একি আর বড়-বৌদির কথা,—না সনভের কথা যে বেদবাক্য বলে মনে হবে?”

রাগী-বো একথা শুনিল না; নিজের অদৃষ্টের কথাই ভাবিতে লাগিল। শরৎ পুনরায় প্লেষের স্বরে বলিল,—“আমার আগেকার

রাগী-বৌ

কথাগুলো বুঝি তেমন ভাল লাগলো না, আর বড়বৌদি যে কথাগুলো আমায় বলে গেল—তা বেশ তোমার ভাল লাগলো নয়?”

রাগী-বৌ কাঁদিয়া ফেলিল। বলিল,—“আমার কারুর কথা অ’র ভাল লাগে না; মনে করি আমার মরণ হলেই ভাল।”

বাঙ্গালী পরাধীন, তাই তাদেরও যারা অধীন তাদের কষ্ট দিতে সে ভালবাসে। তাই, আফিসের বড় বাবু বড় সাহেবের কাছে খোঁচা খাইলে—সে তাহার অধীনস্থ কর্মচারীদের অধিকতর খোঁচা দেয়; আবার সেই অধীনস্থ কর্মচারীরা—বাড়ীতে আসিয়া সর্ববিষয়ে পরাধীন অবলা স্ত্রীর উপর তর্পিত চালায়! এক্ষেত্রেও তাই ঘটিল। শরৎ খোঁচা খাইল ওদিক হইতে। তাই তাহার খোঁচা অধিকতর তীক্ষ্ণ তীব্র হইয়া ফিরিয়া আসিয়া বিঁধিল এদিকে, স্ত্রীর বুকে!

শরৎ রাগ করিয়া বলিল,—“মরণ ত নিজের হাতেই আছে! কত বৌ-ঝি অমন প্রায়ই ত মরচে!”—বলিয়া আর অপেক্ষা করিল না সে বাহির হইয়া গেল।

কিন্তু সন্ধ্যার পূর্বেই সে ফিরিয়া আসিল। আজ প্রাণ খুলিয়া সে বেড়াইতে পারিল না। এতবড় খোঁচার ভয় তাহার প্রাণে খঁচ্ খঁচ্ করিয়া বিঁধিল। সে ফিরিয়া আসিয়া দেখিল অরুণা সেখানেই তখনও উপুড় হইয়া কাঁদিতেছে। এদৃশ্য দেখিয়া শরতের মনে কি ভাব উদয় হইল কে জানে! সে অরুণাকে অনেক কষ্টে উঠাইল, অনেক আদর করিল। অনেক যত্ন করিল। অনেক চুশ্নন করিল। নিজের কাপড়

রাণী-বো

দিয়া স্ত্রীর নয়ন মুছাইয়া দিল। শেষে সে বলিল,—“আমার কথায় রাগ করলে অরুণ?”

অরুণা কথার উত্তর দিল না। নিজের অঞ্চলের প্রান্তভাগ লইয়া নাড়াচাড়া করিতে লাগিল আর কাঁদিতে লাগিল।

শরৎ ব্যথিত স্বরে বলিল,—“অরু, আমার মনেও কি তোমার চেয়ে কম জ্বালা। আমি কি কম কষ্টে ভুগ্ছি! আমারও কি মনে মাঝে মাঝে হয় না—যে আমি মলে তোমরা সবাই সুখে থাক, নিশ্চিন্তে নির্বিঘ্নে বাস কর! আমার জন্তে মা, ভূমি.....”

হিন্দুর-বো এতটা সহ্য করিতে পারিল না। স্বামী মরিতে চান্ সাধ্বীর প্রাণে বজ্রের মত তা বাজিল! তাহার সব দুঃখ কষ্ট নিমেষে অন্তর্ধান হইয়া গেল। অরুণা মুগ্ধ তুলিয়া বাধা দিয়া বলিয়া উঠিল,—“ভূমি মরতে যাবে কেন—আমিই মরবো, আমায় নিয়ে তোমারই ত যত জ্বালা!”

শরৎ বুঝিল এ কথা সেই পূর্ব কথারই উত্তর। তাই আর কোন কথা না বাড়াইয়া শরৎ থাইতে গেল। সে আহার করিয়া আসিয়া স্ত্রীকে জোর করিয়া থাইতে পাঠাইয়া দিল। স্ত্রী থাইয়া আসিয়া পাশে শুইল।

অনেকক্ষণ পরে দু’একটা কথার পর অরুণা আস্তে আস্তে বলিল, “চল আমরা মার কাছে ফিরে যাই, সেখানে গিয়ে বেশ থাকবো’খন। সেখানে জমিজমাগুলোও ত একজন দেহবার লোক চাই। মা ত

রাণী-বৌ

এমন কতবার বলছেন সে-কথা। আর এখানে সংসারের এই কথা কাটাকাটি আমার আর ভাল লাগে না; আমি আর পারি না। সে বেশ থাকবো'খন?"

শরৎ হাসিয়া বলিল, “বড় বেশ থাকা নয়। সেখানের জ্বালা এখানের জ্বালার চাইতে কম নয়।—সেখানে রেস্ নেই বটে, কিন্তু ম্যালেরিয়া আছে, হুভিক্ক আছে।”

অরুণা অম্লান বদনে উত্তর দিল—“সেও আমার ঢের ভাল। সে জর মাঝে মাঝে ছাড়ে, মাঝে মাঝে জর ছাড়ার মুখে ভাতও বেশ লাগ্বে, কিন্তু তোমার দেওয়া এমন ভাত আমার চিরজীবন ও আর ভাল লাগ্বে না।”

শরৎ ভিতরে ভিতরে রাগ করিল; কিন্তু কিছু রাগের কথা বলিল না; বলিল, “কিন্তু সারা জীবন রোগে ভুগতে হবে।”

অরুণা মুক্ত কণ্ঠে বলিল, “সে ও ভাল, সে ভোগ আমার হুভোগ হবে না, সে ভোগে আর পাঁচজনে আঁহা-উঁহ করবে, তোমায় ও সারাদিন দেখতে পাবো, সে ভুগে মরা আমার সার্থক হবে। এমন ভেতরে ভেতরে জলে-পুড়ে আর মরতে পারি না। এ ভোগ যে কি—তা আমিই জানি।”

শরৎ ক্লগকাল কোন কথা বলিল না, চুপ করিয়া রহিল।

রাণী-বৌ পুনরায় বলিতে লাগিল, “আমার মত কত মেয়ে-মাছুষ না জানি কষ্ট পাচ্ছে ঠাকুরের কাছে এত মানত করি তবু ত তাঁকে

রাণী-বৌ

ব্যথা দিতে পারি না। এক এক সময় মনে হয় আত্মহত্যা করি ! তোমার নিন্দেও আর সহ্য করতে পারি না—কাককে কোন কথা জানাতেও পারি না।”

শরৎ মনে মনে কি ভাবিয়া বলিল, “দেখ তুমি এক কাজ কর তুমি দিনকতক মার কাছে গিয়ে থাকগে। বাপের বাড়ী ত আর যেতে চাও না। তুমি দিনকতক সুখে থাকলে, আমি বা’হোক করে কাটিয়ে দেব’খন।”

রাণী-বৌ কাঁদিয়া ফেলিল। অশ্রুজড়িত কণ্ঠে বলিল, “তা যদি পারতাম তোমায় ছেড়ে থাকতে, তা’হলে ত আজ তুমি যে পথ দেখিয়ে দিয়েছ সে পথেই চলে যেতাম—বাপ-মায়ের কাছে গিয়ে কোলে চড়ে বসতাম। তা যে পারি না—”

অরুণা কাঁদিতে থাকিল। শরৎ আর কোন কথা সে রাত্রে তুলিল না। মা যে অমন করিয়া চিঠি লিখিলেন; স্ত্রী যে দেশে যাইবার জন্ত অত ব্যথা জানাইল; বড়-বৌ যে সংসারের জন্ত অত করে শোনাইল; তথাপি তাহার মন ভেমন-ভাবে কেহ-ই টলাইতে পারিল না। যেটুকু টলিল, তাহা ছ’একদিনের জন্ত। তাহার শক্তি শুক্রবার পর্য্যন্ত রহিল না।

প্রতি সপ্তাহের মত সে রেসে গেল। হারিয়া বাড়ী ফিরিয়া আসিল পরিবারবর্গের উপর বিরক্ত হইল। সনতকে দেখিয়া লজ্জা পাইল। বড়-বৌদিদিকে দেখিয়া বিরক্ত হইল। স্ত্রীকে দেখিয়া মুখ

রাণী-বৌ

ফিরাইল। নিজের হার ভাবিয়া নিজের উপর ধিক্কার আসিল।
তথাপি তাহার রেসে যাওয়া চলিল। দেনার অঙ্কও বাড়িয়া চলিল।
পাওনাদারের সংখ্যাও বাড়িয়া চলিল। অভাব অনাটনের ফাঁক ও
বাড়িয়া চলিল।—যন্ত্রণা দিবার যা-কিছু সবই বাড়িয়া চলিল।
কেবল কমিতে থাকিল মান, সম্মান, আর যা-কিছু সদগুণ।

আট

রেসে হারিয়া হারিয়া, অনেক কিছু খুয়াইয়া সে নিঃশ্ব হইয়া পড়িল। সেদিন শনিবার—হাতে একটিও টাকা নাই, অথচ রেসে যাইতে হইবে। ঘরে-বাহিরে কেহ তাহাকে আর ধার দেয় না। অতএব লজ্জার মাথা খাইয়া জ্বর গায়ে বড়-বোয়ের যা গহনা ছিল তাহা সে চাহিল। জ্বর রাগ করিয়া বলিল, “না—না—সে তুমি যাই বল আর যাই কর এ আমি কিছুতেই দেব না।”

“লক্ষ্মীটি দাও অরু, আমি ঠিক বলছি, রবিবারে ফিরিয়ে এনে দেব।”

“তোমার কথা রেখে দাও—আর সব গহনাই ত ফিরিয়ে এনে দিলে, খালি এইটেই বাকি আছে।”

শরৎ একটু রাগিয়া বলিল,—“অরু, আজ-কাল ভারী তুমি মুখে উপর জবাব দাও।—ওঃ ভারী এক জোড়া তাগা খুলে দেবে ত তা এত কথা। আমি—স্বামী না! এই বুঝি জ্বর কাজ! জ্বরী আমা গহনা পরে থাক—আর স্বামী দেনার জন্তে জেল খেটে মরুক, কেমন?”

রাণী-বো

অরুণা তাহার কথা শুনিতে শুনিতে কাঁদিয়া ফেলিল। কাঁদিতে কাঁদিতে বলিল,—“অমন কথা বল না আমায়,—বাবা যা-কিছু গহনা দিয়েছিলেন, সব একে একে তোমার ঐ রেসের পায়ে ঢেলে দিয়েছি, একদিনও না বলিনি।—তবু তুমি আমায় এমন কথা বল্লে!”—বলিয়া পুনরায় সে কাঁদিতে লাগিল।

শরৎ একটু নরম হইয়া বলিল,—“দাও নি কি আমি বলছি,—তবে আজ এমন কচ্ছ কেন? অমন অবাধ্য হ'চ্ছ কেন?”

অরুণা অশ্রু-বিজড়িত স্বরে বলিল,—“এ গহনার আনার হাত দেবার যো নেই;—বড়-দি' আমায় কত ছুঁখে এ গহনা পরিয়েছে জান?—এ গহনা নিতে তোমার একটু লজ্জাও করবে না।”

শরৎ অস্বাভাবিক বদনে বলিল,—“লজ্জা কি বল?—রবিবারে ফেরত পাবে। আমি কি এতই আহামুক—যে বড়-বৌদির গহনা খোঁসাব? একটা ‘সিওর টিপ্’ পেয়েছি, তাই কিছু কমিয়ে নিতে চাই, এই জন্তে—বাস্!”

“তোমার ছিওর টিপের কথা রেখে দাও। আমি দেব 'না'।”

রেস সংক্রান্ত ছোট-খাট ইংরাজী কথা পর্যা্যন্ত অরুণার মুখস্থ হইয়া গিয়াছিল। সে make up, tip, Jokey প্রভৃতির ছোট-খাট অনেক কথারই সে ইঙ্গিত বুঝিতে পারিত। এমন রেস শরৎ খেলিত।

শরৎ তাহাকে অনেক বুঝাইল। অনেক অল্পনয় বিনয় করিল। এমন-কি হাতে পায়ে পরিবার অভিযত্ন করিল। স্বামীর প্রতি স্ত্রীর কর্তব্য

রাণী-বৌ

বুঝাইল। স্ত্রীলোকের দোষগুণ সম্বন্ধে আরো অনেক কথা সে বলিল। শেষে শরৎ রবিবারে তাহা ফিরাইয়া দিবে বলিয়া ভয়ানক একটা দিব্য গালিয়া বসিল। অরুণা আর না বলিতে পারিল না। বলিল,—“আচ্ছা কাল নিও!—আজ ত আর রেস নয়, বৃহস্পতিবার।” “আজ নিতে চাইছি তার একটু কারণ আছে। তোমার হাত খালি দেখে বৌদি জিজ্ঞাসা করলে তুমি বলবে ওঁস আফিসের কার গহনা হবে, তাই সে একবার দেখতে নিয়েছে।—কিংবা বলবে-আর সোমবারে বাপের বাড়ী যাব, তাই পাল্লিস্ করতে গেছে। পরশু নিলে সবাই ভাববে রেস খেলতে নিয়েছে।”

এ কথা শুনিয়া তাহার সহধর্মিণী মর্ম্মাহতা হইল। বলিল,—“কিন্তু আজ লক্ষ্মীবার যে।”

“রেখে দাও তোমার লক্ষ্মীবার! লক্ষ্মী ত আমায় ঢেলে দিয়েছেন আর কি!” বলিয়াই আবার কি মনে করিয়া বলিল—“আচ্ছা আজ খুলে রেখে দাও বাবু—কাল ভোরেই নেব। কেমন সেই ভাল।”

অরুণা আর কোন উত্তর দিল না।

শনিবারে বৈকালে সনৎ জলখাবার খাইতে বসিয়াছে। বড়-বৌ তাহারই কাছে বসিয়া সংসার-সম্বন্ধে এবং তাহার বিবাহ সম্বন্ধে কথা-বার্তা করিতেছে। অনেক কথার পর সনৎ বলিল,—“বড়-বৌদি তুমি যাই বল, আমি আর সহ্য করতে পারি না। লোকে পথে ঘাটে আমায় যে এমন অপমান করবে, তা আমি সহ্য করতে

রাণী-বৌ

পারবো না। চেনা-অচেনা, ছোট-বড়, বাবু-চাকর সবার কাছেই পার! একটুও ঘেন্না হয় না,—আমি ভাবি তাই।”

“কি করবো বলো ঠাকুরপো, হাতের পাঁচটী আঙ্গুল সমান হয় না—তোমার দাদা তাই বলতেন।”

“তা বলে সংসারটাকে উচ্ছন্ন দেবে?—আর আমরা তাই দেখবো, সহ্য করবো—এ কি রকম কথা।”

বড়-বৌ হাসিল, হাঁক দিয়া বলিল,—“ওরে অরু, আর ছ’খান কুটি নিয়ে আয়—ঠাকুরপোর জন্তে।”

ইহারা বখন কথা কহিত। তখন অরুণা নিকটে থাকিত না। তাহার ভারি লজ্জা করিত। সদাই সে ভাবিত তাহার স্বামীর কীর্তির কথাই বুঝি কীর্তন হইতেছে।

সে স্বামীর নিন্দা সহ্য করিতে পারিত না। বড়দির ডাক্কে খান দুই কুটি লইয়া আসিল এবং সনতের পাতে দিল।

বড়-বৌ অরুণ হাতের দিকে লক্ষ্য করিয়া বলিল,—“অরু তাগা ছ’গাছা খুলে রেখেছ কেন? আমি কি তোমায় খুলে রাখবার জন্তে দিয়েছি। যাও, এখুনি পরগে—এয়োস্ত্রী মাতুষ—”

সনৎ আহার করিতে করিতে মুখ তুলিয়া বৌদির হাত ছুথানি দেখিল। কোন কথা তখন বলিল না।

স্বামী যেমন শিখাইয়া দিয়াছিল সে তেমনি বলিল। বড় জায়ের কাছে এই সে প্রথম মিথ্যা কথা বলিল। বলিতে বলিতে তাহার

রাণী-বৌ

কণ্ঠায় কান্না ঠেলিয়া আসিতে লাগিল। সে আর দাঁড়াইল না, চলিয়া গেল, এবং যাইবার সময় গুনিতে পাইল—তাহার ছোট ঠাকুরপো তাহার বড় জাকে বলিতেছে—“পাল্লিস করতে গেছে। সে কম পাল্লিস নয়, ঘোড়ার খুরের পাল্লিস—সবটাই খয়ে যায়, কিছু আর আদায় থাকে না। বৌদি, তোমার গহনা খুলে নাও আর তিন দিন পরে সবই পাল্লিস হতে যাবে বলে দিচ্ছি। ছ্যা—ছ্যা—বৌদি পর্যন্ত স্বামীর সঙ্গে সামনে মিথ্যে বলতে শিখেছেন : জগতে কাকে আর বিশ্বাস করি।”

বড়-বৌ চুপ করিয়া রহিল। সনৎ পুনরায় বলিল,—“না বৌদি আমি আর পারবো না, কোন্ দিন কি আবার হাতাহাতি করে বসবো। তুমি না হও, আমি নিজেই আলাদা হই। আমি নিতুর টাকাকড়ি এমন ভাবে ওড়াতে দিতে পারবো না তা বলে দিচ্ছি।”

সনৎ বলিয়া ফুটিতেছিল। তথাপি বড়-বৌ কোন কথাই বলিল না। কেবল একটা দীর্ঘ নিশ্বাস ফেলিল। ইহাতে সনৎ আরো চটিয়া গেল। বলিয়া উঠিল,—“তোমরা মেয়েরা খালি কঁাদতেই শিখেছ—আর অদৃষ্ট শিখেছ। একটু তেজ নেই! ওনার কাছে গহনা চাহিলে উনি খুলে দিলেন, কার গহনা দিচ্ছি—সেদিকে হঁস নেই। বড় দিদি কেন পরতে দিয়েছে, সে দিকে খেয়াল নেই!—আর্কেল নেই।—গলায় দড়ি—”

বড়-বৌ ধমক দিয়া বলিল,—“তুমি থাম ঠাকুরপো, কাকে কি

বল্‌চো, রাগলে তোমার জ্ঞান থাকে না। আমার জিনিষ গেছে, আমি বুঝবো! ওর কি দোষ, সে আমুক তার সঙ্গে বোঝা-পাড়া করবো।”

সনৎ মহা অপ্রস্তুতে পড়িয়া গেল—আর কোন কথা কহিল না।

অরুণা নিজের কক্ষে আসিয়া তাহার দেবরের সকল কথা ভাবিতে লাগিল। সে মেঝের শুইয়া খুব খানিকটা কাঁদিল! কেহ দেখিল না—কেহ জানিল না। বাঙ্গালী বধূরা এমনি করিয়াই কাঁদে! এমনি করিয়াই চুপ্‌চাপ্‌ সয়! অরুণা আলো জালিল। সন্ধ্যা দিন। বাহিরের লোক কিছুই জানিল না।

শরৎ রেস খেলিয়া আসিল! বাজী হারিয়া আসিল। না—না—সে বাজী জিতিয়াছিল, কিন্তু শেষের সব বাজীতে সে হারিয়া বসিল! বড়-বোদির গহনাগুলি খোঁওয়াইল। মুখ শুষ্ক করিয়া বুকে বেদনা লইয়া সে মাঠের ঠাণ্ডা হাওয়ায় কিছুক্ষণ বসিয়া বাড়ীতে আসিল। কিন্তু প্রাণ ঠাণ্ডা হইল না।

বাড়ীতে আসিয়া দেখিল তাহার স্ত্রী শুইয়া কাঁদিতেছে। অরুণা তাহার স্বামীর আসার সাড়া-শব্দ পায় নাই,—এমনি বিভোর হইয়া কাঁদিতে ছিল। শনিবার দিন রেস খেলিয়া আসিলে শরৎ যতটা পারিত নীরবে বাড়ীতে প্রবেশ করিতে চেষ্টা করিত। আজও করিল, তাই সে প্রথমে জানিতে পারিল না। এমন সময় স্ত্রীকে কাঁদিতে দেখিয়া তাহার মাথায় আগুন জলিয়া উঠিল।

অরুণা স্বামীর আগমন জানিতে পারিয়াই তাড়াতাড়ি উঠিয়া

রাণী-বো

পড়িল। স্বামী কঠোর স্বরে জিজ্ঞাসা করিল—“কতক্ষণ কাঁদা হচ্ছিল !
আর কেনই বা কাঁদা হচ্ছিল শুনি ?”

অরুণা কোন কথার উত্তর না দিয়া বলিল,—“ও কিছু, নয় এখন
হাত-পা মুখ ধোও।”

সে ধমক দিয়া বলিল,—“চুলায় যাক আমার হাত-মুখ
ধোওয়া ! তুমিই ত কেঁদে কেঁদে আমার অঙ্গুলিকে ডেকে আন—তাই ত
রেসে জিত্তে পারি না।”

তথাপি অরুণা কোন কথা বলিল না। কারণ সে জানিত,
রেস হইতে আসিলে তাহার স্বামীর মেজাজের ঠিক থাকে না।
একটু-কিছুতেই সে অনেক-কিছু করিয়া বসে। বিশেষতঃ হারের
দিনের ত কথায়ই নেই ! অতএব কোন কথা না বলিয়া সে কাজ
করিয়া গেল। শরৎ রাগে গর গর করিতে থাকিল। ইচ্ছা, একচড়ে
ঠিক করিয়া দিয়া কি হইয়াছে জানিয়া লয়। কিন্তু স্বীর গারে হাত
তুলিতে সে পারিল না।

শরৎ 'রাগ চাপিয়া পুনরায় জিজ্ঞাসা করিল—“কি হ'য়েছে আগে,
তোমায় বলতেই হবে।”

অরুণা অম্লানবদনে বলিল,—“কি হ'য়েছে আবার—বাপের বাড়ীর
কথা মনে পড়লো তাই কাঁদছিলুম। একটু কাঁদবো তারও এত
জবাব দিতে হবে ?” বলিয়া সে একটু হাসিবার চেষ্টা করিল।

শরৎ আহালাদি সারিয়া বসিয়া আছে এমন সময় বড়-বো

আসিল। শরৎ ভিতরে ভিতরে অস্বোয়াস্তি বোধ করিতে লাগিল।

প্রথমে বড়-বৌ প্রশ্ন করিল,—“কবে অরু বাপের বাড়ী যাবে?” শরৎ একটু চিন্তিত হইয়া পড়িল। পরে বলিল,—“আস্চে সপ্তাহে মনে করছি। আর অনেক দিনই মনে করছি যাওয়া উচিত।”

“তা হ’লে আমার অগ্র গহনাগুলোও পাল্লিস করতে দিলে না কেন?”

শরতের প্রাণটা ধড়াস্ করিয়া উঠিল। তবুও স্থির হইয়া উত্তর দিল,—“তা দেব’খন। আচ্ছা বৌদি, তাগা জোড়াটা কত দিয়ে তৈরি করা হয়েছিল মনে আছে?”

বড়-বৌ হাসিয়া উত্তর করিল—“তা কি মনে আছে ঠাকুরপো। তবু মনে পড়ে যেন মজুরী সমেত পাঁচ-শ কত টাকা পড়েছিল।”

ওঃ, ঐ জিনিষ ১৭৫ টাকায় চলিয়া যাইবে, এই ক’দিনের মধ্যে টাকা দিতে না পারিলে! আর কার কাছেই বা টাকা ধার সে চাহিবে! সবার কাছেই ত সে দেনা করিয়াছে! কে আর তাহাকে ধার দিবে! কে আর তাহাকে বিশ্বাস করিবে! মন বলিল,—কেউ না—কেউ না! বিশ্বাসের কাজ কি সে করেছে!

“কেন ঠাকুরপো দামের কথা জিজ্ঞাসা করলে?”

শরৎ যেন অবজ্ঞার সহিতই উত্তর দিল,—“না—এমনি?”

কিন্তু প্রবীনা বড়-বৌ এ উত্তরটা ফেলিয়া দিতে পারিল না। মনে সন্দেহ হইল। তবে কি সনতেরই কথা ঠিক! বড়-বৌ হঠাৎ বলিয়া

রাণী-বৌ

ফেলিল,—“আমার গহনা রেস খেলার জন্তে বাঁধা দাওনি ত, দেখ ঠাকুরপো। আমি বড় সাধে অককে লক্ষ্মী-বৌ রাণী-বৌ সাজিয়েছি।” বলিতে বলিতে তাহার গলার কণ্ঠস্বর নরম হইয়া আসিল।

শরৎ হঠাৎ এই প্রশ্নে অস্থির হইয়া পড়িল। কিন্তু তৎক্ষণাৎ নিজেকে সামলাইয়া লইয়া সে একটু হাসিয়া বলিল,—“বৌদি কি যে বলে তার ঠিক নেই। আমার কি একটুও জ্ঞান নেই, না ধর্ম নেই। তোমার যদি সন্দেহ হয় বৌদি, তা’হলে ওর গা থেকে তুমি আর সব গহনা খুলে নাও! কি হবে ওর গহনা পরে, ও এমনিই ভ শুধু গায়ে শুধু হাতে ছিল এতদিন। ওর তাতে হুংরু নেই, আমারও তাতে অপমান নেই। রেস খেলি বলে এত অবিশ্বাস কর আমার বৌদি’?”

আর মিথ্যা কথা বলিতে শরতের বাধে না। সে ইহাতে এত অভ্যস্ত হইয়া গিয়াছে যে, শত অভিনয় করিয়া অগ্নান বদনে মিথ্যা বলে। কোথায় একটুও অট্কার না। পাওনাদারের হাত হইতে এড়াইয়া চলিবার জন্য তাহাকে এ মিথ্যার ছলনার অভিনয় শিখিতে হইয়াছে।

বড়-বৌ যত প্রবীণাই হোক, এতটা ছলনা বা মিথ্যা বুঝিবার মত ক্ষমতা তাহার ছিল না। তাই, তাহার ভুল শুধরাইয়া লইতে বড়-বৌ যেন ব্যস্ত হইয়া পড়িল। বলিল,—“না ঠাকুরপো, আমি কি আর সত্যই বলছিলাম, তবে কিনা সনৎ—ওকথা ছেড়ে দাও ঠাকুরপো।

রাগী-বো

আমি বলছিলাম কি শুক্রবারে দিনটা ভাল আছে সেদিন পাঠালে হয় না।”

সনতের নাম গুলিয়া শরৎ মনে মনে আগুণ হইয়া উঠিয়াছিল। কিন্তু, সে রাগ চাপিয়া অনায়াসে বলিল,—“আচ্ছা তাই হবে।”

ঐ কথা বলার জন্ত বড়-বোয়ের প্রাণে ভারী লজ্জা হইয়াছিল। তাই এ ঘরে আসিয়া বড়-বো সনৎকে বলিল,—“তোমার সব তাতেই সন্দেহ, অরু শুক্রবার বাপের বাড়ী যাবে তাই, গহনাগুলো পাল্লিস করতে দিয়েছে আর তুমি কিনা—আমি বলে ভারী অপ্রস্তুতে পড়ে গেলুম।”

সনৎ হাসিতে হাসিতে বলিল,—“আর সবগুলো পাল্লিস করতে বলে দিলে না কেন?”

“বলে দিয়েছিই তা।” বলিয়া বড়-বো রাগ করিয়া চলিয়া গেল।

নয়

আজ বুধবার। শুক্রবার আসিতে আরও দুদিন বাকি। অরুণা বাপের বাড়ী যাইবে। অযাচিতভাবে বাপের বাড়ী যাইতে তাহার ইচ্ছা নাই। কিন্তু স্বামীর জ্ঞাত যাইতে হইবে। উপায় নাই। তাহার পিতার মৃত্যুর পর সে একরকম বাপের বাড়ী যায় নাট বলিলেই হয়। এক ভাই-সেও অরুণাকে ভালবাসে না—অরুণা তাহা জানে।

শুক্রবার দিন বাড়ীর দোরে গাড়ী আসিয়া দাঁড়াইল। বড়-বৌ শরৎকে বলিল,—“ঠাকুরপো গহনটা কেমন পাল্লিস হ'ল তা দেখতে পেলুম না? ষাক্, কিন্তু সেকুরার ওখান থেকে গাড়ী থামিয়ে যেন হাতে দিয়ে নিয়ে যাওয়া হয়! বাপের বাড়ী যাবে যেন শুধু হাতে না যায়। টাকা ভয়েকের সন্দেশ ও কিনে নিয়ে।”

শরৎ হাসিতে হাসিতে বলিল,—“সব ঠিক করে তবে যাব সেজ্ঞে ভাবতে হবে না। আমি দেখে এসেছি সেকুরা পাল্লিস কর্চে।”

বড়-বৌ হাসিয়া বলিল—“সেকুরাদের দশাই ঐ!”

অরুণা সব শুনিতে ছিল আর ভিতরে ভিতরে লজ্জায় ঘুণায়—

কুণ্ঠিত হইয়া পড়িতেছিল। সনৎ আফিস চলিয়া গিয়াছিল বাড়ীতে ছিল না। শরৎ আফিসের কয়েক ঘণ্টা ছুটি লইয়াছিল। নিতুকে চুমা খাইয়া অরুণা কঁাদিতে কঁাদিতে গাড়ীতে উঠিল। বংশের বাড়ীতে যাইতে কেন যে অরুণা কঁাদিল অপরে কেহ না বুঝিলেও শরৎ বুঝিল। বড়-বৌ ভাবিল, অরুণা তাহার পিতার জন্ত কঁাদিতেছে। বড়-বৌয়ের নিতুর নয়নও ছল ছল করিয়া আসিল।

বড়-বৌ ষাবার সময় চিবুক ধরিয়া অরুণাকে চুষন করিল এবং শরতকে পুনরায় গহনার কথা স্মরণ করাইয়াদিল। আর একটা বহু-দিন পূর্বের বিদায়ের ছবি তাহার মনে পড়িল।

কিছুদূর গাড়ী যাইতেই শরৎ অগ্র মুণ্ডি ধরিল। স্ত্রীকে বলিল, “অরু দেখ, বৌদির গহনাগুলো খুলে রেখে যাও আমার কাছে!— যদিও তোমার ভয় হবে পাছে আমি রেস খেলে উড়িয়ে দি, তবুও রেখে যাও। কারণ তোমায় শুধু হাতে, শুধু গলায় দখলে তোমার মায়ের চাইকি দয়াও হতে পারে; হুঁথানা গহনা ও দিতে পারেন। কেমন সেই ভাল কথা না?”

অরুণা কোন উত্তর দিল না। নিজের এবং স্বামীর ছলের জন্ত তাহার মন ভাল ছিল না। শরৎ এই বক্তব্য নানান ছাঁদে ব্যক্ত করিল। সেমিনতি করিল; রাগ করিল; ধর্ম দেখাইল। অরুণা একটিও কথা না বলিয়া শেষে ‘সকল গহনাই তাহার স্বামীর হাতে একে একে খুলিয়া দিল। এ কার্য্য সে বহুবারই করিয়াছে—আজও

রাণী-বো

করিল। কেবল সে মনে মনে বলিল, এই যদি তাহার মনে ছিল
ত, তাহার এত ছলনা করিবাব কি প্রয়োজন ছিল।

আজ প্রথমই বোধ হয় সে স্বামীকে সত্যি বৃণা করিল। শরৎ
সেগুলি ভাল করিয়া বাঁধিয়া লইল। বলিল,—“রাগ করলে অরু?”
বলিয়া তাহার একটা হাত চাপিয়া ধরিল। অরুণা কান্দিয়া ফেলিল,
নীরবে অঞ্চল দিয়া চোপ মুছিয়া একটা দীর্ঘনিশ্বাস ফেলিয়া বলিল,—
“না, রাগ করে আর কি করবো বল?”

বাঙ্গালী হিন্দু ঘরে সে জন্মিয়াছে স্বামীকে দেবতা বলিয়া সে
ভাবিয়াছে—ভাল ও বাসিয়াছে। তাহার আর রাগ করিবার বলিবার
কী-না আছে?

শরৎ স্ত্রীকে দুগাছি শাখা আর লোহা পরাইয়া বাপের বাড়ী
নামাইয়া দিয়া আসিল। সেখানে তাহার কি লাঞ্ছনা, কি গঞ্জনা
ভোগ করিতে হইল তাহা সে ভাবিলও না। আফিসে আসিয়া
শনিবারে রেসের কথা লইয়া মাতিল। বাড়ীর যা কিছু ব্যাপার
সবই ভুলিয়া গেল। আফিস হইতে বাড়ী ফিরিলে, বড়-বো
গহনা ও সন্দেশের কথা হইতে সব কথা খুঁটিয়া খুঁটিয়া জিজ্ঞাসা করিল।
শরৎ মিথ্যা উত্তর দিয়া ঘাইতে লাগিল। সন্ধ্যার পর সে অখিলবাবুর
বাড়ীতে আসিয়া হাজির হইল। তখন তথায় মদ চলিতেছে।
একজন সাহেব আসিয়াছিলেন—তিনি টেনার। তিনি একটা টিপ
দিয়া গিয়াছেন। তাহারই আনন্দ উৎসব চলিতেছে। শরৎ

রাণী-বৌ

সকল কথা শুনি। শরৎ সামান্য সামান্য মদ খায়। ছ'এক চুমুক সেও টানিল। আজ স্ত্রী বাড়ীতে নাই, রায়ে কেহ জানিত্তেও পারিবে না। এ অভ্যাস অকী প্রভৃতি ছ'একটা সাহেবদের সহিত মিশিয়া তাহার হইয়াছিল।

সাহেবদের মদের মুখে টিপের কথা বেরোর ভাল। এ ট্রেনার যাহা বলিয়া গিয়াছে তাহা 'আপ্সেটে'র খবর। টিপ্টা শরতের মনেও বেশ লাগিয়াছে। শরৎ ও কাল আরো টিপ জোগাড় করিতে পারিবে এমন ভরসাও সে দিল। অতএব ঠিক হইল কাল তাহার। এক সঙ্গে গ্র্যাণ্ডে ঘাইবে। শরতের মনে দৃঢ় ধারণা জন্মিল কাল সে জিতবেই জিতবে।

অতএব গহনাগুলি সেক্রার দোকানে আসিয়া আশ্রয় লইল এবং তাহার পরিবর্তে শরৎ টাকা লইয়া চলিল। এবং রেসে যাইয়া সেই ঠিক-করা বাজীতে সে অনেক টাকা ধরিল। রেস আরম্ভ হইল। দড়ীর কাছে ঘোড়াগুলি আসিয়া দাঁড়াইল এবং দোড়িবর জন্ত অস্থির হইয়া উঠিল।

শরতের পাশে একজন সাহেব বলিয়া উঠিল—“Ridiculous will win-how sweats—”

শরৎ সাহেবের মুখের পানে একবার আশ্বাসিত চোখে চাহিল; এমন সময় ঘোড়া দৌড়াইল। এবং দেখিতে দেখিতে সে ঘোড়া প্লেসের মধ্যে ও আসিতে পারিল না। ক্ষণকালের

রাণী-বৌ

জন্ত শরতের সব রক্ত গরম হইয়া গেল। কি করিবে কিছুই ঠিক করিতে পারিল না। তাহার কাঁদিতে ইচ্ছা হইল; 'তবু সে হাসিল। নিজেকে ধিকার দিল। মুখ মলিন করিয়া বাড়ী ফিরিল।

এমনি করিয়া আরো এক সপ্তাহ গেল। শরৎ তবুও হারিল বৈ জিতিল না। সে ভাবিল তাহার অদৃষ্ট খারাপ; হারেরই তাহার পালা পড়িয়াছে। কিন্তু রেস সম্বন্ধে একথা বলা ঠিক নয়। কারণ, শতকরা বোধ হয় নিরানব্বই জনের অদৃষ্টই এইরূপ, তাহা শরৎ জানিয়াও সেদিন জানিল না। বিশেষতঃ বাঙ্গালীর পরাধীন ঘনা অদৃষ্টের কথা ত দূরে থাক্!

এমন করিয়া হারিয়া হারিয়া তাহার হাতটান আসিল। কেহ আর এখন তেমন তাহাকে ধার দিতে চায় না। অথচ, তাহাকে সংসার চালাইতে হইবে, জুয়ার নেশার খরচ চালাইতে হইবে। অতএব তাহাকে টানাটানি করিতে হইল। বাহিরে টানাটানি কি করিবে সে! তাই বাড়ীর ভিতর টানাটানি চলিল। সনৎ এই টানাটানির কথা লইয়া খিচিনিচি করে,—শরৎ সে কথার কাণ দেয় না। সনৎ ট্যাক্‌ট্যাক্ করিয়া শোনায়ে,—সে নীরবে থাকে। সে কাহারও কথার উপর কথা বলিতে পারে না। কাহারও দিকে মুখ তুলিয়া চাহিতে সাহস করে না। সে সকলের কাছে নীচ হইয়া গিয়াছে। এমনি করিয়া সে ভিতরে-বাহিরে নিজেকে দেওলিয়া করিয়া দিয়াছে।

সেদিন শরৎ ও সনৎ খাইতে বসিয়াছে—বড়-বৌ অকণাকে

রাণী-বৌ

আনিবার কথা বলিল। শরৎ অল্প কথা পাড়িতে চেষ্টা করিল। কিন্তু কোন ফল হইল না।

কথায় কথায় অনেক কথা হইল। সনৎ মেজভাইয়ের অনেক মিথ্যা কথা সহ করিতেছিল। কিন্তু আর পারিল না, বলিয়া উঠিল, “বৌদিকে কি আনিবার যো আছে—তা’হলে যে সব গহনাগুলি শেকুরার দোকান থেকে ফিরিয়ে আনতে হবে। অত টাকা তুমি দেবে বৌদি?”

প্রথমটা শরৎ আর বড়-বৌ দুজনেই স্তম্ভিত হইয়া গেল। বড়-বৌ ঠিক বুঝিয়া উঠিতে পারিল না, সনৎ কি বলিতেছে। কিন্তু শরৎ তাহা বুঝিল। সে কিছু বলিতে পারিল না। কেবল ভাতগুলি নিম্নে তাহার বিষ হইয়া উঠিল।

বড়-বৌ রাগ করিয়া বলিল, “ছোট-ঠাকুর-পো, তুমি কি বলতে চাও? যে—”

সনৎ সহজভাবে বলিল,—“আমি তেমন কিছু বলতে চাই না বৌদি;” আমি বলতে চাই, তোমার গহনাগুলো মেজদা বাধা দিয়েছে, সেগুলো না তুলে ত আর তোমার সামনে বৌদিকে আনতে পারবে না মেজদা—এই বলছি?”

শরৎ রাগিয়া উঠিয়া বলিল,—“দেখ সনৎ, যা-তা কথা বলিস্নি বলছি; অনেকদিন অনেক কথা বলেছি কিছু বলিনি। অমন মিথ্যা কথা বলিস্ন যদি ত তোর মুখে আমি লাথি মারবো।”

রাণী-বৌ

সনৎ কিছু রাগিল না। শান্তকণ্ঠে পূর্ববৎ বলিল,—“শেক্সা যে কতদিন হাঁটাহাঁটি করচে তার ঠিকানা আছে? আপ আমি—”

শরৎ রাগিয়া উঠিয়া একটা বিশ্রী গালাগালি করিয়া উঠিল। বড়বৌ কি করিবে সে ঠিক করিতে পারিল না। শরৎ না খাওয়া উঠিয়া পড়িল। সনৎ ছোট হইয়াও খুব কড়া-কড়া কথেকটা কথা বলিয়া বসিল। তাহার রাগ বহুদিন ধরিয়া জমা হইয়াছিল। কেবল বড়বোয়ের মুখ চাহিয়া সে কিছু বলে নাই, আলদা হয় নাই, সব সহ করিয়া আসিতে ছিল। সে তাহার দাদার এবং তাহাদের সংসারের টানটানির কথা জানিত এবং কি জন্ত হইত তাহাও জানিত; কিন্তু তথাপি সে মুখের রা'টি কাড়িত না। কিন্তু আজ সে নিজেকে সামলাইতে পারিল না। যে বড়বৌদি' তাহার জন্ত সব করিতেছে, তাহারই সর্বনাশ সে করিতেছে। আবার মিথ্যা প্রবঞ্চনা নিয়া তাহাকেই ভুলাইতেছে। একি সহ্যের কথা!

সনৎ বড়বৌদি'র সামনে সেই গহনাগুলি আনিয়া ধরিয়া দিল। বলিল,—“সেদিন বড়দা'র—লাইফ ইন্সিওরেন্সের টাকা থেকে 'এগুলো উদ্ধার করি। গোবর্দ্ধন শেক্সা, সেও বলে—‘বড়বাবুর গহনা আমি কি নিতে পারি ছোটবাবু—এত সস্তায়? আমার একটা ধর্ম আছে ত? কত টাকা আপনাদের থেয়েছি।’ তার ধর্মজ্ঞান হল। আর তুমি কাকা হ'য়ে নিতুর সর্বনাশ কচ্চো—মুখ দেখাতে লজ্জা করে না? আমি হলে ত……”

রাণী-বৌ

শরৎ রাগিয়া বলিল বটে, আর সে তাহাদের মুখ দেখাইবে না ; কিন্তু ভিতরে ভিতরে সে এতটুকু হইয়া গেল। তাহার কঁকি যে এমনভাবে ধরা পড়িয়া গিয়াছে ! তাহার বিশ্রী মিথ্যা যে এমন নির্দয়রূপে উলঙ্গ মূর্তিতে বড়-বৌদি সম্মুখে প্রকাশ হইয়া পড়িয়াছে ! তাহার যে আর সত্যসত্যই মুখ দেখাইবার স্থান নাই !

সেই রাত্রেই সে চলিয়া গেল। কোথায় গেল কে জানে ! বড়-বৌদি এই বিপর্যয়ের জন্ত সত্যই প্রস্তুত ছিল না। সেই যে বড়-বৌ নিজীব হইয়া শুইয়া পড়িয়াছিল আর উঠিল না—আর কিছু বলিবার বা শরৎকে বাধা দিবার যেন তাহার ইচ্ছাই রহিল না ! কেবল তাহার প্রাণে একটা কান্না উঠিল—“ওগো আমার টেনে নাও তুমি ! আমি যে আর পারি না।”

কিন্তু পারি না বলিলে ত আর সংসারে পার পাওয়া যায় না। অতএব পারিতেই হইল। আবার নিতুকে সনংকে লইয়া সুসার চালাইতে হইল। গহনার জন্ত যত না হোক অকুণার জন্ত তাহার প্রাণ কাঁদিয়া কাঁদিয়া উঠিতে লাগিল। বাঙ্গালী বধূ যে নীরবে সহ্য-করা কষ্ট যে, কত কঠিন তা সে মনে বুঝিত, তাই সে তাহার জন্ত কাঁদিল, খুবই কাঁদিল। কিন্তু ছোটকে সনংকে কিছু বলিতে সাহস করিল না। কারণ, তাহার সহিত শরতের যে ব্যাপার হইয়া গিয়াছে তাহাতে যে তাহাদের হাতাহাতি রক্তারক্তি হয় নাই এই রক্ষা—এই গুরুবল !

রাণী-বো

এমনি না খোঁজ লইয়া দুই মাস কাটিল। এই দুইমাসে সনৎ-
দের সংসার সমভাবে চলিল। কিন্তু শরতের সংসার অচল হইয়া
আসিল। অখিলবাবুর কাছে সে দেনার দায়ে মথো বিক্রয় করিয়া
বসিল। মনের জ্বালায়, তাগিদার জ্বালায় চারিদিক হইতে সে অস্থির
হইয়া পড়িল। এবং সেই অস্থির মনকে স্থির রাখিবার জন্ত একটু
করিয়া মদ খাইতে লাগিল। এবং অখিলবাবুর রক্ষিতার গান
বাজনা ও নাচ শুনিয়া মাঝে মাঝে সময় কাটাইতে লাগিল। ইহাতে
কিছুকালের জন্ত হয় ত, তাহার মনের প্রাণের জ্বালা স্থির হইত। কিন্তু
অক্লান্ত জ্বালা দ্বিগুণ বাড়িল। কেন, সে ত পাপ করে নাই;
স্বামীকে দেবতার মত, স্বামীর মত সে-ত ভালবাসিয়াছে। তাহার ধর্ম
বলিতে, যাহা সে শিখিয়াছে বুঝিয়াছে তাহা ত পালন করিয়াছে!
তবে ?—এমন কথা সে ভাবিত।

দশ

সেদিন সনৎ লোহার সিন্দুকে বড়দা'র জীবন বীনার অবশিষ্ট টাকাগুলি এবং গহনাগুলি তুলিয়া রাখিতে গিয়া যাহা দেখিল, তাহাতে তাহার প্রাণ কাঁপিয়া উঠিল। সিন্দুকে যা-কিছু দামী জিনিস এবং গহনা ছিল, তা প্রায় সব নিঃশেষিত হইয়াছে। কে ইহা লইয়াছে তাহা তাহার বুঝিতে বাকি রহিল না। ক্ষণকাল সিন্দুকের নিকট দাঁড়াইয়া থাকিয়া রাগে সে ফুলিতে লাগিল। চক্ষে জল আসিয়া পড়িল। টাকা রাখিবে কি ! বড়-বৌ, গহনা ক'থানি কোথায় রাখিতে, কি হইবে কি করিতে হইবে বলিতে আসিয়া—তাহার স্নেহের দেবরের এমন অবস্থা দেখিয়া থমকিয়া দাঁড়াইল। ক্ষণকাল তেমনি-কিছুই বুঝিতে পারিল না। তারপর পর সব বুঝিল।—যাহার হাতে সংসার ছিল সেই সংসারকে অরণ্য করিয়া দিয়াছে ! সিন্দুকের চাবি তাহার কাছেই থাকিত, কিন্তু তাহার আঁচলের গোঁটে তা আর থাকিত না ! সেখানে থাকিত সবাই জানিত ! কখন কে লইতেছে রাখিতেছে তাহার গোঁজ লইবে কে ? আর লইবেই বা কেন ? কেহ পর

রাণী-বো

লোক ত আর বাড়ীতে বাস করিত না! বড়-বোয়ের দুঃখ বাজিল কেবল ঠাকুর-পো চুরি করিয়া লইয়াছে, সে চোর হইয়াছে,—আর তাহার আদরের স্নেহের অকণা তাহাকে এসব কথা লুকাইয়াছে— এইজন্য! কিন্তু সত্যই অকণা এ ব্যাপার জানিত না।

এদিকে কয়েকদিন শরৎ মেসে বন্ধুর চার্জে থাইল এবং তথায় থাকিল। আফিস করিল। তারপর ছোট একটা ভাঙ্গা বাড়ী ভাড়া করিয়া অকণাকে আনিয়া বসবাস করিতে লাগিল। সে সব ব্যাপার শুনিল, কাদিল। অবশ্য শরৎ সব দোষটা তার ছোট ভায়েরই উপর চাপাইয়া সেদিনের ব্যাপারটা অকণার কাছে বিবৃত করিয়াছিল; অকণা ভাবিল, কেন—মরতে সে বাপের বাড়ী গিয়াছিল।

১লা জানুয়ারী। ইংরাজদের আজ আনন্দের দিন। পরাবীন বাঙ্গালারও উৎসবের সীমা নাই। আজ ছুটি, আফিস, কলেজ ইত্যাদি সব বন্ধ। গড়েবনাঠে, 'ফ্র্যান্সি ফেরারে' জুয়ার মেলা বসিয়াছে। ইংরাজ বাঙ্গালী, ছয়েরই যেন আজ নববর্ষ, কোথাও যেন একটুও পার্থক্য নাই। 'সাহেবরা মদ খাইয়াছে, রমণীর সঙ্গে হাসি আলাপ করিতেছে। বড়লোক বাঙ্গালী বেশা লইয়া মদখাইয়া স্মৃতি করিবে বলিয়া আজ আঁচিয়া বসিয়া আছে। রেসের আজ একটা মহা উৎসব। সারা বৎসরের সেথা নাকি আজ লাক্ ট্রাই হইবে।

অতদিন যেমন শরৎ রেসে যায় আজ তেমনই ঠাকুর-দেবতাকে মনে মনে স্মরণ করিয়া সেও রেসাভিমুখে গমন করিল! আজ তাহার

রাণী-বৌ

প্রাণে যেন স্মৃতি নাই। সে হারিয়া হারিয়া কাবু হইয়া পড়িয়াছে আজ হারিলে তাহাকে মরিতে হইবে। সে ভাবিতে চাহিল না হারিলে তাহার কি হইবে! মনে প্রাণে আনন্দকে, শান্তিকে আজ সে যেন-তেন প্রকারেণ দুটাইয়া রাখিতে চেষ্টা করিল। ট্রামে যাইতে যাইতে হোয়াইট ওয়ে লেড লয়ের ঘড়ীটার দিকে সে চাহিল না, ভিক্টোরিয়া মেমোরিয়ালের চুড়োটার দিকেও সে মুখ ফিরাইল না। কবে নাকি সে ইহা দেখিয়া হারিয়াছিল। গেটের সম্মুখে সে থানিকক্ষণ দাঁড়াইল। আশা করিল—অনিলের সহিত দেখা করিবে; কারণ এইখানে দাঁড়াইয়া যে-দিন অনিলের সঙ্গে সে দেখা করিয়াছে—সেই দিনই সে জিতিয়াছে। আজ অনেকের সঙ্গে দেখা হইবার পর অনিলের সঙ্গেও দেখা হইল। মনটা একটু চাঙ্গা হইল।

প্রথম বাজী হারিল। মনটা ভার হইয়া পড়িল। দ্বিতীয় বাজী জিতিল। মনটা প্রফুল্ল হইয়া উঠিল। প্রথম বাজীর কথা ভুলিয়া গেল। তৃতীয় বাজীতে তেমন হার-জিত কিছুই হইল না। চতুর্থ-বাজীটা জোরের বাজী। একটা আপস্টের খবর! এই not-much বোড়াটার জন্তে প্রাণটা আজ ক'দিন ধরিয়া কেবল not much, not much করিয়াছে। সেই not much-এর রেস এই চতুর্থ বাজীটা। এই বাজীতেই তাহার ভাগ্য পরীক্ষা হইবে। যদি হারে ত আর সে রেস খেলা খেলিবে না। আর যদি জিত হয় ত সকলের দেনা সে শোধ করিবে, গহনা উদ্ধার করিবে এবং আরো কত কি করিবে বলিয়া সে

রাণী-বো

ভাবিয়া আসিয়াছে। সে জানিয়াছে, সে জিতবেই। অতএব আস্তে বৎসরটা তার মুখেই কাটিবে।

রেসের দড়ি চাবুকের মতই সড়াং করিয়া লাফাইয়া উঠিয়া পড়িল। তীরের মত, বিজ্ঞবেগে ঘোড়াগুলি সেই মুহূর্তেই ছুটিতে আরম্ভ করিল। দেখিতে দেখিতে থার্ড এনক্লোসার সেকেন্ড ইনক্লোসার হইতে একটা ভীষণ মরণের আর্ন্তনাদ নিমিষে উঠিয়া নিমিষে পড়িয়া পেল। হু-একজনের হাসি হয়ত থামিল না, কিন্তু অধিকাংশের হাসি-উল্লাস নিভাইয়া গেল। ঘোড়ার তীরের মত বেগ অনেকের তীরের মতই বুকে বিধিল। একটা মুহূর্তে কি যেন কি হইয়া গেল। কি হইল, কি হইল না; কি এহিল, কি রহিল না; কিছুই যেন বুঝা গেল না। আর কাহার কাছে সেই মুহূর্ত অশুভ হইল, কি অশুভ হইল তাহা লইয়া আশাদের প্রয়োজন তেমন নাই, কেবল শরণ বুঝিল পৃথিবী আজ সত্যি ঘুরিতেছে। সে কেবল টিকিটগুলি হাতে লইয়া কটকের বাহির হইয়া আসিল; শেষের রেসগুলি আর খেলিল না; খেলিবার টাকাও ছিল না।

জিতু, বিধু ও পান্নালাল ‘রেসেস্’ এ চড়িল। তিনজনই হারিয়াছে। ‘রেসেসে’ যাহারাই বাইতেছে অনেকেই হারিয়াছে। বিধু উঠিয়াই বলিল—“জিতু, পান্নালাল কিহে ট্যাকে বাসের ভাড়াটা আছে ত?”

বাসস্থ অনেকেরই মলিন মুখে হাসি আসিল। পান্নালাল রসিকতাটা

রাগী-বো

আরো একটু রং ফলাইয়া বলিল, “বাবা এখনও ত সিদ্ধির দশা আমার আসে নি, এখনও আমি সাধনা মার্গে!”

জিতু বলিল—“সে আবার কি রকম—?”

“কি রকম?—সেদিন বাসের একজন বলছিলেন, ‘এই বিলাতী সভ্যতা রেস্ আমাদের মাটি করলে।’ আমি বলুম, কেন মশাই এ যুগে ইংরাজ রাজত্বে বাস করতে হবে তাদের অধীনে; অথচ হিন্দুও বজায় রাখতে হবে। তখন এ রেস্ না খেললে চলবে কেন মশায়? তিনি বললেন—‘আপনার এ বাজে তর্ক।’ আমি উত্তর দিলুম, বাজে একদম নয়—আমার reason আছে, না হলে বলি না। বলে আমি বললুম—আমাদের আগেকার ঋষিদের প্রধান ‘গটো’ ছিল ‘plain living and high thinking’ এই না? এ ইংরাজ-রাজত্ব,—একটু বদলে আমরা সাধনা করছি high thinking and plain living; বাড়ী থেকে যখন বেরুই ভাবি মোটর করবো বড়-লোক হ’ব, কত কি করবো,—high thinking—আর রেসে হেরে যখন বাই, গায়ে পায়ে এক গাদা ধুলো আর এক পরসা মটর ভাঁজা চিবুতে চিবুতে বাড়ীতে গিয়ে পরিবার যখন নিরম্ম উপবাস, তখন plain living কেমন কি না? আমাদের সাধনা পূর্ণ হয় নি তাই এখনও বাস চড়্‌চি!”

সকলেই হাসিয়া উঠিল। বাসের কালেক্টারও। বিধু হাসিতে হাসিতে বলিল, “তুই থাম্, তুই থাম্।”

রাণী-বো

পান্নালাল হাসিয়া বলিল, “থাম থাম কি? সবাই জুয়ারী রেসাডী বলে—আমাদের প্রাণে রাগ হয় না। আমাদের সাধনা বুঝে কে?”

একজন বলিল,—“আরে মশায় সকলেই কি রেসে হারে? ভাবনী পুরের লোকেরা—ত মশায়—

একথা রেসাডী মাঝেই গুনিয়াছে অবশ্য দেখিয়াছে কম লোকে। বিধু কথার মাঝেই বলিয়া উঠিল—“ঐ পাপেই আর্ঘ্য বর্ধ গেল!”

পান্নালাল বলিল,—“জানি মশায়, তাইজন্তই ‘কি Improvement Trust তাড়াতাড়ি ও ধারের রাস্তাগুলো তৈয়ারী করে দিলে,—সবাইতে বড়লোক হবে নাকি?”

এমন সময় বাস্ থামিল। সকলে নাগিয়া পড়িল।

এদিকের শরৎ হারার পর বা কিছু পয়সা ছিল তাহার দ্বারা নদ কিনিল, ভরপুর করিয়া খাইল। মাঠেরই একটা নির্জন স্থানে কিছুক্ষণ বসিয়া চৌরঙ্গার বড় বড় বাড়ীগুলির দিকে লোভী ছেলের মত তাকাইয়া রহিল। নেশা জমিয়া আসিতে লাগিল তারপর গাড়ী ভাড়া করিয়া বাড়ীরদিকে রওনা হইল। অত নেশাতেও সে আগামী কল্য আকিসের ব্যাপার ভাবিতে লাগিল। যে ভাবনার জন্ত মদ পান করিল—সে ভাবনা তাহার গেল না। বাড়ীতে গিয়া কিছু খাইল না। তেমন কিছু খাইবারও ছিল না। কোন কথা স্বীর সঙ্গে কহিল না। বিছানায় অবশ হইয়া শুইয়া পড়িল। এ মানুষটি

রাণী-বো

জীবিত কি মৃত তাহা যেন বুঝিবার উপায়ও রহিল না। কিছুক্ষণের মধ্যে সে ঘুমাইয়া পড়িল।

অরুণা কোন কথা কহিল না। কেবল পাথরের মূর্তির মত নিশ্চল হইয়া শয়্যার পাশে চুপ করিয়া বসিয়া রহিল। রাশিকৃত বেদনা তাহার অন্তরে আসিয়া দাপাদাপি করিতে লাগিল। সে নিরুপায়ের মত সহ্য করিতে লাগিল। চুপ-কষ্ট পাইলে সে কাঁদিতে শিখিয়াছিল—তাই মুখ বুজিয়া কাঁদিতে লাগিল—সেই অন্ধকারের মধ্যে। কেহ জানিল না, বুঝিল না, শুনিল না, দেখিল না।

এগার

ভোরের আলো সবে নাত্র বাহির হইয়াছে। তখনও সম্পূর্ণ অন্ধকার যায় নাই। অরুণা স্বামীর পাশে আদ্-বসা আদ্-শোয়া অবস্থায় তল্লাভিভূতা হইয়া পড়িয়া আছে। এমন সময়ে শরতের দুগ্ধ ভাঙ্গিয়া গেল। সঙ্গে সঙ্গে গতকল্যের একটা বেদনা প্রাণে তাহার আঘাত করিল। তাহারই অবাক্ত গুরুভারে তাহার প্রাণ টনটন করিয়া উঠিল। সে আপনা হইতেই বলিয়া উঠিল—“নাগো—উঃ!”

অরুণা ত্রস্তে জাগিয়া উঠিল। দুজনেই জাগিল, উঠিয়া বসিল; কিন্তু কোন কথাই হইল না। বখাননয়ে স্নানাহার সারিয়া শরৎ আফিসে গেল। আজ যেন তাহার পা আর চলিতে চাহিতেছে না। যাইবার পূর্বে হইতেই তাহার একটা গোপন শব্দা যেন বুকের ভিতরে মাথা চাড়া দিয়া উঠিতেছিল।

মলিন মুখে নিজের সিটে গিয়া বসিল। কাহার সহিত কোন কথা বলিল না। কে একজন বলিল,—“কি শরৎবাবু আপনি যে একদিনে শুকিয়ে গেছেন—আপনার কি খুব অসুখ-বিসুখ করেছিল নাকি?”

“না এমনি।” বলিয়া নিজের মলিন চাদরটি নিজের সিটে

রাণী-বৌ

বাধিয়া সে কাজে মন দিতে চেষ্টা করিল। ছ'একজন তাহাকে দেখিয়া মুখ চাওয়া-চাহি করিতে লাগিল।

স্বধীর পাশে এক টেবিলে বসে নিম্নস্বরে তাহাকে বলিল,—
“৪ঠাং শনিবার উপেনবাবু Cash মেলালেন কেন জানিনা। ৩০০০ টাকা Short, আপনার নামে চার্জ.....”

“শরৎ কোন রকমে বলিল, সাহেব জানতে পেরেছেন?”

“তা জানি না; নরেশ বল্লে বড় সাহেবকে কে লাগিয়েছে, যা হোক এইবেলা উপেনবাবুর পায়ে হাতে ধরে.....”

শরৎ স্থির অচঞ্চল নেত্রে চেয়ারের হাতল ধরিয়া কেবল কিছুক্ষণ চাহিয়া রহিল। তাহার কণ্ঠ হইতে আর দ্বিতীয় কথা বাহির হইল না। মুহূর্তের মধ্যে তাহার সেই স্থির নেত্রের সামনে জেল, পুলিশ, হাতকড়ি, আফিসের ভিতর-বাহিরের লোকের গুণার দৃষ্টি, জ্বীর করণ নিরুপায় চাহনি প্রভৃতি সকল আশু অশুভ ঘটনা বায়স্কোপের ছবির মত চলিয়া গেল। এবং সেই স্থানেই সে মূর্ছিত হইয়া পড়িল।

আফিসের অপরাপর বাবুরা সব ব্যস্ত হইয়া পড়িল। বাতাস করিয়া জলের ঝাপটা দিয়া কিছুক্ষণ পরে তাহার চেতনা আনিল। সকলে যে ঘাহার সিটে চলিয়া গেল। উপেনবাবুকে শরৎ সব কথা খুলিয়া বলিল এবং কাঁদিয়া ফেলিল। অনেক ধরিয়া করিয়া কেবল মাত্র দুইদিনের জন্য টাকাটা জোগাড় করিয়া দিবার সময় পাইল। সাহেব সময় দিবে না, উপেন বাবু এবং ছোট সাহেব অনেক ধরিয়া

রাণী-বো

করিয়া সময় দেওয়াইল। ছোট সাহেব শরৎকে ভালবাসিত, তাই জামিনও হইল।

শরৎ আফিস হইতে কোনরকমে খালাস পাইয়া বাড়ী আসিয়া মুখ লুকাইয়া বাঁচিল। তাহার মনে হইল পৃথিবীর সকলেই যেন তাকে বিদ্রূপ করিতেছে। তাহার দাঁড়াইবার কোণও স্থান নাই; কেহ তাহার আশ্রয় নাই; আপনার বলিবার কেহ নাই। সকলের কাছেই সে ঋণী! সকলের কাছেই আজ সে জুয়াড়ী জুয়াড়োর!

শরৎকে দেখিয়া অরুণা আজ ভয় পাইল; কাঁদিয়া ফেলিল। ভুজনে হাউ হাউ করিয়া ছেলে নান্দ্রের মত অনেকক্ষণ কাঁদিল। শরৎ একে একে সকল ব্যাপার স্ত্রীকে বলিল,—তরপর কাঁদিতে কাঁদিতে নিরুপায় শিশুর মত বলিল—“এখন কি করি উপায় অরু? শেষে ভদ্রলোকের ছেলে হ’য়ে চুরির দায়ে জেলে যাব? এতটা ভগবান আমার অদৃষ্টে কি লিখেছেন?”

অরু কেবল কাঁদিতে লাগিল আর মনে-প্রাণে দয়াময়ের নাম প্রিয়া ডাকিতে লাগিল। শরৎ ও আজ সেই অব্যক্ত অ-দেখা লজ্জা-নিবারণের নাম স্মরণ লইল। এমন সে কোনদিনই ডাকে নাই। রোজই ত্রিসন্ধা তাঁহাকে স্মরণ করিয়াছে, কিন্তু এমনটা ডাকা যেন তার কোন দিনই হয় নাই।

অনেক ভাবিয়া-চিন্তিয়া, কাঁদিয়া-কাটিয়া শেষে অরুণা বলিল,
“তুনি একথানা গাড়ী ডেকে আন আমি একুনি বড়দি’র কাছে

রাগী-বৌ

মাই, বড়দি'র যদি টাকা থাকে ত আশায় কিছুতেই পায়ে ঠেলতে পারবে না।—ওগো তুমি একটু চুপ কর—তাকে চেন না—তুমি আন গাড়ী ডেকে? আমি যাব।”

“না অরু, ছোট ভায়ের কাছে হাত পাতার চেয়ে জেলে যাওয়া ভাল!—না না, সে আমি পারবো না।”

অরুণা বড় ভাস্করের কথা শ্রবণ করাইয়া দিল। অনেক কান্নাকাটির পর শেষে যাওয়াই ঠিক হইল।

একখানি গাড়ী আসিয়া সনৎদের বাড়ীর দ্বারে দাঁড়াইল। অরুণা একা নাগিয়া বাড়ীর ভিতর গেল। শরৎ বাড়ীর ভিতর রহিল। অরুণা নীচু হইতে ডাকিল—“দিদি!—দিদি।”

একটা অতি পরিচিত করুণ মধুর কণ্ঠস্বর তীরের মত আসিয়া বড়-বৌয়ের কাণে বিবিল, প্রাণে বিবিল। তারপর অরুণাকে দেখিতে পাইয়া উজ্জ্বলিত স্বরে বলিল,—“কে অরু, অরু! আয় আয়, এতদিন পরে মনে পড়েছে তোর দিদিকে? ওদের ভায়ে ভায়ে ঝগড়া হয়েছে তা ‘মামার উপর রাগ করে থাকতে পারলি এতদিন?’”

বড়-বৌ চোখ মুছিল। জিজ্ঞাসা করিল—“আর কে এসেছে—সঙ্গে—রে?”

“ও—এসে রেখে দিয়ে গেছে।”

“একবার দাঁড়ালেও না, দেখলে না যে তার ছোট ভাই যায়-যায়—এখনও রাগ?”

রাণী-বৌ

অরু শক্তি স্বরে জিজ্ঞাসা করিল—“ঠাকুর-পোর কি হয়েছে?”
“চল না রে—অরু—?” বলিয়া বড়-বৌ কাঁদিয়া ফেলিল।

হুজনে উপরে গেল। অরুণা দেখিতে পাইল কে একজন রোগীর মাথার বরফ ধরিয়া বসিয়া আছে। রোগী আচ্ছন্নের মত পড়িয়া আছে। এমন সময় নিতু আসিয়া সংবাদ দিল যে সে গাড়ীতে তাহার কাকাবাবুকে দেখিতে পাইয়াছে। গাড়ীটা বাড়ীর দরজারই কিছু দূরে আছে। নিতুর এই কণ্ঠস্বরে সনৎ সজাগ হইয়া উঠিল। চোখ না মেলিয়া বলিল, নিতু কে আছে রে—বলি?”

“মেজ-কাকাবাবু!”

“নিয়ে আগ না তাকে হাতে পায়ে ধরে—ওরে অ-নিতু। তুই যা চাইবি তাই দে’ব তোকে।”

“মেজ নাকী-মা এসেছে কাকাবাবু—চেয়ে দেখ না তুমি।”

সনৎ নিশ্চিন্ত নয়ন ছ’টি দিয়া দেখিল। চিনিতে পারিয়া বলিল,
“মেজ-বৌদি, মেজদাকে একবার ডেকে আন—বল যে আর সনৎ তার অবাধ্য হবে না। সে বড়-দার কথা রাখবে।”

“তুমি অত ব্যস্ত হয়ো না ঠাকুর-পো, তিনি আসছেন—তিনি আসবেন। তোমাদের কাছে আমি ভিক্ষা নিতে এসেছি।” বলিয়া সে একটু গাম্ভীর্য এবং একটু ইতস্ততঃ করিল। তারপর কাঁদিতে কাঁদিতে বলিতে লাগিল—“তোমার দাদা আফিসের টাকা নিয়ে বেস খেলে-ছিলো—আজ তার জেল হবে। তুমি বাঁচাও ঠাকুর-পো, তুমি

বাঁচাও ঠাকুর-পো ; তোনরা বৈ যে আমার আপনার বলবার আর কেউ নেই।” বলিতে বলিতে তাহার কণ্ঠস্বর রুদ্ধ হইয়া আসিল।

কয়েক ফোঁটা অশ্রু সনতের নয়ন হইতে গড়াইয়া পড়িল। ধীরে ধীরে বলিল,—“নিয়ে এস মেজদাকে এখানে। আনি যাবার সময় মাপ চেয়ে যাই, আর নিতুকে, বৌদিকে তার হাতে দিয়ে যাই। দাদার শেষ কথা রেখে যাই—আন—আননা।”

অনেক দিন পরে আবার দুইভাইয়ে দেখা হইল। এমন অবস্থা তখন হৃজনকার যে, কেহ আর পূর্ব্ব জ্ঞোষের বা সেই কদর্য্য ঘটনার কথা মনে আনিতে পারিল না। দুঃখের পরশ সে কথা ভুলাইয়া দিল। শরৎকে বা অরুণাকে অনুরোধ করিতে হইল না—টাকার জ্ঞ। ভাই থাকিতে ভাই জেলে যাইবে! একথা কি সহ হয়! বড় ভাই জীবিত থাকিলে কি সহ করিতেন? কখনই না—কখনই না, একথা বড়-বো আর সনতের বুকে সুগপং জাগিয়া উঠিল।

সে, গহনার জ্ঞ, যে টাকার জ্ঞ ভাইয়ে ভাইয়ে বিবাদ হইয়াছিল, আজ সেই সব গহনা-টাকা-কড়ি সব শরতের হাতে সনৎ তুলিয়া দিল।

বড় ভাইয়ের জীবন বীমার টাকায় সে-যাত্রা শরৎ জেলের হাত হইতে বাঁচিয়া গেল; কিন্তু বাঙ্গালীর একমাত্র আশার ধন, ভাল-বাসার ধন, চাকুরীটি সে হারাইল।

বার

যাত্রি হইলে সে বড় ভাইয়ের বাড়ীতে গেল। কাহাকে কিছু বলিল না। কেবল সে যে মুক্তি পাইয়াছে এই কথাই সকলে জানিল। পরদিন সে আফিস্ গেল না; বলিল সনতের অসুখের জন্ত সে ছুটি লটয়াছে। সকলেই মনে মনে তৃপ্ত হইল। সনতের প্লশে বসিয়া তাহার সেবা করিতে লাগিল। ঔষধ, পথ্য, ডাক্তারি-ডাকা প্রতি সন্ধ্যা সকল কাজই সে করিতে লাগিল। এ নতুন কাজে তাহার ছ'একদিন বেশ কাটিয়া গেল।

একদিন সন্ধ্যা বলিল,—“দাদা ডাক্তারে যাই বলুক, আমি বুঝতে পারি, আমি আর বেশীদিন নয়। তোমাকে আমি অনেক কষ্ট দিয়েছি, অনেক তোমার প্রতি কর্ণ্যবহার করেছি—সে সব ভুলে গিয়ে এখানে থাক। এবার থেকে নিতুর সমস্ত ভার তোমার উপর পড়বে তা যেন ভাল করে নিয়ো! স্বর্গে বড়দাকে আর যেন কষ্ট দিও না!” বলিয়া সে মুছিয়া পুনরায় সে বলিতে লাগিল—“আর রেস্ট! ছেড়ে দাও, যা গেছে—গেছে, তা আর কিরবে না! তাতে ছুঃখ

করে লাভ নেই। ইংরাজদের ভাল নিলে হয়ত কোন দিন ভাল হাতে পরা যেতে পারে; কিন্তু এমন সর্বনাশা সভ্যতার হাত হাতে নিজেকে বাঁচাও আর আমাদের মত ছোট ছোট গেরস্তদের প্রাণও বাঁচাও হোনার পায়ে ধরচি।” বলিতে বলিতে সে কাঁদিয়া ফেলিল।

শরৎ নাখা হেঁট করিয়া নেনে নেনে কি ভাবিতে লাগিল কে জানে! একটি কথার উত্তরও দিল না। ভাইয়ে ভাইয়ে দুঃখ-কষ্টের কথা কহিয়া এমনি আরো দিন কতক কাটিল। কিন্তু দনতের অস্থখ কমিতে চাহিল না।

এ কয়দিন সে এ বাড়ীর বাহির নাড়ায় নাই। আজ সন্ধ্যা একটু ভাল আছে। শরৎ নীচের বৈঠকখানায় বসিয়া কি একখানা পুরাতন মাসিক পত্রিকা পড়িতেছে। এমন সময় অখিলবাবু স্বয়ং মোটার করিয়া আসিয়া হাজির হইলেন। জানালার সম্মুখে কান্নখানি দাঁড়াইল। শরতের সঙ্গে দেখা হইয়া গেল। সে অত্যন্ত সন্তুষ্ট হইয়া পড়িল। তারপর তাহাদের কথা হইল এই যে, তাহার স্ত্রী শিব প্রতিষ্ঠা করিয়াছে, সেইজন্য তাহার বিশেষ অনুরোধ যে অরুণাকে লইয়া যাইতে হইবে। আজ মাইলে পরশু সকাল। সে আসিবেই আসিবে, শরৎ তাহার ভাইয়ের অস্থখের কথা জানাইল। তবুও কিছুতেই তাহার বন্ধু ধনী পাওনাদার শুনিলেন না। বাড়ী গিয়া বোদিকে শরৎ জানাইল। অরুণা কিছুতেই রাজী হইল না। বাড়ীতে এমন অস্থখ কোন মুখে ঘরের বো আনোদ করিতে যাইবে। কিন্তু এদিকে

রাণী-বো

অখিলকেও চটাইতে শরতের সাহস হইতেছে না। সাত-পাঁচ ভাবিয়া শরৎ অরুণাকে ঘাইতে বাধ্য করাইল। সঙ্গে কেহ ঘাইবার লোক নাই ; ঘাইলে বাড়ীর কাজ এখন চলিবে কিরূপে ? অতএব বন্ধুর সঙ্গে ঘাইবে তাহাতে এমন দোষই বা কি ! এমন ত কতবার গিয়াছে ইত্যাদি কথা ভাবিয়া শরৎ একা ঘাইবার সম্মতি দিল।

অরুণা বাহির হইয়াছে তাহার অন্ধঘণ্টা পরে শরতের ডাক পড়িল উপরে। উপরে গিয়া শরৎ দেখিল সনৎ হাঁপাইতেছে। শরৎ ডাক্তার ডাকিবার জন্ত ঘাইতেছে দেখিয়া সনৎ ইসারায় মানা করিল। কথা কহিতে পারিল না। কিছুক্ষণ পরে অতি কষ্টে বলিল,—“মেজদা এদের নিয়ে না পার ত—দেশে—ফিরে—যেও ! মা—আমাদের বেতে অনেক বার চিঠি—লিখেছেন—আনার হ’ল—না—তুমি—যেও।”

শরৎ কথা কহিতে মানা করিল ; কিন্তু কোন ফল ফলিল না। সনৎ দম লইয়া পুনরায় বলিল,—“মনে রেখ মেজদা, আমি—বড়নার কাছে—গিরে—যেন না—শুনি—লোকে—তোমায়—বুলে—জুরাডী,—আর মায়ের কোলে—যেও, দেশে—ফিরে যেও—এ সহরে সত্যতা—”

স্বর আর ফুটিল না। কত কি বলিবার চেষ্টা করিল বলিতে পারিল না। বাড়ীতে হাহাকার উঠিল। বাড়ীর সকলের আকুল ক্রন্দন সনতের কণ্ঠের স্বর ফিরাইতে পারিল না, তাহাকেও ফিরাইতে পারিল না। অরুণা তখন কি করিতেছে কে জানে ! তাহাকে

রাণী-বৌ

ডাকিবার জন্তু কাহাকেও পাঠান হইল না। অরুণা তাহাকে শেষ দেখা দেখিতে পাইল না।

রাত্রি কত কে জানে! হয়ত বেশী নয়; তথাপি এ বাড়ীর দর নিস্তরু। বাহিরের ঘরে শরৎ কাঁদিতেছে কি শুন্ম হইয়া বসিয়া আছে—কে জানে! শ্মশানে কোন লোকের পাল্লায় পড়িয়া সে মদ খাইয়া বাহিরের ঘরে একাকী বসিয়া আছে। বাড়ীর ভিতর সকলেই একা একা কাঁদিতেছে। এমন সময় একখানা মোটর গাড়ী আসিয়া পামিল। অরুণা গাড়ী হইতে নাবিল। সে জানিত না তাহার দেবরের মৃত্যু হইয়াছে। সম্মুখে তাহার স্বামীকে দেখিয়া সে কাঁদিয়া ফেলিল। সে পায়ে লুটাইয়া পড়িল। শরৎ অবাক হইয়া গেল। কিস্তি মদের মুখেও সে বুঝিতে পারিল এ কাণ্ড তাহার ভ্রাতার মৃত্যু-জনিত কাণ্ড নয়। জ্বর এ-কাণ্ড স্বামী বুঝিল। তারপর জড়িতস্বরে সে কি বলিল, কি না বলিল, কিছুই তেমন বুঝা গেল না। যে ঝি দিতে আসিয়াছিল সে হতভম্ব হইয়া গিয়াছিল। ট্যাক্সিওয়ালা বাহিরে ডাক দিতে ছিল।


স্ত্রীর এই ক্রন্দন এবং আধা-বলায় আধা-না-বলায় স্বামী কি বুঝিল কে জানে! সে স্ত্রীকে ঠেলিয়া দিয়া সেই ট্যাক্সিতে করিয়া সে অখিলবাবুর বাড়ীতে গেল। বৈঠকখানায় অখিলবাবু নাই, বন্ধুরা আমোদ আহ্লাদ করিতেছে। বাড়ীর ভিতর হইতে চাকর আসিয়া সংবাদ দিল বাবু কোথায় বাহির হইয়া গিয়াছেন। শরতের

রাগী-বোঁ

মুর্তি দেখিয়া সকলে ভয়ে স্তম্ভিত হইয়া গেল। শরৎ সকল বন্ধুদের সাম্নে চীৎকার করিয়া বলিল,—“গরীব ঋণী বলে ‘কি আমি ভদ্র নই,—আমার মান টুকুং নেই,—আজ অখিল যদি আমার সাম্নে পড়তো ত জুতিয়ে লাগিয়ে তার মুখ ভেঙ্গে দিতাম—ছোট লোক ছোট লোক—মেয়ে মানুষের—”

আপনার বন্ধুবান্ধবরা মুখ টিপিয়া ধরিল। কেহ কেহ বলিল—“কি কর শরৎ, পাঁচজন এসেছে” শরৎ তাহাদের হাত ‘ছনাইয়া লইয়া বলিল—“পাঁচ’শ বার বলবো সে ছোট লোকটার এতন্দ্র আশ্পর্ক—জুতিয়ে—”

পাঁচজনে ধরিয়া তাহাকে ট্যাক্সিতে উঠাইয়া দিল। শরৎ রাগে ফুলিতে ফুলিতে গালাগালি করিতে করিতে চলিয়া গেল। পাঁচজন বুঝিল, শরৎ মাতাল হইয়া একপ করিতেছে।



তের

‘এ ঘটনার অল্পদিন পরেই অখিলবাবুর মোদ্যাহেবদল এবং বাড়ী-ওয়ালার লোক পুলিশের এবং কোর্টের সাহায্যে শরতের বাড়ীর তাল ভাঙ্গিয়াও যখন তেমন কিছুই পাইল না, কেবল একখানি পত্র পাইল, তখন সেই পত্রখানা লইয়াই বন্ধুহলে খুব আলোচনা চলিতে লাগিল। পত্রে লেখা ছিল—

যিনি এই পত্রখানি পড়িবেন তিনিই আমার গুরুজন, আমার নমস্কার। অতএব প্রণাম হই।

বড় বাথায় এই চিঠিখানি লিখিতেছি। ষাঁর হাতে ইহা পড়িলে তিনি যেন ছিঁড়িয়া না ফেলেন। ইহার প্রত্যেক কথা সত্য।—আমি স্বচক্ষে যাহা দেখিয়াছি, উপলব্ধি করিয়াছি তাহাই লিখিতেছি। তাই ছিঁড়িয়া ফেলিতে নিবারণ করিতেছি। এ চিঠি পড়িবেন, পড়িয়া বাঙ্গালীকে জানাইবেন আমার ভাই-দাদা-বোন সকলকে জানাইবেন যে, কেমন করিয়া তাহাদেরই এক ভাই এই রেসের জুয়ায় পড়িয়া সর্বস্বান্ত হইয়াছে। শুধু বিত্বহীন নয়, সর্বস্বান্ত হইয়াছে, মান সম্মান সব, মনুষ্যত্বের বস্তু কিছু গৌরবের জিনিষ সব সে খোওয়াইয়াছে।

প্রাচ্য সভ্যতার এই যে কি নিদারুণ খেলা! এ খেলায় মানুষ মরে না। কেবল চিতার আগুণে পুড়িতে থাকে। দুই বিধবা হই

রাণী-বো

না, কিন্তু বিধবার সমস্ত জ্বালা তাকে সহ্য করিতে হয়। পুত্র পিতৃহীন হয় না, কিন্তু পিতা পুত্রের ভরণপোষণ যোগাইতে পারে না। এ নেশায় মানুষ টলে না, মাতাল হয় না—কেবল পাগল হয়! সে যে কি-করে, কি না-করে তা তার বোধ থাকে না। দেন্দার, জুয়াচোর, মিথ্যাবাদী, শঠ সবই হইতে পারে, হয়ও! মানুষকে অ-মানুষ করিবার এ কি সুন্দর অস্ত্র!

এ নেশায় মত্ত হইয়া ভাইয়ের সঙ্গে পৃথক হইয়াছি, বৌদির গহনা চুরি করিয়াছি, আফিসের ক্যাস্ ভাঙ্গিয়াছি, স্ত্রীর গায়ে হাত তুলিয়াছি, পাওনাদার আমার স্ত্রীর গায়ে হাত দিয়াছে তাও সহ্য করিয়াছি। বড়ভাই ছোটভাই মরবার সময় এ খেলা খেলিতে মানা করিয়াছে, তা শুনি নাই। বড় ভাইয়ের পুত্রকে, স্ত্রীকে পথের ভিখারি করিয়াছি! আমার আছে কি! কাস্তাবাবু সাতলাখ টাকার অধিকারী ছিলেন অনেকেই জানেন। তিনিও আজ এর তার দোরে একটা আম, একটা আপ-পোড়া সিগারেট, একটু ভাল জিনিষ খাইবার জন্ত লালায়িত! পরিধানে তার বস্ত্র নাই। মাথা গুঁজিবার তার স্থান নাই। অথচ, তাহারই পরসায় কতজন না কত স্তুতি করিয়াছে। কতজন কত রকমে তাকে ঠকাইয়া লইয়াছে। এসব দেখিয়াছি, এসব ভুগিয়াছি, তবুও লজ্জা আসে নাই—তবুও সহজে দিকার হয় নাই। আজ সকল রকমে নিঃস্ব হইয়াছি তাই দিকার আসিয়াছে। একদিন ট্যামের পরসার জন্ত ভিক্ষাও করিয়াছি।

সকলের অপেক্ষা দুঃখের-ভয়ের-ক্ষোভের বিষয় এই যে, যত্ন আমি দেখিয়াছি, অহুভব করিয়াছি, এই ব্যাধি—এই নেশা—এই সর্বনাশ জুয়া ধীরে ধীরে বাঙ্গালার ধনী, দরিদ্র, ভদ্র, অভদ্র, সকলকেই গ্রাস করিতেছে, আর গ্রাস করিবার জন্ত অগ্রসর হইতেছে। এ নেশার দয়া নেই, মায়া নেই, ধর্ম নেই! জুয়ার নেশায় মহাভারতের কুরুক্ষেত্র! ভাইয়ে ভাইয়ে পৃথক!

সহিন, কোচম্যান, ড্রাইভার, কেরাণী, বেস্টা ও কারিকর সকলেই এ খেলা খেলিতে মুরু করিয়াছে। অধঃপাতের পথে যাইতেছে। কত সংসার নীরবে জুয়ার কবলে পড়িয়া নরকে তলাইয়া যাইতেছে। কত আর বলিব, ভাবার জোরে এ বুঝান যায় না। কালির কলমে কত আব লেখা যায়! মনে হয় ব্যথার অশ্রুর সমস্তটুকু নির্ধাস দিয়া লিখি। আমার বাঙ্গালীর ভাইয়ের প্রাণে আঘাত করি; কিন্তু, সে ক্ষমতা কৈ! তবুও এ পাগলা চিঠি শেষ করবার আগে একটা কথা—ভগবানের কাছে একটা প্রার্থনা করি যে, মঙ্গলময়!—জানি না তুমি কেমন! তোমার কোন্ হাতে বর, কোন্ হাতে অভয়! তবুও জিজ্ঞাসা করি—বাঙ্গালী পরাধীন, চিরদুঃখী, দরিদ্র, লাঞ্চিত—পৃথিবীর কাছে নাকি হয়, অসভ্য! এদের ধ্বংসের জন্ত মহামারী আছে, ম্যালেরিয়ার বিষ আছে—দুঃখ কষ্ট পাবার শতসহস্র অস্ত্র আছে! তবু কেন তাদের সভ্যতা দেবার আগে সভ্যতার রূপ ধরে এমন অপকৃপ সুন্দর নিদারণ অস্ত্র পাঠিয়ে দিলে পরমেশ্বর—তাদের জীর্ণ বুকে বেঁধবার জন্ত? এতে কি মঙ্গল

রাণী-বো

হ'ল মঙ্গলময়! আজ এ জাতিকে সেটা বুঝিয়ে দাও! আর মঙ্গল যদি না থাকে ত মঙ্গলের পথে একে ফিরিয়ে নিয়ে যাও! আর কত দুঃখ সব!

আপনিও এমন কোন প্রার্থনাই যেন আমার দেশবাসী ভাইয়ের হৃদয় করেন। সবাইকে বলবেন; সবাই যেন করে। তাহা হ'লে তিনি কি থাকতে পারবেন? তাঁর আসন কি উল্বে না! তাঁর বুকে কি ব্যথা বিঁধবে না!

আর না, ভোর হ'ল। মদের নেশায় দুঃখের ভারে কি লিপথলুম জানি না, কত ভুলও হয়ত থাকবে, জানি না। তবে একটা জানি, যে এ বিষয়ে আমি নিভুল—আমি যে কষ্ট পেয়েছি সে কষ্ট যেন অপরে না পায়, তারই হৃদয় এ চিঠিতে ভগবানের কাছে প্রার্থনা করছি এবং আপনাদের সকলকে তাহাই করিতে বলিতেছি, ইতি।

হৃদভাগা ঘৃণা

জুয়াড়ী।

পুঃ—আমার জীবনের কতটুকু কথাই বা বলা হল। যদি বিদাতা আবার আমার কোনদিন সময় দেন, ত, সেদিন এই রেসের এই জুয়ার আরো কত যে কষ্টের-দুঃখের-হীনতার-নীচতার অভিজ্ঞতার দুঃসংবাদ আছে তা জানাব, এখন আমার সময়ও নেই, তেমন মনের অবস্থাও নেই। অতএব ক্ষমা করুন।

পড়া শেষ হইলে দ্রুত হাসিল। কেহ পাণ্ডুলিপি বলিয়া উড়াইয়া

নিবার চেষ্টা করিল। কেহ ভাবিল, সত্যই কি বাঙ্গালী ভিতরে-বাহিরে এতই নিঃস্ব হীন সে হইয়া পড়িয়াছে ? তাহার দেশভাইকে এত হীন ভাবিতে কাহারও কাহারও প্রাণে বাজিল। এমনি আরো কত চিন্তা আসিল, তর্ক আসিল ! তথাপি, কেন জানিনা সেই, ব্যথার চিঠির সত্যতা সম্বন্ধে উপস্থিত সকলেই কোথায় যেন এক মত হইয়া গেল ! তারই ঐক্যতানের কল্লোল সকলের প্রাণে গুরু গুরু করিয়া উঠিল।

সেখানে যখন এসব লইয়া এমনভাবে আলোচনা হইতেছিল, তখন কোন এক সামান্য গ্রামের অজ্ঞাত কুটীরে অমল এবং শরতের নিম্নলিখিত আলোচনা চলিতেছিল।

অমল সমবেদনার সহিত বলিল,—“আমি ভাবি কেমন করে এমন হঠাৎ এ তীব্র নেশার ঘোর কাটলো।”

শরৎ ছল ছল নেত্রে, বেদনাভরা কণ্ঠে বলিল,—“এই কেমনটা যে কেমন তা যে উপলব্ধি করেছে সেই জানে। আমি যে আমার জীবনের এ অঙ্কে কেমন করে যে হঠাৎ যবনিকা ফেলে দিলাম, তা আমি নিজেই জানি ! এ হঠাৎ—তোমাদের কাছে হঠাৎ, আমার কাছে নয়। কতদিন ধরে যে ভেতরে ভেতরে আমার মন ব্যথিয়ে উঠেছিল—এ নেশার বিষাক্ত নিঃশ্বাসে। কত সহ করেছে। শুনেছি ভূমিকম্পও নাকি এমনি হঠাৎ ; তার কিছুক্ষণ পূর্বেও জানা যায় না। এমনি আশ্চর্য্য আমার জীবনধারার সম্বন্ধে আলোচনার সময় আমার বুকটাও হয় আমি জানি।” বলিয়া শরৎ নিজের চোখ দুটি মুছিল।

রাণী-বৌ

অমল কথাটা ঘুরাইয়া লইবার জন্ত বলিল,—“আর একদিন সব বলতে হবে! এখন—”

শরৎ সে সব কথায় কাণ না দিয়া বলিল,—“এই প্রতি শনিবারে যখন আমি আমার গ্রামের হীকুখড়োকে দেখি যে সে একটি ছোট্ট রুমালে দুটি যা-কিছু বেঁধে হস্তমস্ত হয়ে ষ্টেন হ’তে গ্রামের পথে চলে, তখন আমার দুচোখ জলে ভরে যায়, মনে হয় এমন দিনে আমি কোথায় ছুটতাম। হীকুখড়োর বুকে থাকে আনন্দ, আশা— আর আমার—”

“শরৎ রাজি অনেক হল যে কতক্ষণ আর—”

শরৎ করুণস্বরে বলিল—“যাই মা—যাই।” বলিয়া সে মায়ের ডাকে বাড়ীর ভিতর গেল।

অমল ভাবিতে লাগিল।

বাড়ীর ভিতরে অরুণা—আমাদের রাণী-বৌ তখন স্বামীর ভবিষ্যৎ মঙ্গলের জন্ত দেবতার চরণে প্রার্থনা করিতেছিল! আকাশে তখন এক টুকরা শুভ মেঘ অনেকটা অশ্ব গুরুর মত অর্ধচন্দের সমগু কলঙ্ক ঘেন ঢাকিয়া দিতেছিল।

সমাপ্ত

